

ლიტერატურული გაზეთი

№5 (213) 9 - 22 მარტი 2018

გამოდის ორ კვირაში ერთხელ, პარასკეობით

ფასი 80 თეთრი



ზაზა ბიბილაშვილი

პოეზია, დანარჩენი ლიტერატურა, და დანარჩენი 2017

პოეზია უარს ამბობს ენაზე.
დასკვნა ეფუძნება პრაქტიკულ პოეტურ ცხოვრებაში შემჩნეულ ტენდენციას — აღარ იყოს პოეზიისთვის მნიშვნელოვანი იმ ენის თავისებურებები, შესაძლებლობები და ა. შ. რომელზეც ის იქმნება; საბოლოო ჯამში, აღარ იყოს მისთვის ადრინდელი მნიშვნელოვანი, ზოგადად, ეს ენა.

რიტმიან ლექსს რიტმა მაინც აქვს...

ეს რიტმაც რა უცნაური რამეა: ამას ხელს უშლის, იმას ხელს უწყობს...

ერთნი ხომ ამბობენ — პოლიტიკა ბინძური საქმეაო. მეორენი ხომ პასუხობენ — თავისთავად ბინძური არ არის, გააჩნია, ვინ აკეთებს, და როცა ბინძური ადამიანები აკეთებენ, ე, მაშინ არის ბინძური საქმეო.

რას აირჩევ საჩვენებლად, ეგ კიდევ სხვაა. ისე კი, რალაც თითქმის არსაჩვენებლის ან სულაც არსაჩვენებლის ჩვენებაც არის პოეზიის ერთ-ერთი მას-ასიათებელი.

შესაძლოა, პოეზიაც არ არის თავისთავად სისულელე, ნარცისიზმი, პათეტიკა, ცინგილიანი სენტიმენტალიზმი...



რა უცნაურია:
ზოგი რომ ლექსებისთვის ვერ იცლის, ეგეც პოეზიის ტკივილია და ზოგი რომ ლექსებისთვის იცლის, ეგეც:

რა ჯობია — სიზარმაცით რომ აზარალებ პოეზიას, თუ შრომისმოყვარეობით?

პაატა ნაცვლიშვილი

ანაბრამები და ნაბრამები და შესაკრებთა სხვა მიმონაცვლებანი

ნიჭი

თუ ყველაფერი გაიგე მწყემსებისა და ცხვრებისო, ნიჭი გქონია, ძამიკო, ქრისტესმიერი ცხოვრების.

მასპინძელი

შენ ამ ღვინის გემო ნახე,
შენ ამ ღვინის ფერი მიქე...
მოინონებ — თამადა ხარ, თუ არადა, — მერიქიფე!

წყალი პირში!

სიყვარული კაბალური და დუმილი კამბალური...
ვთხოვ, კამბალას, მაპატიოს,
ეს თევზური კალამბური!

საქმე ვქმენ საჭოჭანაეზი

ოთითთხმაგი შიუთთთელრაიმი

ყვავს და ყორანს საერთო აქვთ
სიყვარული ბახალათა,
კატას სუნი ურჩევნია თავვეს კატაბალახათა,
რად მომინდა ცდა ფორმათა ასე უცებ ახალათა;
რა ჯანდაბად ავიტყე ეს ამხელა ხათაბალა!

ჰოსპიტალი

გადავირჩინა დედ-მამა
ერთმა კეთილმა შედღამა.

მაჯამა-ანაბრამა ანას

იამაყე ანაგრამით —
წინაპრებით და ნაგრამით,
არ დაეჭვდე, ანა, გრამით,
გაიხარე ანაგრამით —
იმით — არა, გარნა ამით!

IV-VI

სოსო მეშველიანი

ანუ, ახლა რაზეც ვნერ

რძის ხუთი ყლუპი

უკვე ერთი თვე იყო გასული, რაც ასაკით მამაჩემზე უფროს კაცთან ერთად ცხოვრობდი მთაში. მარტო ჩვენ ორნი ვიყავით, საშინლად მომწყინდა. სადღაც ჩაღრმავებულ ადგილას გვეყენა ნახირი. გრძელი აღმართის ამოვლა მეზარებოდა, სხვა მთებში რომ გადავსულიყავი, სადაც ახალგაზრდები იყვნენ. ერთ დღესაც, საღამოხანს, ქედზე, ადამიანის სიშორისგან დაპატარავებულ, ფორმადაკარგულ ლანდს მოვკარი თვალი — ეს უბრალო რამეც ისე გამიხარდა, თითქოს მანამდე მთელ სამყაროში მარტო ვიყავი. შეჩერდა, ძახილის მაგვარი რალაც გავარჩიე ჩანჩქერების შხუილში, ხმით, ცხადია, ვერ ვიცნობდი, მაგრამ ნაცნობის გარდა იქ არავინ ამოვივლიდა. დავიძახე, რალაც სიტყვებს ვარჩევდი: „ხვალ“... „მამაშენი“... „ამოსვლა“... შევიკუმშე და ისეთი ხმა ამომხდა, მე თვითონ დავფრთხი — მამაჩემი ამოდის?.. აი, უცნაური! ლანდი უკვე იქ არ იყო და მერეღა მოაღწინა. „ხოო... ხოო“... სიხარულისგან ხტუნვა დავიწყე, უკვე არ მაინტერესებდა, მანამდე რას იტყოდა — ისე კი, კაი ხანი იქაქანა. დილით ხუთზე ავდექი, ძროხები ჩამოვწველე, ყველი ამოვიყვანე, ზურგჩანთას ვეცი და გავვარდი. შუა აღმართი რომ ავიარე, უკვე კარგად გათენებული იყო, ვიფიქრე — „ასე ადრე რა მინდა სახლში, მამაჩემი მაინც იმიტომ ამოდის ამ ქედის გადაღმა, რომ დათიბოს, მაინც გზად არის. გავალ ცოტა ხანს წავიმუშავებ“. ცელი და მისი ყველა „ატრიბუტიკა“ იქ გვექონდა დამალული. მივალნიე — სწრაფი სიარულისგან ისე მქონდა სხეული გახურებული, შუაცეცხლის კვამლით გაჭვარტლული ქურთუკი რომ გავიძვრე, დილის შეციებული ნიავი ამიშინდა ოფლიან მკერდზე. შევუდექი თიბვას. უცებ ვილაც გამოჩნდა — გრიშა ძიაც (ყველასთვის რატომღაც „მაკო“) წამოსულა სათიბში (კაცი, ვისთანაც ცხოვრობდი მთელი ეს თვეები), უაღრესად პატიოსანი, გამრჯე კაცი იყო, მაგრამ დაღვევა უყვარდა. დედაჩემი სულ მასთან მატანდა თავის განთქმულ ანწლის

და ჭანჭურის არაყს, ორ დღეში რომ უღებდა ბოლოს. მერე უკვე უხასიათობისგან ხმასაც არ მცემდა. ცელი იყო გამოსაკვერი. პატარა ვაკე მოვძებნე, უხეში შამბი და ღეროლი მოვცელე — უცებ რალაცამ გაიჩხაკუნა, შუშის ბოთლი იყო, რალაც გამჭვირვალე სითხით სავსე. მოვხადე თავი — არაყი. ან მონადირეებს დარჩათ, ან მამაჩემს (აბა, გრიშა ძიას ნამდვილად არ დარჩებოდა). დაფუძახე, მისი იმ რეაქციის და სიხარულით სავსე თვალების აღწერას, სულ ცოტა, ჩეხოვი თუ შეძლებს. მაშინვე გახსნა ზურგჩანთა, ამოიღო ყველი, ცელოფანში გახვეული ღომი, ობჩამოთლილი, განახევრებული პური და იქვე ბურერის ფოთლებზე დააღაგა. გადაკრა, ღომი და ყველი მიაყოლა და გადმომანოდა. ცოტა მოვსვი. უჭმელი ვიყავი, არც მშობიდა, მაგრამ რამე ხომ უნდა მიმეყოლებია?! მომერიდა, ვიუარე — მე სახლში მივდიოდი, იმას ელეოდა საგზალი. ისევ ცოტა მოვსვი, მერე ისევ ცოტა და... მივხდი, უკვე არანაირი თიბვის თავი არ მქონდა. წამოვდექი, ნაჩქარევად დავემშვიდობე და დავემვი თავდაღმართში. მერე ტყეში შევიდი. ცოტა ხანში ისე მომეთენთა სხეული, უცებ ისე მტაცებელივით დამეცა შიმშილი, ასეთი რამ მანამდე არ მახსოვს — მუხლებიც პლასტილინით მეღუნებოდა ყველა მხარეს. ჩამოვჯექი. მერე ისევ გავიარე ცოტა. ისევ ჩამოვჯექი. თან ჯერ მაყვლის ბურჩებში მნიფე მაყვალს დავუწყე ძებნა — ვერაფერი. მერე რძიან მჭადა სოკოს ვეძებდი (რომელიც უმად იჭმევა). ვერც ის ვნახე. ასე ჩავალნიე თხილწარამდე, სადაც ადრე პატარა საკარტოფილე ნაკვეთი გვექონდა. იქ ზარის წკრიალი გავიგონე. ხმით მივხვდი, რომ ჟორაილას პირუტყვი იყო სადღაც ახლოს (მთაში არ დაჰყავდა). მივედი, ერთ თვინიერ ძროხას მივადექი, ახლად ჩამოწველილი იყო, მაგრამ რამდენიმე ყლუპი მაინც ჩავინველე პირში და შემოვლითი გზით თავდაღმართში დავემვი.

XII-XIII



ის ილბლიანად ნაპოვნი სათაური (პიკასოც კი ამბობდა თურმე, მე არაფერს ვქმნი, მხოლოდ ვპოულობ) ზედმიწევნითი სიზუსტით ასახავს ჩვენი საუბრის თემას. კერძოდ, რუსეთში 1917 წლის ოქტომბრის სახელმწიფო გადატრიალების შემდეგ ხელისუფლებაში მოსული ბოლშევიკების დამოკიდებულებას ახალი საბჭოთა ადამიანის ოჯახური, განსაკუთრებით კი მისი სექსუალური ცხოვრებისადმი და ამ ცვლილების რეპრეზენტირებას მაშინდელი ქართული მხატვრული პროზის ორ სრულიად განსხვავებულ ტექსტში. იმ ერთობ უცნაურმა ეგზალტაციამ, რომელიც მაშინ მასების ვულკანური ენერჯის გამოთავისუფლებას მოჰყვა, შესაძლოა ყველაზე მეტად სწორედ ამ საკითხის რევოლუციური სიტლანქით გადაჭრაში იჩინა თავი.

ბოლშევიკებმა, რომლებიც პირველ ეტაპზე მსოფლიო რევოლუციის იდეით იყვნენ შეპყრობილნი და თავი ლამის სამყაროს პირველშემქმნელებად წარმოედგინათ („ძველის ნანგრევებზე ჩვენ ავაშენებთ ახალს“), მშვიდობისა და მინის დეკრეტების შემდეგ გამოსცეს დეკრეტი ოჯახისა და ქორწინების შესახებ. საბჭოთა ისტორიოგრაფიაში ეს ინიციატივა საბჭოთა მთავრობის მშრომელთა ყოველდღიურ ცხოვრებაზე ზრუნვადაა შეფასებული მაშინ, როდესაც რეალურად ვითარება საკმაოდ ორაზროვანი იყო.

ანარქისტულად განწყობილი მეზღვარები, საეჭვო წარმომავლობის სხვადასხვა მარგინალი, აშკარა ბოროტმოქმედები, რომლებიც ცენტრსა და პერიფერიებში ხელისუფლების სათავეში მოექცნენ (ისინი განსაკუთრებით ეგრეთ წოდებულ „ჩერეზიჩაიკებს“, ანუ საგანგებო კომისარიატებს მიეძღვნენ), თავიანთი სულიერი და გონებრივი შესაძლებლობების ფარგლებში ახდენდნენ მიღებული კანონების ინტერპრეტირებას. ერთობ უცნაურად იქნა აღქმული ზემოთ ნახსენები დეკრეტიც. იგი, არც მეტი, არც ნაკლები, ქალთა სოციალიზაციად, ქალის ბურჟუაზიული წარსულის გადმონაშთებისგან, კერძოდ კი ოჯახის წინააღმდეგ, სრულ გათავისუფლებად, მისთვის „აქამდე აკრძალული სექსუალური თავისუფლების“ მიღების საშუალებად გამოცხადდა. საკმარისია, გაცნობთ ვლადიმერ-სარატოვის, როსტოვისა თუ ტამბოვ-ვოლოგდის ნოვაციური კანონშემოქმედების ნიმუშებს (ცოტა მოგვიანებით, კერძოდ, 1927 წელს, თბილისშიც იბეჭდება ერთი ამ ტიპის სახელმძღვანელო — ვ. ფანცხავა, ვ. ლორთქიფანიძე „ტფილისის მუშა-ახალგაზრდობის სექსობრივი ყოფა-ცხოვრება“) 18-დან 32 წლამდე „ქალთა ნაციონალიზაციისა“ და მათი „გადანაწილების“ შესახებ, კომკავშირელი ქალის კომკავშირულ ვაჟთან თანაცხოვრების მოვალეობაზე, თავისუფალი სიყვარულის დღეების დანახვაზე, სექსუალური კომუნიტების შექმნის აუცილებლობაზე, რომ დღევანდელი მოთხოვნები და თვით ავტორიტეტული ეგრეთ წოდებული „შედეური ოჯახებიც“ კი ზედმეტად ლიბერალურად მოგჩვენებათ. ამიტომაც 1918 წლის უცხოურ პრესაში გამოჩნდა წერილები სათაურებით: „ბოლშევიკების მიერ ქალთა ექსპროპრიაცია“, „ბოლშევიკები ტაბუს ადებენ ოჯახის შექმნას“, „პოლიგამია საბჭოურად“, „სოციალიზმმა დააკანონა პროსტიტუცია“, „ბოლშევიკებმა რუსეთი ცივილიზაციის მიღმა გადასროლეს“ და სხვა. დღევანდელ რუს ისტორიკოსთა ნაწილი ამგვარ რეაქციას რევოლუციის დაუძინებელ მტერთა ხრიკებად მიიჩნევს, ხოლო თავად პრობლემას მითის კატეგორიას ანიჭებს. რაც შეეხება ოფიციალურ, მათი აზრით, იგი შორს იყო ასეთი არასერიოზულობისგან. არადა, ვლადიმერ ლენინმა ჯერ კიდევ რუსეთის სოციალ-დემოკრატიული პარტიის მესამე ყრილობაზე საგანგებოდ მიაქცია ყურადღება რევოლუციის გამარჯვების შემთხვევაში მოსალოდნელი „მგრძობელობის ბუნდობლივ“ გონივრული მანიპულირების მნიშვნელობას. 1904 წელს იგი წერდა: „მგრძობელობის გამოთავისუფლება, რომელიც არ შეეწინააღმდეგება ფსევდოოჯახურ ფასეულობებს, დიხავს ნაადგება სოციალიზმის გამარჯვების საქმეს“... ამასთან, დღეს უკვე ბევრი რამაა ცნობილი მომავალში პარტოკრატებად ქცეული რევოლუციის მამების პირადი ცხოვრების შესახებ,

რომელიც ზებუნებრივობით არ გამოირჩევა და არაერთი ადამიანური სისუსტიტაც იყო გაჯერებული. გამოდის, რომ საქმეს ისე მაინც ვერ წარმოვადგენთ, თითქოს ბოლშევიკების ლიდერებმა მსგავსი გადახრების ან პერვერსიების შესახებ თითქმის არაფერი იცოდნენ. სულაც პირუკუ. დავიმონმოთ კიდევ ერთი მაგალითი სხვა მასალიდან: ავსტრიელ-ამერიკელი ფსიქოლოგი, ფროიდის მოწაფე და ევროპული ფსიქოანალიზის სკოლის ერთ-ერთი შემქმნელი ვილჰელმ რაიხი (1897-1957) თავის ნაშრომში „სექსუალური რევოლუცია“ (პირველად გამოიცა 1934 წელს) იმონებებს ლევ ტროცკისა და ვლადიმერ ლენინის მიმონ-

ვინმე ტეიტლანის ცნობას თუ მოვიშველიებთ, ოჯახის ცნება ჩანაცვლებულ იქნა „მენყვილით“ ცნებით, ამიტომაც რუსეთის მსხვილ ქალაქებში ოჯახებს სწორედ „მენყვილნი“ სჭარბობდნენ. რაც შეეხება სუფრაჟისტებს, მათ აშკარად გადააჭარბეს ცნობილმა რევოლუციონერმა ქალებმა, ალექსანდრა კოლონტაიმ, ლარისა რეისნერმა, ინესა არმანდმა, რომლებსაც „რევოლუციის ვალკირიებს“ უწოდებენ არა მარტო მათი იდეების, არამე უფრო მათივე მჩქეფარე პირადი ცხოვრების გამო. ლენინის მთავრობის სახკომი, რკპბ ცკ-ის ქალთა განყოფილების („ჟენოტდელის“) ხელმძღვანელი, მოგვიანებით კი სსრკ-ს ელჩი ნორ-

საჩვენებელ დემონსტრაციებს მათავდნენ ცხოვრების ფსკერიდან ამოხეჩილი სოციალური რევანშიზმის დამანგრეველი ძალა და სისხლის ტბები, რომლებიც გარშემო იდგა, მათ, როგორც ჩანს, სრულიადაც არ აფერხებდა. მაშინდელ სისასტიკეზე ობიექტურად მოგვითხრობს (ვგულისხმობ ნითელი და თეთრი ტერორის ერთიან სოციალ-პოლიტიკურ სივრცეში გააზრებას) ემიგრაციაში წასული რუსი ისტორიკოსი სერგეი პეტრეს ძე მელგუნოვი (1879-1956) ნიგნში „ნითელი ტერორი რუსეთში“ (პირველად გამოიცა გერმანიაში 1923 წელს, 1975-ში კი ნიუ-იორკში. არ იქნებოდა ურიგო, ეს ნიგნი ქართულადაც თარგმნილიყო). ავტორი არაერთ უმტკივნეულეს

ნონა კუპრეიშვილი

რევოლუციის ეროსი



ერის ასეთ ფრაგმენტს: ტროცკი: „უეჭველია, სექსუალური ძალადობა ადამიანის ჩაგვრის უმთავრესი საშუალებაა. სანამ არსებობს ამგვარი რამ, საუბარიც კი ზედმეტი ნამდვილ თავისუფლებაზე. ოჯახმა, როგორც ბურჟუაზიულმა ინსტიტუტმა, სრულად ამოწურა თავისი თავი. ამის შესახებ ხშირად უნდა ვესაუბროთ მუშებს...“ რაზედაც ლენინი პასუხობს: „...და არა მარტო ოჯახი. უნდა მოიხსნას სექსუალობასთან დაკავშირებული ყველა აკრძალვა... ჩვენ ბევრი რამ უნდა ვისწავლოთ სუფრაჟისტებისგან“. და ეს, როგორც ვნახეთ, ერთადერთი თეორიული გამონათქვამი არ იყო. სწავლება კი შეიძლებოდა არა მარტო სუფრაჟისტებისგან, არამედ უპირველესად მარქსიზმის კლასიკოსებისგან, რომლებიც ჯერ კიდევ „კომუნისტური პარტიის მანიფესტში“ (1847) ახდენდნენ მომავლის იმგვარი საზოგადოების დეკლარირებას, რომელშიც გადაფასდებოდა ბურჟუაზიული სოციალური ინსტიტუტების, მათ შორის, პირველ ყოვლისა, ოჯახის, ძველი ფორმით არსებობის მიზანშეწონილობა (თუმცა ლევან ბრეგაძემ პრობლემის სიღრმეში ჩაგვახედა. მან მანიფესტის ავტორთა იმგვარ თავისმართლებას მიაქცია ყურადღება, სადაც ამ საკამათო ნოვაციის საფუძვლად ბურჟუაზიული ოჯახის ძველისძველი ამორალურობაა მიჩნეული. აი, ეს ციტატაც: „მეტად სასაცილოა ჩვენი ბურჟუების მაღალზნობრივი ძრწოლა, თითქოს კომუნისტებში ოფიციალური საზიარო ცოლობა არსებობდეს. კომუნისტებს არ სჭირდებათ საზიარო ცოლობის შემოღება; იგი თითქმის მუდმივად არსებობდა... ჩვენი ბურჟუები განსაკუთრებულ სიამოვნებას იმში პოულობენ, რომ ერთმანეთის ცოლებს შეაცდენენ ხოლმე...“). ასეა თუ ისე, რევოლუციურ რუსეთში დიდი ენთუზიაზმით აიტაცეს ეს შეფასება და მას შემოქმედებთადაც მიუდგნენ. შედეგად, ლევ ტროცკის პარტიის ერთ-ერთი წევრის,

ვეგიასა და მექსიკაში, ალექსანდრა კოლონტაი, მაგალითად, ისევე, როგორც ინესა არმანდი, ერთობ თავისუფალი მორალით გამოირჩეოდა. ყრილობებზე წარმოთქმულ სიტყვებში, სტატიებში თუ ბროშურებში იგი ილაშქრებდა ლევალური ქორწინების წინააღმდეგ, უწოდებდა რა მას „დიდ გაუგებრობას“ და პროპაგანდას უწევდა „სასიყვარულო თამაშების“ სხვადასხვა ფორმას მთავარი ლოზუნგით: „მიეცით გზა ერთიან ეროსს!“ კოლონტაი მუდმივად ფრამდა აქცენტს არსებულ სექსუალურ დისპოზიციებზე და ოსტატურად მანიპულირებდა ამ დროს წარმოქმნილი „ჭიქა წყლის სახელით“ ცნობილი სიყვარულის თეორიითაც, რომლის ძირითადი პრინციპი ასე ჟღერდა: „სექსუალური მოთხოვნის დაკმაყოფილება არის ადამიანის ბუნებრივი, როგორც ჭიქა წყლის დაღვევა და იგი იმავე სიმატეით უნდა დაეკმაყოფილოს“. ამასთან, მოითხოვდა სექსუალური ცოდნის სკოლებში შეტანას, რადგან ამ გზით, მისი აზრით, მკვეთრად შემცირდებოდა ნაადრევ ქორწინებათა რიცხვი (აი, ამ იდეის სისწორე კი, ვფიქრობ, დრომ დაადასტურა). რაც შეეხება ინესა არმანდს, მისი „სიყვარულისა და ვერაგობის“ ისტორიის აღწერას დიდი რომანისტი კალამი სჭირდება...

საკითხთან ერთად ჩვენთვის საინტერესო თემასაც ეხება: „რაც შეეხება ამ ყბადაღებულ ქალთა სოციალიზაციას“ და „თავისუფალი სიყვარულის დღეებს“, რომელმაც ბოლშევიკური და არაბოლშევიკური პრესის ქირქილი გამოიწვია, როგორც ადგლებზე განუკითხაობის ფაქტები, აუცილებლად მოხდებოდა“. მართლაც ასეა. მით უფრო, თუ კიდევ ერთ გარემოებას გავითვალისწინებთ: მთელი ეს დეკონსტრუქცია ან დეკონსტრუქციის მცდელობა ვერ იქნებოდა მხოლოდ თეორიულ-მსჯელობითი ხასიათის, რადგან მას ნათლად გამოკვეთილი პოლიტიკური მიზნებიც ჰქონდა. „ნეპის“ პირობებში ბოლშევიკებს ძალიან სჭირდებოდათ დემოკრატიისა და პიროვნული თავისუფლების ილუზიის შექმნა. ამ ანკესს კი, როგორც ცნობილია, ჯონ რიდიოთა და ჰერბერტ უელსით დაწყებული არაერთი ცნობილი ევროპელი მოაზროვნე და, ასე განსაჯეთ, წარმატებული ბიზნესმენიც კი წამოეგო.

უკანასკნელ პერიოდში საქართველოს გასაბჭოების ფორმებზე ანალიტიკური საუბრის დროს მწერლები, ისტორიკოსები და სოციოლოგები ხაზგასმით მიუთითებენ სოციალ-დემოკრატიული იდეებით შეპყრობილი გასული საუკუნის 10-20-იანი წლების (და, თუ გნებავთ მოგვიანებითაც, „გამარჯვებული სოციალიზმის მშენებელი“), ჩვენი საზოგადოებისთვის ოჯახის, როგორც დამცავი მექანიზმის, როლზე. ისტორიული დროის დიდი მონაკვეთის მანძილზე სახელმწიფოებრიობის გარეშე მცხოვრებ ქართველობას ავად თუ კარგად ოჯახი იცავდა და ეს ფუნქცია მან, იდეალურიდან საკმაოდ დამორეველი ფორმის მიუხედავად, საბჭოთა რეჟიმის თითქმის ოთხმოცწლიანი არსებობის სხვადასხვა ეტაპზეც შეასრულა. ქართველი ბოლშევიკები ხომ ბრმად ზაძვდნენ ცენტრს, დებულობდნენ და ასრულებდნენ მის ყველა დავალებას და ვინ იცის, რომ არა 30-იანი წლებში რევოლუციური ეროსის დაცხრო-

მა, საბჭოთა საზოგადოების დეეროტიზაცია (პარტიამ გადაწყვიტა, რომ ინდუსტრიალიზაციის მშენებლობას მგრძობელობის გაღვივება ხელს შეუშლიდა), რა მიმართულებით განვითარდებოდა ჩვენი საზოგადოება. ამ მოსაზრების ილუსტრირებას ვხედავთ რადიკალურად განსხვავებულ პოზიციებზე მდგარი ორი ქართველი პროზაიკოსის, მიხეილ ჯავახიშვილისა და კონსტანტინე ლორთქიფანიძის, მხატვრულ ნარატივში.

1929 წელს თბილისში გამომცემლობა „შრომამ“ გამოაქვეყნა ახალგაზრდა პროლეტარი მწერლის კონსტანტინე ლორთქიფანიძის მოთხრობა „პირველი დედა“. კონსტანტინე ლორთქიფანიძე ნიჭიერი, თუმცა იდეოლოგიურად უკიდურესად ანგაჟირებული მწერალი იყო. იგი იმ თაობას ეკუთვნოდა, რომელმაც შეება მხოლოდ წინა თაობის დიდოსტატების საფლავებზე შედგომის შემდეგ იგრძნო. როგორ ჩანს, მას იმთავითვე მომადლებული ჰქონდა ქარის მიმართულების ზუსტად შემგრძობი ფლუგელის ალლოც, რაც იმ დროს ძალიან სასარგებლო თვისება იყო. ამას მონიშნავს მისი ადრეული პოეზიის არაერთი ნიმუში (რად ღირს თუნდაც წარსულისგან აქამდე არნახული თვითგამიჯვნა ან უდანაშაულო ადამიანების დასახვერტად გადაწყვენი სატვირთო მანქანის „ქებათაქება“) და მთავარი ტექსტიც, რომანი „კოლხეთის ცისკარი“, რომელმაც კორექტირება, შეიძლება ასეც ითქვას, ცკ-ას საეტაპო დადგენილებების მიხედვით განიცადა.

„პირველი დედა“ დაწერილია სწორედ იმ დროს, როდესაც პროლეტმწერალთა ავანგარდში მდგარი კონსტანტინე ლორთქიფანიძე პოეზიიდან პროზაზე გადაერთო (ისევე და ისევე პარტიის კარნახით, რომელიც ახალი გმირული ცხოვრების ამსახველ ალტერნატიულ ტექსტებს ითხოვდა) და აქტიურად ბაძავდა მის მიერ მრავალგზის უარყოფილ წინამორბედებს, განსაკუთრებით კი მიხეილ ჯავახიშვილს (მოთხრობები „ხავსი“, „გოგა როგავა“, რომელიც მოგვიანებით რომანად იქცა და „ხავსის“ სათაური დაისაკუთრა). უნდა ითქვას, რომ ამ მხრივ იგი გამონაკლისს სულაც არ წარმოადგენდა.

მართალია, კონსტანტინე ლორთქიფანიძე ჯერ კიდევ ვერ აყალიბებს რამდენადმე ნათელ მხატვრულ ამოცანას, ძნელად კრავს სიუჟეტს და თვალშისაცემი ლექსიკური სიმწირით მხოლოდ შემოქმედებით გამოუცდლობას ავლენს, ახალგაზრდა მწერალი ხელისუფლებისთვის, როგორც თვითონ უწოდებდნენ, დამკვერთ საიმედო ძალად მიიჩნევა. „პირველი დედაში“ ავტორი ცდილობს, გვიჩვენოს ქართველი კომკავშირელი გოგონას, გაიანე მაისურაძის, ყოველდღიური ცხოვრება, რომელიც მისი სტატუსის შესაფერისად, გაუთავებელ კრებებსა და სააგიტაციო შეხვედრებზე იხარჯება. თუმცა სასიყვარულო, უფრო სწორად კი სექსუალური სურვილების, დაახლოებით „ჭიკა წყლის თეორიის“ მიხედვით, დასაკმაყოფილებლად დრო მაინც რჩება: „სქესობრივი საკითხი მისთვის ისეთივე მოთხოვნილებაა, როგორც ჰაერი, ახალი და ნოყიერი პური. სუფთა და ჯანსაღი იყოს ჰაერი, ყველგან გაძლენ, ყველგან ისუნთქავს და არ ესმის გაიანეს, რატომ აძალებს ყოველი მამაკაცი მასთან, მხოლოდ მასთან ერთად ცხოვრებას, არ ესმის გაიანეს მათი საყვედურები და არც

სცალია, რომ შეისმინოს...“ სხვა სიტყვებით, გაიანეს პირადი ცხოვრება „მოუმზადებელი“ მკითხველისთვის უნესრიგოა. სინამდვილეში იგი „პროგრესული“ არა მარტო იდეურად, არამედ, ასე ვთქვათ, ფიზიოლოგიურადაც. მოულოდნელი ორსულობა ამ „ჰარმონიულობას“ არღვევს იმდენად, რამდენადაც უარყოფითად აისახება ახალგაზრდა ქალის პარტიული მომზადების დონეზე. გაიანე ხედავს, რომ ჩამორჩა გუშინდელ ამხანაგებს და ესაა მისი წუხილის ძირითადი მიზეზიც. ხელისშემშლელი ფაქტორი კი, ცხადია, ორსულობაა (ერთ-ერთი პერსონაჟი, გომბორა, ამბობს: „რა დროს ობივაცელობაა (გომბორა ორსულობას ობივაცელობას ეძახის — კ. ლ.). ჯერ ბრძოლა არ გათავებულა!“ — და ჩამოთვლის იმ სიმამრებს, რომელიც აფერხებს მსოფლიო რევოლუციის აფეთქებას“). მწერალი ბუნდოვნად წარმოსახავს გაიანეს სულიერ დისკომფორტს, მის მიწყდომ-მონყდომას დედობასა და სანიმუშო კომკავშირელი მუშაკის პოზიციათა შორის („...მე მინდა ვიყო დედაც და მონინავე საზოგადოებრივი მუშაკიც!“). საბოლოოდ მას სრულ გაურკვევლობაში გამოცდილი ბები-აქალის პარამონოვას კართან ვხედავთ... კონსტანტინე ლორთქიფანიძე ქალთა საკითხის ბოლშევიკური პირდაპირობით გადაწყვეტას არ ჩქარობს. იგი კარგად გრძობს გარდამავალი პერიოდის წინააღმდეგობრიობას და სირთულეს, ამიტომაც საკითხს ლიდ ტოვებს. მოგვიანებით, 60-იან წლებში, როდესაც კონსტანტინე ლორთქიფანიძე არა მარტო ოფიციალურად, არამედ „სამოციანელთა“ მიერაა აღიარებული (ოლონდ ძნელი სათქმელია, რამდენად გულწრფელი და საყოველთაო იყო ეს აღიარება), იგი მისთვის ჩვეული სამწერლო ტაქტიკით კვლავ უბრუნდება პირველდღობის თემას და საგრძობლად დამუშავებული ამ მოთხრობის ტექსტი 1967 წელს გამოცემულ თავის ერთტომეულში შეაქვს. „პირველი დედას“ ეს ახალი რედაქცია, პირველ ყოვლისა, საინტერესოა ავტორის მხატვრული ოსტატობის ზრდასა და იდეოლოგიური სიმწიფის თვალსაზრისით. სტილური მოუქნელობა და აზრობრივი სიხისტე აქ მეტ-ნაკლებად დაძლეულია. გმირები მეტი სახეობრიობით გამოირჩევიან, იმოსებიან საკუთარი ისტორიებით. გაიანეს პროტესტიც, მიმართული ძველი საზოგადოებრივი მორალის წინააღმდეგ, ვერბალურად პიროვნული თავისუფლებისთვის ბრძოლას ან შესაძლოა, ასეც ვიფიქროთ, ოჯახის მოძველებული წესების მიუღებლობას ემსგავსება, თუმცა პრაქტიკულად მას ბევრად უფრო მეტი სექსუალური პარტნიორი ჰყავს, ვიდრე წინა რედაქციაში. უცნაურია, მაგრამ მწერალი, რომელიც ცდილობს, გაემიჯნოს საეჭვო ღირებულების ადრეული ბოლშევიკური რეფორმაციის პრაქტიკებს, 20-იან წლებში შექმნილი დეკრეტების რიტორიკას მაინც ვერ ელევა და ერთგან ერთ-ერთ პერსონაჟს, მაროს, ათქმევინებს: „ჩამცივებია, თუ მეშჩანკა არა ხარ, ერთი მაკოცინეო“ (ვლადიმირის დეკრეტში სიტყვა-სიტყვით ეწერა: თუ კომკავშირელი ქალიშვილი უარს ეტყვის კომკავშირულ ვაჟს სექსუალურ მომსახურებაზე, ის მემჩანი და ბურჟუიკაა). ფინალიც ბედნიერია. პარტიული კარიერაც და დედობის სიხარულიც ამ, პეტროვ-ვოდკინის „პეტროგრადის მადონას“ მსგავსად, წითელთავშიანი ახალგაზრდა ქალისთვის შეუძლებელი სულაც



არ ჩანს. მრავალი ძიების შემდეგ გაიანე სრულყოფილი ოჯახის შექმნის ზღურბლზეა. ერთი დეტალიც: მოთხრობას თარიღად უზის 1928 წელი. ეს, ალბათ, იმისთვის, რომ მკითხველმა იფიქროს, რაოდენ დამოუკიდებელი იყო ავტორი საბჭოთა კონიუნქტურისგან და რამდენად „უმტკივნეულო“ იყო მის მიერ გამოვლილი სამწერლო გზა.

სრულიად სხვა ვითარებაა მიხეილ ჯავახიშვილთან. როგორც XX საუკუნის დასაწყისში ევროპიდან დაბრუნებული შემოქმედებითი ახალთაობის თვალსაზრისით წარმომადგენელი, მიხეილ ჯავახიშვილი ქალთა საკითხის სიმწვავეს სწორად აღიქვამს და იქნებ ამიტომაც ახდენს მისი ევროპული და ტრადიციული გავების სინთეზირებას. როგორც თეიმურაზ დოიაშვილი შენიშნავს ნერილში „მიხეილ ჯავახიშვილი და ფსიქოანალიზი“, ეს არ იყო ქალისა და მამაკაცის ურთიერთობის პრობლემის დამუშავების ქართული ლიტერატურაში გაკვალული ტრადიციული გზა. სიყვარულის მორალურად განმტკიცებული დოგმატის სანაცვლოდ მწერალი ქალის პიროვნულ ხასიათში ღრმად იხედება და მის არაერთ ფარულ მხარეს ფროიდიზმზე დაყრდნობით ანალიზებს. ზოგადად, რევოლუციამდე საქართველოში ამ მეტად მტკივნეულ თემას, იმდროინდელი ევროპული ფილოსოფიურ-ესთეტიკური აზრის ჭრილში, აქტიურად განიხილავდნენ, რასაც, ახლად, როგორც არჩილ ჯორჯაძე შენიშნავდა, ჩვენი „ზერელე და ყალბად მორცხვი საზოგადოების“ მსგავსი სახელებზე რეფლექსირების, რბილად რომ ვთქვათ, თავისებურებაა. არადა, ბევრ სხვა საკითხთან ერთად ქალის პრობლემის სწორად გააზრება „ჩვენი საზოგადოებრივი ცხოვრების სინთეტიკური სურათის“ მომცემი და ამდენად ქვეყნის წინსვლისთვის აუცილებელი რომინის შექმნასთანაც იყო დაკავშირებული. იგივე არჩილ ჯორჯაძე ამბობდა: არა გვაქვს რომანი, იმიტომ, რომ არა გვყავს ქალი... გასაბჭოების შემდეგ პრობლემა უფრო გაბუნდოვანდა, 30-იან წლებში კი მისმა სრულმა პოლიტიზირებამ ძიების პროცესი ჯერ შეაფერხა, შემდეგ კი სულაც მიმართულებას შეუცვალა.

გვიხსენოთ, პუბლიცისტიკიდან პროზაში დაბრუნების შემდეგ მიხეილ ჯავახიშვილის კალამი უფრო მკენარე გახდა. მის ტექსტებში ქალის მხატვრულ სახეს ახალი სოციალური პლასტი დაეღი და ამკარად გროტესკულ-ალეგორიული ელფერი შეიძინა. მწერალმა, ცხადია, კარგად იცოდა იმ საბჭოური რეინტერპრეტაციების შესახებ, რომელზედაც ზემოთ ვისაუბრეთ, თუმცა, როგორც ჩანს, ეს მწარე ღიმილს გვირბდა. სწორედ ეს დამოკიდებულება ჩანს 1926 წელს გამოქვეყნებული რომანის „თეთრი საყვლო“ ერთ-ერთი პერსონაჟის, ცუცქიას, მიმართ. მიხეილ ჯავახიშვილი ამ პერსონაჟის მიმართ მარჯვედ იყენებს მისივე სექსუალური ქცევის მოდელს, თუმცა ამით არ კმაყოფილდება და განზოგადების, სიმბოლიზების უფრო ეფექტურ საშუალებას მიმართავს. ცუცქია, როგორც ვიცით, რომანის მთავარი გმირის, ელიზბარის, ქალაქელი ცოლია. მოდურად, ანუ „პოლ-უბოქსით“ შეკერვრითი თმით, ხელში განუყრელი პაპიროსით და დაუფინყარი რეპლიკით „ოჩენ ნადო!“ მისი არა მარტო

პიროვნული სახე, არამედ პლასტიკაც ცოცხლდება (ამას დაუმატებ ინგლისური კეპის ავლაბრულად ტარების მანერა, რუსულ-ქართულად მეტყველება, გამორჩენის მიზნით ქმართან ურცხვი ლაქუცი, პოლიტიკაზე კამათის ყინი, „ლორიგანის სუნამო-პუდრისა და ვიქტორია ჩულქებისადმი“ დაუფარავი ლტოლვა). ცუცქია იქნებ ყველაზე მეტად განასახიერებს იმ საშიშროებას, რომელიც ახალ ცხოვრებას მოაქვს, რადგან თანასწორობის ლოზუნგები, რომლებსაც იგი ყველას სახეზე აფარებს, გაყალბებულია და ორლესური მახვილივით საშიში: „ცუცქიამ თანასწორობა ასე გაიგო: ყოველგვარი ვალდებულება მე დამითმო, ხოლო ყოველივე უფლება თვითონ დაისაკუთრა“. თუმცა პორტრეტირება ამით არ სრულდება. ჯავახიშვილი ამ სახეს რევოლუციურ ტრანსფორმაციათა ისეთ კონტექსტში ხედავს, სადაც „მდაბიოს ტოტალური გააზნაურება“ მარადიულ ფასეულობებს ნგრევიდა და საეჭვო ღირებულებების დოქტრინათა ჩანაცვლებით ემუქრება. ამას კი თითქმის არაფერი აქვს საერთო არც ქალთა უფლებებთან და არც „ნათელი სოციალისტური მომავლის“ მშენებლობასთან. ცუცქია ელემენტარული მედროვეა: „ცუცქია გაიბერ-გამიაზნაურდა. გეგონებთ უელსის პრინცის ან დევონშირის ჰერცოგის ჩამონავალიაო... ტკიპივით მწუნის, უსაქობით ინენება და ოჯახში ჰარამხანას მიჩნის...“ მას არა სიყვარული, არამედ უპასუხისმგებლო ცხოვრებისა და გამორჩენის სურვილი ამოძრავებს. საინტერესოა, რომ რომანის საჟურნალო ვარიანტში („თეთრი საყვლო“ პირველად 1925 წელს ჟურნალ „მნათობში“ დაიბეჭდა) ცუცქია საერთოდ არ არის. მწერალმა იგი მოგვიანებით შემოიყვანა, მასთან დაკავშირებული ეპიზოდები კომპოზიციულად ძალზე ოსტატურად ვაჟიკად გარდასახული ელიზბარისა და ხათუთას სასიყვარულო ისტორიაში ფრაგმენტებად ჩართო და ამით ანკარა და მღვრიე წყლის ურთიერთშერევის ეფექტი შექმნა, მკითხველს კი რეალური საშუალება მისცა, შეაფაროს ერთმანეთს ამ ორ ქალთან, ცუცქიასა და ხათუთასთან, დაკავშირებული ელიზბარის სულიერი თუ ფიზიკური ტყვეობიდან გათავისუფლების პერიპეტიები. ეს ზუსტი გათვლა იყო, რადგან ელიზბარის ქალაქიდან მთაში გაქცევა ცუცქიას მხატვრული სახის დამატებით უფრო მოტივირებული და დამაჯერებელი გახდა. მედროვეობის თემა ერთ-ერთი მტკივნეულ თემათაგანი იყო მიხეილ ჯავახიშვილისთვის და, ჯაყოსა და „დამპატიყეს“ გარდა, ახალი რაკურსით მან სწორედ „თეთრი საყვლოში“ გაიყვარა.

დაბოლოს, რაღაც თავისმართლებს მსგავსი: ხშირად და, ვფიქრობ, უსაფუძვლოდ გვსაყვედურობენ ხოლმე ლიტერატურის ისტორიით ზედმეტად გატაცებას ან, უფრო მეტიც, ამ ისტორიაში გარკვეული თავშესაფრის ძიებას. მიმანია, ამგვარი „ვერდიქტი“ ყოველთვის არ ამართლებს, რადგან იქ, იმ გუშინდელში, ძირითადად არა „მკვდარი ბუნება“, არამედ დღევანდლობისთვის საგულისხმო არაერთი პრობლემა გვხვდება. ჩემი წერილიც ამ მოსაზრების აქტუალიზებას ეძღვნება.



4 კოეზია

ლიტერატურული კაზეთი

ატლანტის ოკეანეში დანარილი ლაქსი
ვახტანგ ჯავახიძეს

მენატრება მინა მეტი, ტყე მეტი და ხე მეტი,
მენატრება ანჩისხატი, ქაშვეთი და მეტეხი.

გოდავა

მამაჩემის ერთი ქანდაკების გამო

აჰა, ხემი, ჩემო ხელო!
აატირე, ხემო, ჩელო!

ბავშვობის მონატრება

ბავშვობაში ის იყო წამალი და მალამო...
ახლაც გამალოკინა ნეტა ერთი მამალო!

სკოლისდროინდელი

რა კობტად არის გადაკვეთილი
ჩემი გამოცდა და გაკვეთილი!

09.07.1989

სულია გერმანია
ანაგრამისეული!

უამინდობა რიოდაჟანეიროში

ქარმა დაჰკრა სამბა და წვიმამ დასცხო ლამბადა,
ამ ამინდში ლაბადა, ნახე, როგორ დამბალა!

ყველაფერი დასწრებაზეა, მათ შორის ადგილი ვიკინისთვის

კობტა ადგილი, დავაკებული,
აღმოჩნდა უკვე დაკავებული!

მიხეილ ჭიაურელი

ვერიკო ანჯაფარიძეს

სხვა ამასთან როგორ მოვა – რის ვერელი, რა ვაკელი!
სადაც გინდა გასახელებს – ეგ დიღმელი კავალერი!

პატარა ევროპული ქალაქი

ორრმაგი ტოლერანტული შიუთელრაიმი

ქუჩას შვენი ფასადები შულები და მედრესესი,
ერთის წინ დგას ფოლკსვაგენი, მეორის წინ – მერსედესი!

აკოტური გომგრაფია

მალაიზია ლამაიზია!
ტანზანია ტანნაზია!

ჩარნობილი

უკრაინა – ურანიკა!

სრა-სასახლეების ბინადართ

თქვენ ვით გაიგებთ, სრა-სასახლეთა ოქროსა,
გინა ვერცხლისა მყოფნი,
მე როგორ მყოფნის მერცხლის ბუდე და
მე რარიგ ბუდეს მერცხლისა ვყოფნი!

საქსკუსი

ე! გზაბილიკები...
ეგ ბაზილიკები...

ჩაკიდული თხაგების წინდა იონა ნათლისმცემლის სავანეში

ნაგებობის ერთი კედელი აქ კლდეა

ნახე კლდეი?
ხან – კედელი!

არ აღელდე, ბარაჰანაჯან!

თუ ფოთოლი აიფარე ლედვის,
არ გექნება საფუძველი ლედვის!

მარკვიდარი „ბრანდანიის“ ფონეა

რა გვეშველება, აინშტაინო,
თავზე გვემხოვა ტიანშანიო!

რას უზინარ მთელი დღე კომპიუტარს, ბიჭო!


გნახე გარობტებული –
დავრჩი გაბორტებული!

აბრაელთათვის

მიადვენე, რებე, თვალი,
შვატი დადგა – თებერვალი.

პაატა ნაცვლიშვილი

ანაბრამები და ნაბრამები და შესაკრებთა სხვა მიმონაცვლებანი



საჭადრაკო ბარბარიზმი-1

თუ კუ ოფიცერს სჯობია, შახმატს სჯობია ჭადრაკი.
ვერ გამოგია ვერაფრით, ტურამ მომიკლა რად ჭაკი!

საჭადრაკო ბარბარიზმი-2

მეფის ირგვლივ ოფიცრებმა ქსოვეს ქსელი საშამათო,
არაფერი აღარ დარჩა იმ საცოდავს სათამაშო!

მკრახელური ფიქრი სვატიცხოველი

დამიწყო თვალის ხატმან ფათუნო...
რამ გამახსენა ფატმან-ხათუნო!

ფესტივალის ვესტფალიაში

ზეიმობს, გერმანული ვესტფალია –
დღეს აქ სიმღერის ფესტივალია!

რა გინდა, სულო და გულო!..

გულში საუკეთესო
სულში გაუკეთესო!

მონეა კლავს ადამიანს და აცოცხლებს ეკონომიკას

ქვეყნის ბიუჯეტისთვის ძროხა არის მწველი
ეს ამდენი თვითმკვლეელი – ეს ამდენი მწვეელი!

ქილ-ღვიძილი

სიზმარი
ზმის არი...
ხანდახან –
მზის არი!

ალკინიანა-1973

ხიბლავს აკაკის კავკასიონი.
ახლა არ მკითხოთ, – ვინ აკაკისო!

ეპრობა თუ აზია?

ბრინჯი თუ პური, პური თუ ბრინჯი?
ოღონდ არ იყოს ერთურთთან ჯიბრი!

სასიამოვნო მოგონება

გარემოება ადგილის და დროის გარემოება...
ნეტავი შეიძლებოდა ამათი გამეორება...

ოჯახი

თუ ხარ ჩემი მეკერე, თუ ხარ ჩემი მეკარე,
შენ გამილე კარები, შენ გამითბე კერა მე!

ბამოცხადება

გა-ცა-ვკვირდი, მახარებლის წინ დამიდგა რა სახება,
თავზე ედგა შარავანდი, ხელთ ეჭირა სახარება!

ვასტანო გორბასლის სიკვდილზე ნიგნისთვის „ანდაზები და აქანდაზები“

აზვრის მქსოველს მოუვიდა ერთადერთი იაღლიში –
ვახტანგს შუბი დააძგერეს უაბჯარო იღლიაში.

ფაშვიბარტყაის თვითშეფასება

ფარშევანგი
ვარ ფეშანგი!

LOVE ME DO

ვინ იტყოდა მსმენელთაგან იმ პირველი სინგლის,
რომ ბითლების სიმღერები გასცდებოდა ინგლისს.

შვეიცარიელი მგობრები შავიზღვისპირეთში

ეს არ არის, რა თქმა უნდა, ფენევა და ბაზელი,
რიზეს პირსზე თევზაობენ ცისფერთვალა ლაზები.

პრემიარა მისხათის თიატრში

პრემია და პრემიერა. გველოდება ახალციხე –
ოთხივე კუთხით წამოსული სალაროებს ეცა ხალხი!

ბასსანება

არც ტკივილი მიყურდება
და არც გული მიჩუყდება!

ნარდის პირველი ტურნირი საქართველოში მიშა სურგულაძეს

მარსებით და ოინებით შენ იმატე, მათ აკელი,
დაე, მუდამ მოგდიოდეს, ჩემო მიშა, კამათელი!

გომგრაფია რუსულ პარონიმათის ნიგნისთვის „ბაბილონის გონდოლა“

Знает каждый невежда,
Где искать мыс Дежнева.
Знает каждый невежа –
Не столица Женева.

ქალქარავენიანი

ნიგნისთვის „ანდაზები და აქანდაზები“

ძალლი ჰყეფს და თავის გზაზე მშვიდად მიდის ქარავანი,
არც ძალლსა და არც ქარავანს არად აგდებს აქ არავინ.

მასინჯაური

კონდუქტორო, მაგ სასტვენში იქნებ ერთიც ჩაგებერა
რალა დარჩა! გავიარეთ ბოლოსწინა გაჩერება!

იერუსალიმის დაკარგვა ქართველთაგან

ღალას ველარ უძლებ და მიიმედ განევს ბეგარა,
დააბრუნე კლიტენი, აქამდე რომ გებარა.

ქართ სათარაუო

გურჯისტანი, გრუზია და ჯორჯია და საქართველო...
ძველისძველად... ორზღვასშუა... აქ ყოფილა ქართსაველო.

ყაყაროების კოცონი

უნდა ვნახო, ეს კოცონი რას ვერა და რას ელევა,
შენ ყაყაროს რომ ეძახი, – ბალახია სარეველა.

შორეული ნაოსნობა

მუდამ მინდოდა ეს სილამაზე
სულ ნამცეც-ნამცეც მექუჩებინა,
ერთ მშვენიერ დღეს შინ დაბრუნებულს
რომ შენთვის ერთად მეჩუქებინა.

მოსუცი ტანორის მონოლოგი

დასკვნითი შიუთელრაიმი

აღარ მომენატრებით, სანატრელო როლებო!
ზარად მექცა ლილეო, რექვიემად – ბოლერო!

ცაცხლი წყალში

წყალში დგას და უკიდია სიყვარულის თამარს ალი,
უნყლოდ როგორ აღსრულდება, ღმერთო შენი სამართალი!

დაბადის ცრუვართი

შენ გგონია – ქეიფია!
მე კი ვიცი – ფეიქია!

ქართული ტურისტები ახსენებენ

სხვასთან არა, შენთან მინდა, მოვიხილო პრადო, ნანა!
სხვებს ბუტიკში გირჩევენიათ ხეტიალი, პარდონ, ანა!

ვინ/რაგინდა

ადიოდა კიბეებზე ვიგინდარა რახარუხით,
ამოვესო ჯიბეები რაგინდარა ხარახურით.

აღმოსავლურ-დასავლური დივანი

ერთმანეთში აირია მაშრიყი და მალრიბი,
ორთავ დარჩა ამის გამო და ამიტომ ღარბი.

ერთმანეთში აირია მალრიბი და მაშრიყი
და დაუნყო ამის მერე მათ მსოფლიომ შაყირი.¹

¹ ლინგვისტუსს თავის ბლოგზე (იხ.) აქვს მშვენიერი არაგრამა – შაყირი-არშყი.

კონცა-არკონცა გაცილებინსა

ისევე შეხვედრანაზე ფიქრობ,
იმთავითვე ასეთია გაცილების ბუნება...
არ აკოცო! ვინ რა იცის,
როგორია ამ საღამოს ბაცილების გუნება!

აკრობატი

იმისთანა ლამაზი გააკეთა მალაყი,
სჭირდებოდა ამ ამბავს კარგი მხატვრის ყალბი!

ბალახი აგვისტოში

ჩამოცხა უწყალოდ
და დარჩა უწყლოდ!

დილოგი

— ბავშვებისთვის რომ აგიკიდია
ეს ამოდენა ბარგი, კარგია?
— ბავშვებსაც ჰკითხე! რაც შიგ აწყვია,
სწორედაც მათთვის კარგი ბარგია!

ჰაინც-ჰატარ სლატინი – სეულთა შიგნა
ნიგნებისთვის „ბაბილონის გონდოლა“ და „სელფები“

Head of Austrian Red Cross Mr. Slatin
Is absolute opposite of Comrade Stalin.¹

¹ ავსტრიის წითელი ჯვრის ხელმძღვანელი ბატონი სლატინი ამხანაგ სტალინის აბსოლუტურად საპირისპიროა. (ინგლ. თარგმანი: Google Translate).

ანაპის სანაპირო

მოვიწოდებ შენთვის მექო სანაპირო ანაპის რო,
სწორედ მაშინ გადარეცხა ზღვამ ანაპის სანაპირო.

ამაგა რეა

რატომ ცდილობ, რომ დამალო ეგ თვალები ნამიანი?
შენ კი არა, ვის არ მოჰყვრის ცრემლებს ანა მანიანი!

**აღფრთხილებული მასპინძელი ახალი ამბავის
სააგენტოში**

სააგენტო ჰქვია, თორე – რა აგენტი, რის აგენტი!..
მომანოდეთ, თუ კაცნი ხართ, ასანთნი და სიგარეტნი!

თვანი თაფლოვისა და ჩაფლოვისა

ღმერთო, არასდროს არ დაასრულო უსასრულობა
თაფლობის თვენის, ზღვაში და მზეში და სიყვარულში და ერთმანეთში
ჩაფლობის ჩვენის...
რატომ აღმოჩნდა ასე ხანმოკლე ეს თებერვალი
თაფლობის ჩვენის,
და რატომ აღარ გასრულდა ნეტა სიმწარე კუპრში
ჩაფლობის თვენის?!

ქართული მცხინტრუსების სპეციანი სიმღერა

მზისად ვიხრუკებით, ცისად ვიტრუსებით!
ვისად რით ვჭირდებით, ვისად – ციტრუსებით!

გაფრთხილება და რჩევა

არ გაბედო, ვერ გაივლი ამ დიდ გუბებს ემაგ შენი
დანჯღრეული კარტით!
თუ არ იშლი, ასოების ადგილები შეცვალე და...
გადაცურე კატერით.

გულუბნატიკური

სულ სხვა არის ქალის ტვირთი, სულ სხვა არის კაცის ბარგი...
რაც ორივეს უმსუბუქებს ამ სიმძიმეს, არის რაგბი!

პოტიომკინის გაკვირვება

პოტიომკინის სოფელი – სხვა არაფერი – ფასადი!
შიგნით ჭუჭყი და ტალახი, გარეთ – ბროლი და სადაფი!
რაც მან სასახლედ აქცია, არ ივარგებდა სარდაფად,
და უკვირს, მისი სმარტობა ჯეროვნად რად არ დაფასდა.

კიდევ ერთი მოგზაურობა იტალიაში

ვერ აგინერთ ბრწყინვალეობას მილანის და ტურინისა –
დავიღალე, თავი არ მაქვს ჟურნალისტურ რუტინისა!

რა უთხრა ყვავმა თავის ბასალას

გინდ იყავი მალალი, გინდ იყავი დაბალი,
მაინც არაფერია ქვეყნად შენი ბაღალი!

უზიკოო ბრაზილიის დამარცხება

სწორედ მაშინ შეეპარა ამ ჩემს რწმენას ბზარი, ღია,
როცა მატჩზე უზიკოოდ გამოვიდა ბრაზილია!

რაბათი და რა რაბათი!

შეხედეთ, როგორ დამშვენდა ჩვენი ხრიოკი მთაბარი,
და როგორ გაგვიღამაზა ხელისუფლებამ რაბათი,
ეგ შენი კრიტიკანობა, კეთილ ინებე, მართ აბი, –
ახალციხიდან მომწერა ჩემმა კოლეგამ ბარათი.

ღონერ-ქაბაგის კაგლი

კადირ ნურმანის ხსოვნას¹

ო, რა ქაბაბი გამოუძერწავს! ო, რა ქაბაბი!
ო, რა ღონერი!
ამას რიგით რას გასწვდებოდა,
ამას შეძლება მხოლოდ როდენი!

¹ თურქი კულინარი კადირ ნურმანი (1933-2013) ღონერ-ქაბაბის ანუ შაურმის გამომგონებელი იყო.

რა ელოდება მოუთმენლად თავის სჯონს?

სამოსელი
სალომესი!

სატრაგასო

Trabajo (ესპ.) – მუშაობა

კუბა და კარიბები, ჯამაიკა, მექსიკა:
სამბა – ნო, ტრაბახო – სი! ცეკვა – არა, საქმე – კი!

ვის უხმობს ზარი?

სსს! ჩაუცვამს ივლის სიციხის გამჭვირვალე სარაფანი,
ჩუ! შორიდან ზარებს რეკენ ზარზმანი და საფარანი!

ცხენის ნალი სახელოსნოს კარზე

სტუდიასო ხის კარი აქვს, მიაჭედეს ხესო ნალი,
ნიშნად იმის, – ბედნიერი იქნებაო ხელოსანი!

ქილი და ქალა

რამ დამიფრთხო, ნეტავი,
ძილი, მოსვენება?!
რალაც ძალა ჩამძახის, –
გიყო ესო ვნებამ!

სტიქია

თავს დაგვატყდა წყალდიდობა, ქსანი გახდა ამაზონი –
გააყოლა სახლს და ბოსტანს ახალ სახლის ანაზომი!

დემოკრატია – მშვიდობის მტრადი

დემოკრატია...
აა! მტრადი? ოკ!

ხავერდოვანი ლექსი

ნიგნისთვის „ბაბილონის გონდოლა“

ვინ – იალქნად და ვინ – აფრად,
ვინ – კაცურად, ვინ – ვაცურად...
მოგართვა და დაგიფინა ბარხატი.
ფრენა გინდა, ვერ დაფრინავ,
ცურვა გინდა, ვერ დაცურავ,
ერთი სიტყვით, – ხარ ბატი!

მთაში სალაშურს ვაკვნესა

მასალათა გამძლეობა, ამტანობა მასალური...
ხისა არის, მაგრამ საყვირს მირჩევენია სალამური!

ჯვარედინი ანაბრამანი

სათურის სახის განსახსნელად

ჭაბუა ამირეჯიბს

ყველამ ვიცით, ვინ ბრძანდება ეს სეთური არქიფო,
ყველამ ვიცით, რა ხვითა ეს არქიფო სეთური,
მაგრამ, მოდი, აბა, ვცადოთ, სიტყვებს ვუყვით ფორაქი¹
და „სეთურის“ ნაცვლად ყველგან ჩავსვათ
სიტყვა „რუსეთი“!

¹ მებრძოლთა უყავ ფორაქი... (ფეშანგი, შაჰნავაზიანი, თავი 29, სტროფი 523)

სანამ გულმა რჩხი მიყო...

მელოდება აკაკისა და მუხრანის საჩხერე,
საჩხერისკენ მიიხარის გული ჩემი სარეჩხე.

ჭინაჭველები მკლავებზე

ჟრუანტელი ბალანური
არის ფრიად ბანალური.

ერთი ორთაბანი

რიმეიტი

მზე დედაა, ვარსკვლავები და-ძმებია,
ხოლო (შორი) ბოლიდი –
ცის კაბადონს რომ ავსებს და აკაშკაშებს –
ერთი (ორში) დობილი.

ტრინინგი სატყაო ინსტიტუტში

დღეს სემინარის ტოპიკი
არის „მუხა და კოპიტი“.

სულერთია!

შამპანური ძირითადი ღვინო არის თერჯოლისთვის,
თუმცა ამას არ ჰქონია მნიშვნელობა ჯერ ლოთისთვის.

ბრძოლები

არის ბრძოლა საუზმისთვის, სადილისთვის,
სამხრისათვის,
არის ბრძოლა ჩინ-მენდლისთვის, პრემიისთვის,
სამხრისათვის,
მთანინდა თუ დიდუბე თუ – არის ბრძოლა
სამარხისთვის,
მინისათვის, სიკვდილს შემდეგ არაფერში
სახმარისთვის.

საკრალური საკრავი

ნიგნისთვის „ლექსბორბალები“

აქეთ საკლავი, იქით საკრავი,
ბოლო სიმღერა ისმის კრავისა...

დღებრივობა

რაც რამ წლები ჰქონდა გამჩენს, თურმე ჯამში მას უთალა,
და გინესის რეკორდთ ნიგნში შეიყვანა მათუსალა.

რატომ ვერსაქმობა

თამარ ცაგარეიშვილს

არ სჭირდება ამას ბევრი ბაასი და მასლაათი,
მდიდარია ეგ თოქშოუ სასაუბრო მასალითა.

**ერლომ ახვლედიანისა
და ლომარ ახვლედიანისათვის**

რა იცის დევიდ ბერლომ¹ –
რას ნიშნავს კოდი – ლომებრ!
ვაგზავნით სიტყვას – ერლომ,
ვლებულობთ სიტყვას – ლომერ.

¹ დევიდ კენეტ ბერლო (1929–1996) – ამერიკელი მეცნიერი, კომუნიკაციის მოდელის ავტორი.

მღივანე – ვადიმე

დონჟუანური პარალელი

ვის გინდა, რომ შეადარო ის სამი ძმა მდივანი?¹
ალბათ მხოლოდ როჟე ვადიმს²: მდივანები – ვადიმნი!

¹ პრინცებად და „მექორწინე ძმებად“ წოდებულმა სერგო (სერჟ), ალექსი და დავით მდივანებმა მე-20 საუკუნის პირველ ნახევარში სახელი გაითქვეს თავიანთი მრავალრიცხოვანი ქორწინებებით კინოვარსკვლავებთან თუ მულტიმილიონერთა შთამომავლებთან, რომელთა შორის იყვნენ პოლა ნეგრი, მერი მაკორმიკი, ლუიზა ასტორ ვან ალენი, მეამიურეი, ბარბარა ჰაბონი და სხვები.
² როჟე ვადიმე, იგივე ვადიმ პლემიანიკოვი (1928–2000) – ფრანგი კინორეჟისორი, სცენარისტი მსახიობი და პროდიუსერი; კინოვარსკვლავების – ბრიჯიდ ბარდოს, ანეტ სტროიბერგის, კეტრინ დენევისა და ჯეინ ფონდას პირველი ქმარი.

ქამა ქმას ანგარიში უყო

კარგად ვიცი – შენ ასეთი რამეები არ გაშინებს,
მაგრამ მაინც ანგარიში გაუნიე ანგარიშებს!



დაბიუტი

გიორგი ბერიძე

„ზახილის“ საქმი



ჩვენი წერილი ქართული ლიტერატურის ცნობილ შედეგს, დავით წერეთლის „ზახილს“ შეეხება (და კიდევ ერთ სხვა შედეგსაც). მხატვრული ტექსტის ანალიზი რომ დანაშაულის გამოძიებას ჰგავს, ეს ჩვენამდეც არაერთხელ შეუნიშნავთ. წერილის სათაურიც სწორედ ამის მიხედვით შევარჩიეთ.

ამ ორივე წლის წინ აღნიშნული ნაწარმოები ერთიან ეროვნულ გამოცდებზე ქართული ენისა და ლიტერატურის ტესტშიც შეიტანეს. აბიტურიენტებს დაახლოებით ამგვარი დავალება მისცეს: „იმსჯელეთ ლექსში ნარმოდგენილი მასხარისა და მეფის მხატვრული სახეების შესახებ“. გვგონია, რომ მეფისა და მასხარის ოპოზიციას აქცენტირება აბიტურიენტს უბიძგებს, იფიქროს უფრო მეტად ნაწარმოებში განვითარებული კონფლიქტის ანალიზზე, რომელიც პირველ ორ სტროფშია ასახული, მესამე კი ნაკლები ყურადღება დაუთმოს. არადა, ჩვენი მოკრძალებული აზრით, ყველაზე მძაფრ ემოციებს სწორედ უკანასკნელი სტროფი აღძრავს და, ამდენად, ნაწარმოების ყველაზე მნიშვნელოვანი ნაწილიც სწორედ ესაა. საკუთარ მოკრძალებულ აზრებზე მეტად, რასაკვირველია, პატივცემულ პროფესიონალებს ვენდობით, ამიტომ ვამჯობინებთ, მათ მიერ მოცემული დავალების შესრულებას მივყოთ ხელი.

რა შეიძლება მასხარაზე იტყვას? უპირველეს ყოვლისა, ცხადია, შექსპირის პერსონაჟები გაგვახსენდებიან. სწორედ შექსპირს უკავშირდება შექმნა „ბრძენი-სულელი“ მასხარის კლასიკური სახისა, რომელსაც აშკარად იყენებს ლექსის ავტორი, მაგრამ მის პერსონაჟთან შექსპირისეულზე ახლოს მაინც იან მატეიკოს მასხარა (Stanczyk) დგას. ამ ცნობილ ტილოზე პოლონეთის სამეფო კარის გამართობი — სტანჩიკია გამოასახული. ის ერთადერთია, ვინც სმოლენსკის დაკარგვამ ბალ-მასკარადის გინაის მოსწყვიტა და დაამწუხრა. ქვეყნის გამგებელი დიდგვაროვნები კი, რომლებიც უკანა ფონზე ილანდებიან, ცეკვა-თამაშის ბუღში გახვეულან და მოლხენას აგრძელებენ. რას იტყვით, სიტუაცია სავსებით იდენტურია არა? მსგავსება ნიუანსებშიც კი თვალსაჩინოა, თითქოს წარმოუდგენელიც კია ამაზე უფრო ზუსტი ანალოგიის პოვნა. ჩვენ მაინც გვგონია, რომ არის ერთი, უფრო ზუსტი და გაცილებით უფრო ზუსტიც, ოღონდ ამაზე — მეტი; ჯერ დავალება გვაქვს დასასრულებელი. მასხარის სახის შტრიხები ნაპოვნია, ცოტა მრავალსიტყვაობაც და ეს ნაწილი შეგვიძლია დასრულებულად ჩავთვალოთ, მაგრამ რა ვუყოთ მეფის სახეს? მიუხედავად ნახატთან ნიუანსობრივი მსგავსებისა, მას პოლონულად ვერაფრით წარმოვიდგენთ, რადგან შაჰი მისგან მაჰმადის რჯულის მიღებას მოითხოვს, პოლონეთის დამპყრობელი კი ქრისტიანული რუსეთია. ამავე მიზეზით გამორიცხულია გერმანია, ბრიტანეთიც, საფრანგეთიც (ჯერჯერობით მაინც). მაშ, რომელია ისეთი ქვეყანა, რომლის მეფეებისგანაც შაჰები რჯულის შეცვლას ითხოვდნენ? ჰმ... საქართველო ხომ არა? ევრიკა! ეგ უნდა იყოს. ნამდვილად ეგაა, ტექსტიც ხომ ქართულ ენაზეა დაწერილი! ჰოდა, ნამდვილად ეგაა. ავტორი კი არსად ახსენებს, მაგრამ მაგათ ვერც იციან, უნდა გაგირთულონ საქმე. ერთი სიტყვით, მეფის შტრიხიც ნაპოვნია. ისლა დაგვრჩენია, რამდენიმე ტროპი გამოვაგონოთ, საპროგრამო ლიტერატურულიდან ოთხივეც ციტატა მოვიყვანოთ, თუ არ წამოგვყვებიან, მოვიტაცოთ, დასკვნა დავუერთოთ და დავალება შესრულებულად ჩაგვეთვლება. სრული ბედნიერება კი ის იქნება, თუ ავტორისეულ კრედიტს დავიმონებთ:

„ბნელდაბნელ მივალ, ყოყმანი მზუზავს, თრთოლავს სანთურს, კრთოლავს სანათს. ვარ მინდობილი კლასიკურ მუზას მცირეოდენი განდავანათი“.

რა ზუსტად დაეთანხმა ჩვენს ანალიზს: მასხარისა და მეფის კონფლიქტი — კლასიკური მუზა, მეფის შეფარული ქართველობა — მცირეოდენი განდავანა. ამაზე მეტი რაღა შეიძლება და გვთხოვენ?

დავალება დასრულებულია და მისი შეფასება უკვე მხოლოდ პატივცემულ პროფესიონალთა პრეროგატივაა, ჩვენ კი შეგვიძლია, ცოტა მოვდუნდეთ და ანალიზისას გაჩენილ, მაგრამ უპასუხო და რჩენილ კითხვებზე ვიფიქროთ, რომლებიც, რა თქმა უნდა, ქულის დაკლების მიხედვით თემში არ ჩაგვიწერია. აი, მაგალითად, ასეთზე: ჩვენი მასხარა, როგორც ჩანს, თავისი საქმის კარგი მცოდნეა და მაინც უფრო მეტად ბრძენია, ვიდრე სულელი („ყველა ნაუზუნდინე ხელობა რქმის და მაჯამად მირქმის“). მაშ, რით ახსნათ, რომ ის სრულიად უხიფათო სიტუაციაში საბედისწერო შეცდომას უშვებს? მთელი ცხოვრება საორჭოფო მდგომარეობებშია და თავის დადნევის მეტი, ალბათ, არც არაფერი უკეთებია („ბევრის მომსწრე და მთმენი“), ახლა კი, პირიქით, ხელსაყრელი პოზიცია ეკავა და ისე გაბრუნდა, რომ სიკვდილსაც ძლივს გამოასწრო. აქამდე თუ ამდენი მოითმინა, ახლა რაღა მოხდა ასეთი მოუთმენელი? რამ გადარია? რამ გაასულელა? ან ეს მეფეც რამ გააცხარა ასე ძალიან, ერთბაშად საყვარელ მასხარაზე რომ იყარა ჯავრი? ჯავრი ჰქონია, იქნებ კიდევაც ნაღვლობდეს... ძალაუნებურად გაიფიქრებ, რომ ავტორის ბრალია, ვერ ზიდა ბოლომდე კლასიკური პერსონაჟის სიმძიმე და სადაც ვინორი იყო, იქ განწყობა (ღმერთო ჩემო, გაფიქრებაც კი როგორი უხეიროა!). ეჰ, არადა, როგორ გვჯეროდა, რომ დავალებაში ყველაფერი ამოვწურეთ! რაღა დაგვრჩენია, გაგვაგრძელოთ ფიქრი, მოვისაზროთ, გამოვიძიოთ...

სათაურიდან დავიწყით. ხომ ამბობენ, სათაური ნაწარმოების თვალბიაო, სულის სარკეაო. ეგებ ამ შემთხვევაში მართალიც გამოდგეს. პირველად გამოქვეყნებული ვარიანტის სათაური იყო „შეგამამე მეფის მასხარა“,

მრავალი წლის შემდეგ კი „ზახილი“ დაერქვა. რატომ მაინცდამაინც „ზახილი“? რატომ გამოცვალეს „მეფის მასხარა“? იმიტომ ხომ არა, რომ ავტორს „ზახილის“ მხატვრულ სახეზე უფრო მეტი უფიქრია, ვიდრე მეფისაზე, ის უფრო მნიშვნელოვანად ხომ არ მიაჩნია? ეს კითხვაც პატივცემულ პროფესიონალებს დაუფტოვით, ჩვენ კი ვნახოთ, რა ხილია ეს ზახილი.

რამდენიც არ ვიარეთ, ისევე მხატვრობას მივადექით, მუნკის „კვილს“ ვერაფრით ავუარეთ გვერდი. კვილსა და ზახილს შორის განსხვავება ნამდვილად არის, თუმცა არსებითად მაინც ერთი ხასიათის (ცნებებია, ამიტომ ამ განსხვავებათა ძიებას არ ჩავუღრმავდებით. „კვილი“, როგორც ამბობენ, პირველი ექსპრესიონისტული ნაწარმოებია, რომელმაც განსაზღვრა კიდევ ექსპრესიონიზმის ერთ-ერთი (თუ ერთადერთი არა) ცენტრალური თემა. ჩვენი სასიქადულო მწერალი, კონსტანტინე გამსახურდიაც ხომ, ჯერ კიდევ იქამდე, ვიდრე სასიქადულო მწერლის ხალათს დაიმსახურებდა და დიდი მეცადინეობით შემოიცვამდა ტანზე, წერდა: „ომის კონველსიებში დამანჭული, ადამიანის სული ერთბაშად ხედავს, რომ ეს ნაპრალი უკვე საშინელ უფსკრულად გადაიქცა. გაისმა ისტერიული კვილი უფსკრულთან მისულის პირიდან... და ეს კვილია ექსპრესიონიზმი“. აი, აქ კი ღვანლმოსილი ლიტერატორები წინ გადაგველობებიან და გადაჭრით გვეტყვიან, რომ დავით წერეთლის ნაწარმოების ექსპრესიონიზმთან დაკავშირება საფუძველშივე მარცხისთვის განწირული იდეაა, რადგან ამ დროისთვის ლიტერატურული ექსპრესიონიზმი, როგორც მოვლენა, უკვე კარგა ხნის დასრულებულია. როგორ გინდა, ღვანლმოსილი ლიტერატორების დარიგებას არ დაუჯერო, არადა უკვე ემზი ვართ შენულები და უკან გამობრუნებაც გვესიკვდილება. აქ ჩვენდა უნებურად გაგვახსენდება ერთი მონაკვეთი ილო მოსაპილის ლექსიდან:

„ემში იქ არის, სადაც ქარია, ქარი, რომ მკერდი მკერდზე გვიგალოს, სიცოცხლეს, გულიც, ლექსიც მკვდარია უქარიშხლო და უგრეგალო“.

ეს ლექსი დაგვეხმარა, დაგვეძლია დიდი მოწინება ღვანლმოსილი ლიტერატორების მიმართ და ცნობისმოყვარეობის დასაკმაყოფილებლად გაგვეგრძელებინა გზა. მაგრამ ახლა სად გინდა ეს გრიგალი მონახო? მივიხედ-მოვიხედეთ და რას ვხედავთ — ჰოი, საკვირველებზე, უკვე თითქმის გრიგალთან ვყოფილვართ მისულები — კონსტანტინე გამსახურდიას „ზარები გრიგალში“ ჩვენგან სულ ორ ნაბიჯზეა. ჰოდა, გეზიც იქით ავიღოთ...

მივდივით თუ არა, უცვლად კოკისპირულად დასცხო: „ანვიმდა სამრეკლოს, ანვიმდა საყდარს...“

„ანვიმს ტახტსა და ტახტრევენებს, ფარებს, ეტრატებს, ქნარებს, სამეფო საერწულ-საპირებს, ჯვარს და ნახევარმთვარეს. ნავილექსებ და სირცხვილით შემეფაკლება ლანვი, ანვიმს შიარს და ქარაგმას, ყველა ხუმრობას ანვიმს...“

ასეთ წვიმაში, აბა, სადა ნავიდოდით? დავრჩით. დავრჩით და ვნახებ, რომ ეს მნათე ოქროპირად ჩვენი მასხარასავით უბედური კაცი ყოფილა. ქრონოლოგიურად თუ მივეყვებით, ჩვენი მასხარა ყოფილა მნათესავით კაცი, მისი სამშობლოც დაპყრობილია და მის საყვარელ საქმესაც, რომელსაც მთელი ცხოვრება აკეთებდა და შიგ მთელ თავის შემოქმედებით ენერგიას დებდა, ანვიმს. ვნახოთ, იქნებ ჩვენს კითხვებზე პასუხიც ვიპოვოთ, — ხომ გასწოვთ, ამხელა გზა რისთვისაც გამოვიარეთ? რამ გაასულელა ეს ბრძენი კაცი ისე, რომ თავი დაიღუპა? მოდი, გავიხსენოთ, რა მოხდა მნათეს შემთხვევაში. ოქროპირი თავისი საყვარელი საქმის შესრულებისას კვდება, ოღონდ არა ჩვეულებრივი, არამედ განსაკუთრებული, საუკეთესო, იმდენად კარგი მუსტრულისას, რომ მიღებული შემოქმედებითი სიამოვნებისგან ექსტაზში ვარდება და თავს ვეღარ აკონტროლებს, რაც მისთვის საბედისწერო აღმოჩნდება. ჩვენს მასხარასთანაც ზუსტად ასეა ყველაფერი, ისიც დამწუხრებელი შედის მეფესთან, მაგრამ საკუთარი საქმის შესრულებისას ნელ-ნელა ექსტაზში მოიცავს, რის გამოც მეფის დამარცხება აღარ ჰყოფნის და დამავკირ-

გვინებელი ხუმრობის ფასად თავსაც კი წირავს. ისიც ექსტაზში დაღუპული გმირია და თავისი ხასიათით, მსუხედავად პროფესიისა, შექსპირისა და მატეიკოს გმირებზე მეტად სწორედ მნათე ოქროპირს ენათესავება.

ჩვენი ცნობისმოყვარეობა (იმედია, ძვირფასი მკითხველისაც) ამით დაკმაყოფილდა, თუმცა უფრო მართებულ იქნება, თუ ვიტყვით, რომ ერთი მხრივ დაკმაყოფილდა, რადგან ახლა უკვე სხვა საინტერესო საკითხს მივადექით...

ორი მთავარი პერსონაჟის ასეთ პრინციპულ მსგავსებას დამატებული საოცარი დამთხვევა ტროპისა (კონკრეტული სახის დადგენაში ღვანლმოსილი ლიტერატორების შევეცილებით, ეს ხომ მათი საყვარელი საქმეა): „ანვიმდა სამრეკლოს“ — „ყველა ხუმრობას ანვიმს“, ნება-უნებლივ ბადებს ეჭვს, რომ შესაძლოა, პლაგიატთანაც კი გვექონდეს საქმე (ეს კიდევ უფრო უხერხული გასაფიქრებელია). გამოვიძიოთ. არგუმენტები თითქოს არც ისე ცოტაა, მაგრამ ნელანაც ვერე ჩანდა და ბოლოს კი სხვაგვარად გამოდგა, ვინდლო ამჯერადაც მშრალად გამოძერეს ბატონი ავტორი.

ვნახოთ, რა აზრისაა დავით წერეთლიანი კონსტანტინე გამსახურდიას შესახებ. საერთოდაც, გამოუთქვამს კი რაიმე აზრი? ჩანანერებში ერთ ასეთს ნაგაწყით: „გვეუბნებოდა ვერის პარკში ერთი ძველი პენსიონერი, ისტორიული დრამა ჩაფიქრებინა, გაგენდობოდა, ცალკე დაგისვამდა, წერილად მოგიყვებოდა, მორიდებული ყმანვილები ვიყავით, ავიღლად ვეღარ გამოვეხსნებოდით“. აქ ყურადღებას იქცევს სიტყვა „პენსიონერი“. რატომ მაინცდამაინც პენსიონერი და არა მაგალითად, მოხუცი, ან ჭარბი ან სხვა მრავალი ისეთი სიტყვა, რომელთა მოფიქრებაც ჩვენს პოეტს ნამდვილად არავისგან ესწავლება, თანაც, თუ ცოტა არითმეტიკას მოვიშველიებთ, გამსახურდიამ ამ დროისთვის 65 წლისაც არ უნდა იყოს, მაგრამ რომც ყოფილიყო, განა ეს მწერლისთვის საპენსიო ასაკია? ნამდვილად არა. ამიტომ ვფიქრობთ, რომ ამ შემთხვევაში „პენსიონერი“ აღნიშნავს არა იმდენად ასაკს, რამდენადაც სამუშაო მდგომარეობას. როგორც ჩანს, დავით წერეთლიანიც იმ აზრს ემხრობა, რომ კონსტანტინე გამსახურდიამ ამ დროისთვის უკვე დიდი ხნის პენსიონერია, თავისი მწერლური კარიერა კარგა ხანია დაასრულა. ამ მოსაზრების თანახმად, მას შემდეგ, რაც საბჭოთა ხელისუფლებამ თავისუფლად წერა აკრძალა, კონსტანტინე გამსახურდიამ, ზოგიერთი სხვა მწერლისა და თავისივე პერსონაჟისგან განსხვავებით, ექსტაზში დასაღუპავად ვერ გაიმეტა საკუთარი თავი და ნამდვილი მწერლისგან ისტორიული რომანებისკენ გადაუხვია. მწერლური გზა თავად წერეთლიანმა მიატოვა და თარგმანისკენ აიღო გეზი, თუმცა აქ იძულება არა ყოფილა, შეეძლო წერა, პირიქით, ავტონაუნდუნე კიდევ, მაგრამ ავტორს არ ენერებოდა. თუმცაღა მიზეზს რა მნიშვნელობა აქვს, გადახვევა გადახვევაა და თუ ერთი პენსიაზე გასვლად შეფასდა (ჩვენ მიერ არა — იმათ მიერ, ვისაც ეს აზრი ეუთვნის), მეორე რატომ უნდა შეფასდეს სხვანაირად? ვიდრე ამ კითხვას ვუპასუხებდით, აუცილებელია ორ სხვა კითხვაზე გვეცეთ პასუხი. პირველი: რამდენად ღირებულია ის ლიტერატურული პროდუქტი, რომელიც მთარგმნელმა წერეთლიანმა შექმნა? და მეორე: რამდენად ღირებულია ის პროდუქტი, რომელიც ისტორიული რომანების მწერალი გამსახურდიას ხელიდან გამოვიდა?

მოგესხენებათ, სიფრთხილეს თავი არასოდეს სტკივა, განსაკუთრებით კი მაშინ, თუ ლიტერატურულ წერილს აქვეყნებ, ამიტომ ამ კითხვებს უპასუხო და ვტოვებთ, ან კი რა უფლება გვაქვს, შეფასებები ვაკეთოთ — ეს ხომ ძვირფასების, პატივცემულებისა და ღვანლმოსილების პრეროგატივაა, ჩვენ კი მხოლოდ ცნობისმოყვარეები ვართ, უბრალო გამომძიებლები და არა მსაჯულები და სანამ კონსტანტინე გამსახურდიას ნახევარს მაინც არ გვაკეთებთ, მანამდე ვჯობია, თავი შევიკავოთ მისი განსჯისაგან.

მასხარისა არ იყოს, მგონი, ჩვენც გვარაიანად ავცდით გზას. რას ვიზამთ, ასეც ხდება ხოლმე. დროა, ნაწარმოებებს დავუბრუნდეთ.

მსგავსება ბევრია, მაგრამ იქნებ რაიმე განსხვავებაც მოიძებნოს.

ერთი ასეთი, არცთუ უმნიშვნელო განსხვავება ის არის, რომ მნათე ოქროპირს თავისი საქმის შესრულება აკრძალული აქვს, მასხარას კი პირიქით, არათუ არ უკრძალავენ, უხმობენ კიდევ, მაგრამ თავად აღარ მიუწევს გული, ისიც ცხვილებს („შემეფაკლება ლანვი“).

ერთი წუთით! ეს ხომ ძალიან ჰგავს იმას, რაც წელან ავტორების შესახებ ვთქვით. თურმე მთლად შორსაც არ ნავსულვართ. ჩვენ კი ვიცით, რომ პერსონაჟისა და ავტორის გაიგივება არ შეიძლება, მაგრამ ხანდახან მაინც ხომ აქვთ ხოლმე რაღაც საერთო? აქ ეს საერთო თვალნათლივია: მნათე ოქროპირს, გამსახურდიასავით, აკრძალული აქვს მუშაობა, მასხარას კი, წერეთლიანის მსგავსად, საქმისკენ აღარ მიუწევს გული. აქედან ცხადია, რომ პერსონაჟები მანყის იმპულსს ავტორთა ბიოგრაფიებიდან იღებენ, მათი სახეების მსგავსება-განსხვავებები ზედმიწევნით ზუსტად იმეორებს ბიოგრაფიულ მსგავსება-განსხვავებებს; ამაზე დაყრდნობით კი ერთადერთი დასკვნის გამოტანა შეიძლება, პლაგიატი გამორიცხულია (ჩვენთვის იმთავითვე გამორიცხული იყო, მაგრამ გამოძიება რომ დადგინა, მაინც კარგია).

კიდევ შეიძლება გვეთქვას რაღაც გერმანიაზე, ექსპრესიონიზმზე, მაგრამ სადაც ხომ მაინც უნდა დავამთავროთ, თანაც აზრის მდინარეებს აყოლილნი თავდაპირველად ჩაფიქრებულ ფინიშს უკვე გამოვცდით და არცთუ უხიფათო წყალვარდნილებსაც მივუახლოვდით. ჰოდა, ვიდრე ჩვენი ამბავიც ექსტაზში სიკვდილით დაგვირგვინებულა, გვირჩევნია, აქ დაგემშვიდობოთ...



ალა დათუკიშვილი

ბაქას

ჩვენ არ გვჯეროდა ფენიქსების მკვდრებით აღდგომის, რადგან სიკვდილი არა ჰგავდა გარდაცვალებას, მღეროდა მაშინ ლენოქსი და შორი სადგურის უჭერო ცის ქვეშ ყაყაოებს ყიდდნენ ცალეზად. იმ დროში სისხლი შეადგენდა რძიან ოპიუმს, და რძე შემხმარი ტუჩებიდან სული გაექცათ, მათ ვინც საკუთარ სასახლეებს ჭალი მოპარეს რადგან სინათლე ერთი იყო შინ და გარეთაც. და ლამფის შუქზე ჩალამებულ თვალის ცეცებით, გვიყვარდა კითხვა აგრონომის მისტიციების, ისხდნენ ქუჩაში დოცენტები, როგორც ბეცები, ჭამდა თაობას გაცეცება, ისტერიები... სულზე გვიჭერდა ჩამომხრევალი ახალგაზრდობა, უსამშობლონი სამშობლოზე თავებს ვნირავდით, ასე განვდილი ვენებიდან დრო სისხლს გვიწოდდა და სუქდებოდა ყველა ქურის ყველა წყვილი. როგორი იყო, სად ვიყავით, რატომ ვიყავით, დრო დაქვეყნული ვერასოდეს გაგვცემს პასუხებს, ჩვენი სამშობლოც დღემდე დადის რკინის ნილაბით და ასე...

სხვანაირი ქალაქი...

წელს იანვარმა აითრია მტკივანი ფეხი, ვწყველოთ თავბედი, რა აზრი აქვს ყველა დანარჩენს, მე შენალელება სხვანაირი ქალაქის ბედი, რომლებმაც უნდა მოითმინონ, რათა გადარჩნენ. მე შენალელება, რომ ცხოვრება მსხვერპლით ვერ ძლება, პირველი ღამის სარეცელზე ისევ ვმარცხდებით, უნდა თავები დავიხოცოთ, როგორც მერცხლებმა ცივი ფანჯრების ჟალუზებზე შემონარცხებით. რომ იქნებ გაძლეს თეთრი თოვლი სისხლის დანახვით, ვეღარ გავიგოთ კართან უცხო როგორ ახველა და, ღმერთო, ღმერთო, რამდენი რამ უნდა დავმარხოთ ღამეში, სადაც წამებაა თვალის გახელა. მე შენალელება ეგ თითები, წინდებს რომ კერენ, და იმედებად დარჩენით პატარა დები, მოდის საღამოს დამშეული ოჯახი მერე და საჭმლის სუნში გეხარება სული და კვდები. და თითქოს ლუკმა-ლუკმად აჭმევ შენსავე გულღვიძლს ყველას და ასე ცოცხლად იტან სასტიკ განაჩენს, დანაყრება კი ისეთია, რომ ყველას უღირს იყოს, ითმინოს, შეენიროს, რათა გადარჩნენ...

ქისტური ოდა

მეფიქრები, რომ ქუჩაში ხარ თხელი მაიკით, რომელსაც ალბათ ახატია რემბოს მკლავები, ხმას უთიშავ და არ პასუხობ უცხო დარეკილს, არ სვამ ალკოჰოლს, არც თამბაქოს არ ეკარები. გულში იცინი, როცა ქუჩას მოაქვს ცხელე და როცა ხელეებს გაჩვენებენ კასტეტებიანს, რადგან ყველაფერს მიეჩვიე შიშველ ხელებით, ბავშვობას თოვლის ხელთათმანიც არ გკეთებია. თუ კი საერთოდ ან ოდესმე იყავი ბავშვი,

რადგან როგორც კი დაიგულე ცხენი მეგზურად, შენს ბედაურზე მთელი სახლის ტვირთი გადასვი და ეჭვი არც კი შეგპარვია, რომ ვერ გეზრუნა. დაგქონდა ასე აისები მკვირცხლი, ხალასი, ბავშვი იყავი და კაცური დარდი გესია, და გქონდა ხედი ჯოჯოლოში ისე ლამაზი, ორი მეჩეთის გასაყარი და ეკლესია... მაშინ ბავშვები ჯოჯოხეთის ბალახს სუნთქავდნენ ჩემს სოფელში და არყის ბოთლმაც ბევრი დაახრჩო, ამ შებოლილი ოცნებებით ვკრავდით მუთაქებს და ძირიანად ითხრებოდა ჩვენთან ყაყაო. ვიჯექით მაშინ და ვარსკვლავებს სიზმრად ვითვლიდით, რადგან ცა იყო ისე ბნელი, ისე ზარმაცი, შენ რომ დედიკოს უმაღლავი კოჭრებს იმ დილით, ღმერთმა იხილა ეგ თითები და... ჩვენ გადავრჩით. მეფიქრები, რომ ქუჩაში ხარ თხელი მაიკით, რომელიც ასე ჩამიბეჭდეს რემბოს მკლავებმა, თბილად ჩაიცვი — გიმესიჯებ მთელი პანიკით, შენ კი მპასუხობ — ქისტს სიცივე არ ეკარება!

ნაქარალი

გადივაცეს ქარიშხლებმა და შენ მოხვედი, ეს ნაქარალი უდაბნოზე უარესია, აქ მარტოობის ვამპირები სხედან მოლბერტზე, ხან სუტინის გაფატრული ხორცი კვნესიან. ახლა ნითელი ზეცა მიწვავს თვალებს სისხლიანს, ვიცი, ელფები გააღებენ ზეცის კარებს, ხალხი კი, ხალხი ისეთია, როგორც იციან, უნდა დაეცე, დაეცე და შეგიყვარებენ. ცა შენი სახლის სახურავზე ნამქერს გადაშლის, აქ სახურავი არ სჭირდება სახლებს თივიანს, რადგან არასდროს არ მოსულა თოვლი ქალაქში და უთოვლობა ისეთივე ბუნებრივია, როგორც უშენოდ დარჩენილი მე ვარ, ძვირფასო. აქ ბუნებრივად კამათობენ მხოლოდ მზეზე და ბედუნების ათასგვარი სისხლის ჰარემზე ზოგჯერ უდაბნოს ყვავილებიც ისე მბეზრდება, რომ ამ წელიწადს ავდექი და აღარც დავთესე. და ხომ გითხარი, საშიშია ეს ნაქარალი, არ მოგატყუოს ამ ვნებებმა, თუ კი ავეშვი, რადგან ყოველი, როგორც გჯერა, ისე არ არის, არ გაბედო და არ ჩამხედო, ამ მკვდარ თვალეში.

პიჯაპა

თითისწვერებზე შემომდგარი ნერვით ილამებ, როგორი ცაა, ვარსკვლავები იქცნენ ყასბებად, თითქოს ორსული საფლავები გადმოიღვარნენ და კიდევ მეტი შვილი უნდათ ამოსავსებად. გაკვეთილი ხარ, როგორც კვეთავს კედელს მიწისძვრა, ქვით ჩაქოლილი ტანი ხარ და თვითონ ქვიტიკირი, რაც მთავარია, ვინც გიყვარდა არა იცის რა, რომ მკვდარი ცოცხალ ჭირისუფალს აქეთ მისტირი. არაფერია, ამ ჰიჩოკის გმირსაც აიტან, საკუთარ მხარზე დააძინებ ვამპირ წველიადებს, სიცოცხლეს მაინც უყურებდი, როგორც ნამეტანს, გადარჩი მხოლოდ იმიტომ, რომ სხვებმა ინატრეს... მე ლექსი ვიცი, ნუშის ყვავილს გავდეს რითმები, ლაღად დახტოდეს ირემივით მოქნილ ფეხებით, შენ კი დგახარ და ყველა ლექსით სისხლში ითხრები, მკვდარი სხეულით ყველა დაჭრილს ზურგზე ეხვევი. თითისწვერებზე შემომდგარი ნერვით ალამებ, რა მწარედ გახსოვს, შენი ჯავრი ვინც არ იჯავრა, ან შენში იყო ან იმათში, ჰო და ნაგავმა, ცუდი სისხლივით გაინოვა, როგორც ჰიჯაპა.

თოვლის პათოსი

ბოშა გიოს

ღამეა ახლა დეკემბრის და სისხლის სიცივის, ამ მთების იქით ჭირხლია და თოვლის პათოსი, ახლა თელავის გაღავანთან ბოშა იცინის, და ცხელ ფიქრებზე მითამაშებს თითებს გათოშის. მისდევენ ქუჩებს დაუღლებელი ფეხისგულები, თითქოს ეძებენ სამშობლოს და განგის ნაპირებს, ეძებენ, რადგან ჩვენ სისხლისგან არ ვიკურნებით, უცხო მხარე კი სისხლს უფრო მეტად აყივლებს. ნამოაყვედრეს გამვლელებმა ხურდა ამაგი, ხურდა, რომელიც ჩამოსცვივდათ წმინდა ფრთებიდან, არადა, ბიჭუე პატარა ჩემი ქალაქი, ისეთი მორცხვად იყურება ძველმანებიდან. როგორი მძიმე ღამეა და როგორ შემცივდა, დღემდე ველი და არ მოდიან ტყესთან ირმები და ვხვდები, რატომ გამომიღე შენი ნეკნიდან, მარტოსულობა გაგაგიჟებს, ისე ირევი... უკვე რამდენჯერ მოგიყვია, აქ უდაბნოა, ვერ გამოვეყვები სადგურისკენ შენს ძველ ბანაკებს, ვერ მოგიყვები, ვინც მიყვარდა, როგორ დამტოვა და ვეღარც შენგან ვერ მოვისმენ ბოშის არაკებს. არ ვიცი, იქნებ ისე მოხდეს, ვეღარც გიხილო, ოცნებად დარჩეს ნაშვილები ბიჭის პათოსი, გამაღობ, ყოველთვის რომ გახსოვდა ჩემი სახელი, გამაღობ, გულში რომ მიხუტებდი ამ სულგათოშის.



თეონა

ანეკლოტია

არაფრისმთქმელი მზერით ვეძებ ამინდის პროგნოზს: თოვლია მალე. ჰაერი კი ცივი, ნოტიო. იქნებ არ იცი: ეს ცხოვრება, ჩვენ რომ არ მოგვწონს ერთი პატარა უბადრუკი ანეკლოტია.

ცივი ქალაქის ცას შევყურებ თბილი იმედით და ჩემს არეულ სულს მაგონებს მისი ტრანსპორტი. აღარ მეგონა, გულწრფელად თუ გავილიმბდი თუმცა განსაცდელის სიმძიმისგან... წელში გავსწორდი.

სკვერებში სხედან ქალაქელი ლურჯი მტრედები და ონავრების ცელქ ნაბიჯებს ელოდებიან. არ გეუბნები: როცა შენსკენ არ ვიხედები, ეს გულიც ერთი მოფრთხილავ დიდი მტრედი.

ასე უჩუმრად ჩავინიშნავ ამინდის პროგნოზს: თოვლია გულში. ცრემლები კი — სველი, ნოტიო. დაიმასხოვრე: ეს ცხოვრება, ჩვენ რომ არ მოგვწონს, ერთი უნიჭო, უბადრუკი ანეკლოტია.

ქვირფას სახეებს

ეს ქარი თითქოს გადაღლილ ნაძვეს აწუხებს და თან სევდა ერევა, ჰგონია, დარდი მიწვდება ცამდე და ძლიერ იკლო ბედნიერებამ. ვუსმენ უამურ ქროლას და ზუზუნს, გაზაფხულს ველი და ასე ვუძლებ ღრუბლების პირქუშ და მძიმე კუნძულს, მე რომ ლოდივით მედება გულზე. ვიძინებ ასე... დილით კვლავ ვებრძვი დარდში აბურდულ ფიქრის მახეებს და — დინებასთან მებრძოლი თევზი — ფიქრში ვუღიმი ძვირფას სახეებს.

მოვა ვილაცა

მოვა ვილაცა, გადაგარჩენს და წავა და დაგიტოვებს ფრთებს ჩამოშვებულს თუმცა, მაინც განაგრძობ მერე სვლას და წვას თავად, ვერ ეგუები ამ განშორებას უცხად. მაგრამ თენდება. ისევ იბმება ჯაჭვი, ძველებურ დღეებს ცდილობ, გაექცე, ილტვი... ნელა ენთება მზეც. ძველებურად არ წვიმს და ფერადდება ფიქრის შვ-თეთრი ტიტრი.

ააოოაა

დახვეტავს ქარი მოგონების ცისფერ ბარათებს და ერთიანად შემომაყრის არეულ სულზე. მე დარდით სავსე მეთასე ღამეს გავათევ შენ — ვერასოდეს ვერ გაიგებ, რას როგორ ვუძლებ. საკუთარ თავსაც კი ვუმაღავ არეულ დარდებს და არ ვუყურებ არც ერთ მათგანს ღია თვალეში. მერე ვკითხულობ ლექსებს ჩუმად, ვინ იცის, რამდენს და ვრწმუნდები, რომ შეცდი, როცა ხელი გამიშვი. თბილ შემოდგომის დღეებს გულზე მალამოდ ვიდებ და ხელს მისვამენ თავზე მშვიდი საღამოები. მიყვარს, როდესაც ცხოვრების გზას ღიმილით მივდექ, თავს მახსენებდეს თუნდაც ურჩი ამაოება.

მონატრება

ჯერ არ ეტყობა ამინდებს, რომ სექტემბერია, ტროტუარებზე განოლილა ზაფხულის ხვატი.



ბითაძე

ეს ორი დღეა, ხასიათში შემომერია
ნალღელი,
ჩემგან მოშორებით დადიხარ რაკი.
სადღაც მოწყენით თვლემენ ხმელი ძაღლები ქუჩის,
მერცხლები მარტო დატოვებენ მამაც ბელურებს
და შემოდგომის მიწურულზე,
როცა ითოვებს,
გამვლელი შურით თვალს შეავლებს
ჩვენს ნაფეხურებს
გაკვალულს ერთად.
მერე მოვა ახალი ფიფქი,
შენაცვლება წვიმა ქარებს, მერე ქარი — მზეს.
შენ ისევ ტკბილად დამამშვიდებ, რომ არ ღირს ფიქრი
და ძველებურად ჩაიღიმებ,
ლექსს თუ დაგინერ.

ისევ ლექსებითა

ვიარე და ისევ ლექსებთან მივედი,
ცხრა მთა გადავლაზე და სხეულდალილმა,
ნატანჯი სულით და მფეთქავი იმედით
სულის მოსათქმელად მოვინახე ადგილი.
ვიარე და ბოლოს მიშველა ლექსებმა,
გულს არ სდომებია სხვა რამე — ნამალი,
ვერ მარგო ცივმა და სასტიკმა წესებმა,
გარს რომ მეხვეოდნენ ურიცხვი ამალით.
შენს გულშიც უმანკო ლექსები ყვავიან
და მინდა,
ერთ დღესაც
მაგ გულში ჩაგხედო.
ვითომც არაფერი, ქუჩაში ქარია,
სულ არ ენადღლება,
ასე რომ ვთავხედობ.

სალამოს დარდი

როცა გარეთ დიდი, მოწყენილი,
კოხტა ნეკერჩხლები ტოტებს ხრიან
და ცას ეფერება კანტიკუნტად
მოშავო ღრუბელი რამდენიმე,
ამ დროს მახსენდები დაჟინებით
და ცაც, ღრუბლებთან რომ ალერსშია,
ისე გულმოდგინედ იქუფრება,
რომ ამ მოალერსეთ აატირებს.
მერე უფრო ძლიერ მომინდება
მხრებზე შენი ხელის შემოხვევა,
მაგრამ, ხელს ავუქნევ საკუთარ თავს:
ჩვენ ხომ ერთმანეთს არ ვერიტებით.
გზებიც სხვადასხვა გვაქვს, საფიქრალიც,
ერთი მეორეს რომ არ ემთხვევა:
სწორედ ამიტომაც ვერ შეგებდავ,
შენი ვერაფერი ვერ ვიქნები.

თვითირონია

რად გვინდა ზედმეტი ვარამი,
ვერ ხედავ? ცხოვრება მიდის.
თან არ გადაგყვება არავინ,
სჯობს იყო დინჯი და მშვიდი.
რალა საჭიროა, სიყვარულს
მიხსნიდე შენ წარა-მარა.
მინაზე კი მყარად სიარულს
დროა მივეჩვიო, კმარა
ოცნების ბილიკზე ფრენა და
გულშიც სიყვარული დიდი.
თან არ გადაგყვება არავინ,
ცხოვრება მარტივად მიდის.

**დაიუთი
ვახო ვახტანგაძე**

ჩემს მეზობარს

ჩემს წიგნებს თამბაქოს
მიმზიდველი სურნელი ასდის,
ჩემს თაროებსაც,
მაგრამ ფურცლებს
განსაკუთრებით სასიამოვნო
ამოსუნთქვის სიყვითლე დაკრავს,
ნიკოტინის ტრაგიკული გამოძახილი.
სულ მცირედენ,
შუა გზაზე მიტოვებულებს
შერჩათ სითეთრე.
რალაცით აბორტსაც ნააგავს ალბათ
შუა გზაზე მიტოვება დანყებულ წიგნის.

ჩემს ოთახს მძიმე სურნელი აწევს,
უკვე ჩამომხმარ ჩემი ფილტვების გამონაბოლქვი,
კიდევ კარგი რომ ყვითელ ფერშია გადაწყვეტილი,
შენის არ იყოს...
როდესაც დიდხანს მინევს ნასვლა,
და ვუბრუნდები
უკვე განმენდილს ცოდვებისგან
მშობლიურ ოთახს,
ნერვები ისე მეძაბება,
თითქოს ნაწილი ჩემი სხეულის
შეუცვლია ვიღაცა ჭკვიანს
სხვისი კიდურით.
შემდეგ ასმაგად მონადინებით ვხრჩოლავ მომდევნოს,
ხშირად ასანთის გაკვრაც არ მინდა,
უკვე ჩაფერფლილს,
მეორეზე გადავუკიდებ
და მორჩა კინო.
შენ გიყვარდა ასე მონევა,
შენი ქართული ნესტიანი ტაბაკის.

შენგან ვისნავე ძალიან ბევრი,
ყველაზე მეტად შენ ცდილობდი
დასაწყისშივე ამომეცნო ჩემი თავი,
სასიკვდილო ცოდვები ჩემი
და ხმამალა,
ამაყად მეთქვა:
საკმარისია!..
თუმცა ყველაზე შესანიშნავად,
შენვე უწყობდი,
რომ სწორედ ცოდვა
გვაცალიბებს ადამიანად,
და არსებობის სიყვარულის,
მიზანს გვისახავს.
სამწუხაროა,
ასე მალე დასრულდა, რასაც
შენი ცხოვრების კინო ერქვა.
ვინ იცის,
ბევრად მეტსაც გამოგტყუებდი,
იმ ფირს რომ კიდევ ეტრიალა,
შენი ცხოვრების კადრები რომ აუსახია...
ნეტავ რომელი ფირი ეყოფოდა?

მოკლედ რომ გითხრა,
მომენატრე,
თამბაქოს ყოველ ღრმა ნაფაზზე
მახსენდება შენი ჩასუნთქვა
და ხორხის სიღრმიდან გამოსროლილი
მწველი იუმორის შემცველი სიტყვები.
რომ შეგახედა
ახლა ვერლიბრს ვნერ,
თანაც შენზე,
მოჰყვებოდი ალბათ გინებას,
ვერლიბრანთ გოგო-ბიჭებს.



ვიცი, სიკვდილი დასაწყისია,
მეორე, ბევრად გრძელი ცხოვრების.
მე ისევ ჩემს ოთახში ვარ,
კვამლით გაბუღულ ოთხკუთხედში,
ვერაფრით ვიძინებ,
ვერც რითმას ვანყობ,
ვერც ჯვარედინს,
ვერც აქა-იქას,
ამიტომ ვერლიბრს მივეტანე,
გონებას ვთიშავ,
ლერიდან პირდაპირ
ლერზე ვუკიდებ
და გაკვრით ვავსებ
მიყოლებით უამრავ ფურცელს,
იმდენად სწრაფად
გაყვითლებასაც ვერაფრით ასწრებს.
ვიღაცა უცხოს,
ჯანსაღი კაცის
ნაწერიც კი ეგონებოდა.

ალბათ ამას მომიწონებდი,
ალბათ არა!
აუცილებლად.
რომ არ ვჩერდები,
კარგად თუ უქმად
მანცა ვსწერამ.

— უბერავ კიდევ? —
მირეკავ ხშირად,
მეკითხები ყოველთვის, როცა
მეორე ხელში გავსებულნი მიჭირავს ჭიქა.
ერთხელ ან ორჯერ,
ზუსტად არ მახსოვს,
სინდისის ქენჯნამ თუ გადამძალა
და მოგატყუე:
— არა, რას ამბობ... —
ალბათ საქმე მოვიმიზნებე.
ან შესვენება
დალევადან დალევებს შორის.
სულ რომ ტაძარში ვმდგარიყავი,
ხელში სანთლით,
უბახუსო,
ნაკურთხ ღვინოზეც უარი მეთქვა,
მანც მეტყოდი:
— დანებე რა!..
სანამ დრო გაქვს,
სანამ ხელი
და გონება გიჭრის.
მეც გპირდებოდი.
მერე დიდხანს მოჰყვებოდი
ათასფერ ამბებს.
დღემდე არ ვიცი,
ნეტავი როგორ ახერხებდი
ერთი თემიდან მეორეზე
გადანაცვლებას ასე ფაქიზად.
ბოლოს უცებ გამითიშავდი,
და მერე ისევ ორივენი,
ჩვენი ცხოვრების ყველაზე მძიმე,
სავსე ჭიქას
გადავკრავდით სულმოუთქმელად.

არ ვიცი, რა ვთქვა,
არც ის ვიცი,
აქამდე რაც ვთქვი.
ერთი ნაღია,
მომენატრე,
ყოველი ღერის
შემდეგ ღერზე გადაკიდება
შენს თავს მახსენებს.
და იმ საოცარ,
ოთხკუთხედ ოთახს,
სადაც ხშირად გვისაუბრია,
რომელიც რატომღაც
ყვითელში იყო გადაწყვეტილი.
ნეტავი რატომ?..



* ერთი პოეტური ტექსტის სხვადასხვანაირად წაკითხვა...

სხვადასხვანაირობაც არის და სხვადასხვანაირობაც. მოსცხებენ კრიტიკას და მერე თუ გაირკვა, რომ სულ სხვა რამეზეა ტექსტი, წარბეზურულად და ნორმულად იტყვიან — მე ასე დავინახე, და ლიტერატურის თვისება და ხიბლიც ეგ არის, მისი სხვადასხვაგვარად წაკითხვა რომ შეიძლება; კიდევ — გამოკვეთილი ტექსტი ავტორს აღარ ეკუთვნისო და ა. შ.

სინამდვილეში, როცა დანერგულა და წაკითხულს შორის ასეთი — რადიკალური — აცდენაა, ამ სამიდან ერთ-ერთ შემთხვევასთან გვაქვს საქმე: ან ავტორმა თქვა გაუგებრად, ან კრიტიკოსმა ვერ გაიგო გასაგებად ნათქვამი, ან კიდევ ვერც ავტორმა თქვა მთლად გასაგებად და კრიტიკოსმა იმასაც სულ სხვა სახელი დაარქვა, რაც ოდნავ მაინც გასაგები იყო.

ასე ვამატებთ და ვამატებთ ლიტერატურას ბუნდოვანების საბურვლის თითო (ორ-ორ, მეტ-მეტ) ფენას და იმანაც რალაქნას — თანდათან სრულ გაუგებრობად იქცევა.

* საჭირო რამაა ლიტერატურული კრიტიკა — მისი წყალობით მშვენივრად ერკვევი, ვის როგორი პირადი დამოკიდებულება აქვს ერთმანეთთან, სულაც — ვინ ვისთან მეგობრობს.

* საპნის რეკლამებში ხელებზე და საკვებზე უჩინრად განლაგებულ თუ მობინადრე ბაქტერიებს მსხვილ-მსხვილად რომ გვიჩვენებენ ხოლმე...

რალაც ასეთი, ასეთივე არასახარბიელო უნდა იყოს კარგი ლიტერატურის მახვილი და ობიექტური თვალის სანახები.

* არის ბარბაროზები, სხვა ტიპის ენობრივი დარღვევები, რომლებიც ასე მკვიდრდება პრაქტიკულ ენაში: ერთხელ იტყვის ვინმე და ყურს რატომღაც მკაფიოდ, მძაფრად მოხვდება, სხვაზე იოლად დაამახსოვრდება, იმეორებს მერე მეორე, მესამე, ოცდამეშვიდე... ასე ხდება სხვადასხვა თეორიაში, მათ შორის — ლიტერატურულ კრიტიკაშიც: ესა თუ ის მცდარი, საეჭვო, გაუგებარი მოსაზრება კლიშედ მხოლოდ იმიტომ დამკვიდრებულა, რომ თავის დროზე რატომღაც ყურს მძაფრად მოხვედრია და იოლად დამახსოვრებია...

* სოციალურ ქსელში ერთ-ერთი დიალოგისას სიტყვამ მოიტანა — კარგი იქნებოდა, გარკვეულიყო, რა პრობლემები აქვს ჩვენს (ჩვენში) ლიტერატურასო. ისიც იქვე ითქვა, რომ ყველა პრობლემის აღწერა და ამ ნუსხაზე შეთანხმება (ან თუნდაც იმაზე შეთანხმება, თუ ვინ უნდა შეთანხმდეს ამაზე), მსუბუქად რომ ვთქვათ, ძნელია. სხვისი არ ვიცი, მე კი ამ „პროვოკაციამ“ თავში ზედინზედ რამდენიმე პრობლემა წამომიტყვიან. მათი ნაწილი, ასე ვთქვათ, ზოგადასაკობრიოა, ნაწილი — ქართულ ლიტერატურასა თუ ლიტერატურულ გარემოს განსაკუთრებით ახასიათებს. ზოგი მკაფიოდ გამოკვეთილია, ზოგი უფრო ივარაუდება. ამას გარდა, ისინი ერთმანეთსაც კვეთს, სხვადასხვა კლასიფიკაციისა და ა. შ. მოკლედ, რალა ბევრი გავაგრძელო:

- 1). მწერლობა — მეორადი პროფესია. საქართველოში მწერლობით თავის რჩენა, პრაქტიკულად, შეუძლებელია. მწერალი იძულებულია, შემოსავლიანი სამუშაოსგან თავისუფალ დროს „იყოს მწერალი“. ოდნავ განსხვავებულ შემთხვევებს ნუ გამოვეკიდებით — ძირითადად მაინც ასეა.
- 2). ნიჭიერთა ნაკლებად თვითპრეზენტაციულობა და პირიქით — უნიჭოთა მეტად თვითპრეზენტაციულობა.
- 3). ზედაპირული აზროვნება. ბოდიში, მაგრამ ტექსტების უმეტესობა სურვილს იწვევს, მასში ავტორის უფრო მასშტაბური აზროვნება გამოსჭვივდება.
- 4). ინფორმაციის ნაკლებობა. ტექსტების უმეტესობა ტოვებს შთაბე-

ჭდილებას, რომ მათმა ავტორმა ცოტა რამ იცის. ყოველ შემთხვევაში, ისინი ინფორმაციულად მსუბუქია.

5). საკუთარ თავზე მცდარად დიდი წარმოდგენა.

6). „კრიტიკის არარსებობა“. ეს ალბათ გაზვიადებული (უფრო სწორად, დაკნინებული) შეფასებაა. მაგრამ ლიტერატურულ წრეებში ამას ისე ხშირად ჩივიან, უნდა მივიჩნიოთ, რომ კრიტიკა იმაზე გაცილებით ცოტაა, ვიდრე სასურველი და საჭიროა.

7). მხოლოდ დადებითი კრიტიკა. კრიტიკის არარსებობის შთაბეჭდილებას ისიც ქმნის (ან — კრიტიკის არარსებობას ისიც განაპირობებს), რომ რეცენზენტების დიდი ნაწილი მხოლოდ დადებითი, მაქებ-მადიდებელი კრიტიკით არის დაკავებული.

8). პირად ურთიერთობაზე დამყარებული კრიტიკა.

აღამიანისადმი კერძო დამოკიდებულება (თუნდაც, ვთქვათ, მასთან ერთ

ზაზა ბიბილაშვილი

პოეზია, დანარჩენი ლიტერატურა, და დანარჩენი

2017

კონკრეტულ საკითხზე წამოჭრილი კონფლიქტი მისი შემოქმედებისადმი დამოკიდებულებად იქცევა ხოლმე.

9). კრიტიკის მიუღებლობა.

აღამიანის კიდევ ერთი ბუნებრივი თვისების გამოვლენება ლიტერატორებში. ამჟღავნებს ტენდენციის ხასიათს: როცა ათიდან ცხრა ავტორი არ იღებს კრიტიკას, მეათეც ერთგვარად „იძულებული“ ხდება, ასევე მოიქცეს, რაკი, სხვაგვარად, მხოლოდ ის დარჩება გაკრიტიკებული. არადა, შესაძლოა ეს მეათე, ზოგადად, არც არის კრიტიკისადმი უარყოფითად განწყობილი.

10). მერკანტილიზმი.

ერთი ლიტერატორის ანგარებიანი მიდგომა მეორე ლიტერატორისადმი: რაკი ეს მეორე თავისი გრძელ-ან მოკლევადიანი მდგომარეობით ანგარიშგასანვივი ფიგურაა და მისი კეთილგანწყობის მოპოვება პირველისთვის მერკანტილურად სასარგებლოა, ამიტომ პირველი ან პირდაპირ ემლიქვნელება მას და არსაქებელს უქებს, ან ყველანაირად თავს არიდებს მის შემოქმედებაზე აზრის გამოთქმას — მაშინაც კი, როცა ეს მოეთხოვება.

11). მაღლიერება, სიკეთეზე სიკეთით პასუხის ინსტინქტი.

12). მეგობრობა.

ეს კეთილშობილური აღამიანური გრძნობა (თუ რაც არის) ალბათ სხვა პროფესიებზეც არ აკლებს ხელს. ლიტერატურული ობიექტურობისთვის კი თვალსაჩინო პრობლემაა.

ხატოვნად ასეც შეიძლება თქმა: იქნებ ისეთ მტრობას ვერაფერი უნევს ჩვენს ლიტერატურას, როგორსაც მეგობრობა.

13). „უნუპუნუ“ ურთიერთდამოკიდებულება ლიტერატურაში.

თითქოს ეს, ძირითადად და უფრო გამოხატულად, ერთ-ერთ სქესს ახასიათებს, თუმცა გვხვდება მეორე სქესის წარმომადგენლებშიც.

14). იმ ჟანრებთან, ფორმებთან ბრძოლა, მათი მარგინალიზება, რომლებიც ამ ბრძოლა-მარგინალიზაციის სუბიექტებს არ / ვერ ხელეწიფებათ.

15). ენჯიომეკვეთები, ენჯიომწერლობა — პირდაპირ დაფინანსებული ლიტერატურული პროექტები ან არასამთავრობო სექტორში მოდური თემების გამიზნული დამუშავება ლიტერატურაში, თან — ამ თემებისადმი შემოკვეთის თუ ინსპირატორის დამოკიდებულების გათვალისწინებით.

თუ ე. წ. არასამთავრობო ორგანიზაციას ეპატიება პრობლემის ცალმხრივად გამოკვეთა და შესაძლოა ეს მისი ეფექტიანი ფუნქციონისთვის აუცილებელი

ხერხიც კი იყოს, მწერლობისთვის მეტად მდარე სტილია სწორხაზოვნება, ცალმხრივობა და მისთ. ვფიქრობ, ზოგადად, ასეთი აზროვნება ანტილიტერატურული აზროვნებაა; და ლიტერატურისთვის მაინცდამაინც დიდი მნიშვნელობა არა აქვს, ვინ იძლევა თემის შეკვეთას — კომპარტია თუ რომელიმე უფლებადამცველი ორგანიზაცია.

16). ტექსტის, ასე ვთქვათ, გაიგივება ავტორთან, ავტორის ბიოგრაფიის მიზმა მის შემოქმედებასთან.

ამის საცდური დიდაა. ეს, შეიძლება ითქვას, ბუნებრივად ხდება. პიროვნული თვისებები ან თავგადასავალი ნებისმიერ პროფესიულ იმიჯს სძენს ან აკლებს რალაცას. პროზაში პირველი გრამატიკული პირით თხრობა აძლიერებს ინტიმისა და დამაჯერებლობის შეგრძნებას. დოკუმენტური ლიტერატურა, ძირითადად, სულაც ამით ფასობს. შეგვიძლია, გავიხსენოთ საჯარო ლიტერატურულ პრეზენტაციებში ავტორის მონაწილეობის მნიშვნელობაც.

თუმცა ჩამოთვლილი ფაქტორები იმას არ ნიშნავს, რომ ეს ტექსტის ობიექტურად აღქმას ხელს არ უშლის. რა თქმა უნდა, მნიშვნელოვანია აღამიანი და იქნებ — ლიტერატურაზე მნიშვნელოვანიც. მაგრამ თუ ამ უკანასკნელის ხარისხს ვარკვევთ, მაშინ ის — ლიტერატურა ყველაფრისგან დამოუკიდებლად უნდა განვიხილოთ.

მაგალითად, ტექსტის — თუნდაც ის ლირიკული პოეზიის ნიმუში იყოს — შესაფასებლად სულ არ არის საჭირო იმის ცოდნა, მასში გადმოცემული ამბავი ან ემოცია მართლა გადახდენია ან განუცდია თუ არა ავტორს. თუ ავტორი ამტკიცებს, გადამხდა და განვიცადეო, მაგრამ ეს ტექსტში არ ჩანს, მაშინ ტექსტი არასრულფასოვანია და მნიშვნელობა აღარა აქვს იმას, რომ ავტორის ბიოგრაფიაში (ვთქვათ) მართლა მოხდა ეს ყველაფერი. მეორე მხრივ, თუკი ტექსტი გვაჯერებს, რომ ავტორს (ლირიკულ გმირს, პერსონაჟს) ეს გადახდენია და განუცდია, მაშინ არაფერს ნიშნავს, რომ (თუ) აღნიშნული ამბავი და განცდა ავტორის ბიოგრაფიისთვის უცხოა. გადაუხდენლის განსაცდელად არსებობს წარმოსახვა, ფანტაზია, სხვის ტყავში შეძვრომის ხელოვნება და სხვა სამწერლო ილეთები და მონაცემები.

17). სოციალური ქსელები. რამაც, ერთი მხრივ, ნაწილობრივ გაანეიტრალა ლიტერატურული კლანები და მკითხველამდე გზა გაუხსნა „დაჩაგრულ“ ავტორებს, მანვე, მეორე მხრივ, კიდევ უფრო წააქეზა არაპროფესიონალიზმი.

18). ლიტერატურული კონკურსების არასრულფასოვანი ხასიათი. შესაბამისი პროფესიული თუ ფინანსური რესურსის არარსებობა ან არმომიება. ჯერ — ორგანიზატორების, შემდეგ კი ჟიურის ზერელე მიდგომა საქმისადმი. ელემენტარული უპასუხისმგებლო დამოკიდებულება, საკონკურსო მასალის არწაკითხვა.

ლიტერატურულ კონკურსებს მნიშვნელოვნად ვნებს სახელების ავტორიტეტიც. მართალია, ავტორის სახელი ხშირად მიუთითებს ნაწარმოების ხარისხზე, მაგრამ არა — ყოველთვის. ყოველთვის ასე რომ იყოს, მაშინ ჟიური საჭირო აღარ იქნებოდა.

და სხვა.

19). ჩვეულებრივი სნობიზმი.

20). ამ სიის არასრულყოფილება. თუმცა ეს ყველაზე მცირე პრობლემაა, ალბათ.

* „ლიტერატურულ კონკურსებში გამარჯვება-დამარცხება პირობითი ამბავია“.

ამ ფრაზას დამარცხებულის (უფრო სწორად — ვერგამარჯვებულის) დასაძმვადებლად იყენებენ ხოლმე. ამ დროს, შეიძლება ის ქეშმარიტებასაც ლაღადებს, მაგრამ დამამშვიდებლად იმ კონკურსანტისთვის თუ ივარგებს, ვინც კონკურსში დამარცხებას დეპრესიაში ჩაუგდია და მის თვითშეფასებას არასწორად მიაქანებს კატასტროფისკენ. ასეთი რამე კი არც ისე ხშირად ხდება.

სხვა მხრივ, ვერაფერი დამამშვიდებელი ფრაზაა. ტაძრისა და გზების ურთიერთიმართება არ ვიცი, მაგრამ, აბა, რა საჭიროა კონკურსი, თუ ის პირობითია?

* ჟიურის წევრის ჟიურის წევრობა ნიშნავს, რომ მას კარგად ესმის ის, რასაც აფასებს; იმათვე კარგადაც კი, ვისაც აფასებს. ყოველ შემთხვევაში, ასეთი მოვალეობა დააკისრეს — მოვალეობა, ავტორზე უკეთ ესმოდეს.

ანუ შეიძლება ითქვას, ჟიურის წევრი ავტორზე მნიშვნელოვანი ფიგურაა კონკურსში. მაგრამ ეს მის არამიწიერ უნარებს, რა თქმა უნდა, არ ნიშნავს. შესაბამისად, მას არ უნდა ჰქონდეს, ვთქვათ, 2 დღე იმისთვის, რომ 1000 ნაშრომი წაიკითხოს. ასეთი თანაფარდობა თავის გასამართლებლად თუ გამოადგება ისევე მას — მერე რომ თქვას, ან იგულისხმოს — აბა, რა მექნაო. ამას გარდა, ჟიური ხშირად მიანიშნებს, რომ ნაშრომის ფასის განსაზღვრა პირველივე აბზაცების წაკითხვით შეიძლება. ხშირად მართლაც ასეა, მაგრამ არა — ყოველთვის. არის წიგნები, რომელთა მეორე ნახევარი უფრო ძლიერია, ვიდრე პირველი.

ეს მნიშვნელოვანი ფიგურა, რასაკვირველია, ენთუზიაზმზე არ უნდა მუშაობდეს. მისი შრომის ანაზღაურება პრემიაზე ნაკლები (საგრძნობლად ნაკლები მაინც) არ უნდა იყოს. ოღონდ ეს ჟიურის (ჟიურის წევრის) კეთილდღეობაზე ზრუნვას კი არა, მის დიდ პასუხისმგებლობასა და მოვალეობას უნდა გულისხმობდეს. მაგალითად, კარგი იქნება, ჟიური რეცენზიით განმარტავდეს თავის დამოკიდებულებას ამა თუ იმ საკონკურსო ნაწარმოებზე მიმართ (პრაქტიკული გამოცდილება იმის სურვილსაც კი იწვევს, რომ ეს მიდგომა თითოეულ საკონკურსო ნაშრომს შეეხოს, რაკი იგივე გამოცდილება აღიარებს შესაძლებლობას, გამარჯვებულ ტექსტს ფინალში ვერგასული ტექსტი სჯობდეს). ამ ფორმატის დანერგვა პროფესიულ რეცენზიებსაც შეგვემატება.

* ერთი მწერალი თუ 31-ჯერ არ სჯობია მეორეს, 31-ჯერ არ უნდა ამჯობინო, ხოლო თუ 31-ჯერ ამჯობინებ, უნდა თქვა კიდევ, რომ 31-ჯერ სჯობია, და ამ სიტყვებზე პასუხისმგებლობა იკისრო.

* ლანძღვთ თქვენ იაფი ეპატაჟი და ადიდეთ ღირსეული თავმდაბლობა — პირველი ყვეს, მეორე მიდის — ოღონდ სულ სხვა შინაარსითა და კონტექსტით: პირველის ყვეს ყველას ესმის, ხოლო მეორე მიდის უჩუმრად, შეუმჩნეველად, უკვალოდ...

* რასაც წიგნებში დასცინიან, არასაკადრისი მეგონა; განსაკუთრებით — წიგნების ავტორებისთვის...

* არც ამისი საშველი ვიცი: ქართულ კლასიკურ ლიტერატურას და თანამედროვე (თითქმის თანამედროვე) ქართულ ლიტერატურის ნაწილს სკოლის ასაკში ვეცნობით. ერთი მხრივ, ეს „სწავლის მთავარი ასაკია“, ანუ ამ ასაკში უფრო ვართ სწავლისთვის განწყობილი — ბიოლოგიურადაც და სოციალურადაც; შესაბამისად, თითქოს ეს არ არის ურიტო ამბავი. მაგრამ მეორე მხრივ, თქმაც არ უნდა, რომ სკოლაში ამ ლიტერატურას სწორედ ვეცნობით, თან — ძალიან ზერელედ ან უარესი — ცუდად, არასწორად, დამახინჯებულად, და ამას სწავლასთან ბევრი არაფერი აქვს საერთო.

და ისიც ჩვეულებრივი ამბავია, რომ



გადის დრო, მაგრამ ჩვენ აღარ ვუბრუნდებით ამ ლიტერატურას მაშინ, როცა მისი გაგების მეტი შანსი გვაქვს. აღარასოდეს ვუბრუნდებით.

*
გარემოს ანტილიტერატურულობის ერთი ნიშანი:

„აკრძალულ“ თემებზე ან იმიტომ არ წერ, რომ ხალხმა აღიქოთი არ აგიტეხოს, ან იმისთვის წერ, რომ ხალხმა აღიქოთი აგიტეხოს.

*
მუზა და მუშა.
არის ასეთი პარტნიორული წყვილებიც ლიტერატურულ სივრცეში.

*
ნიშნავს თუ არა მწერლისთვის ყველაფერს გამოჩენა ერთი მკითხველისა, რომელმაც მისი ერთი სტრიქონი, ერთი ლექსი, ერთი პოემა, ერთი მოთხრობა ან ერთი რომანი იცის? რა სისულელეა! ერთის ნაცვლად სამი ან ხუთიც რომ ჩანდეს, ყველაფერს ეგეც არ ნიშნავს და ამ ერთი, სამი თუ ხუთი მკითხველისთვის სულაც არ ღირს ის დავიდარაბა, რაც ამ ყველაფრის შექმნას სჭირდება.

სასიამოვნოა — კი ბატონო (იმასაც გააჩნია, რა ხასიათზე ხარ), მაგრამ მეტი? სიამოვნებისთვის კიდევ, გადი და ერთი გემრიელი ხაჭაპური შეჭამე, კომპოტი დალიე, ლამაზ ქალს თვალი ჩაუკარი... ამ სიამოვნებისთვის იკლავ თავს?!

*
ტყუილია, თითქოს ადამიანის იუმორის გრძნობის ხარისხი მისი გონებრივი განვითარების ხარისხს მიაბნელებს. სინამდვილეში, იუმორის გრძნობა მხოლოდ ერთ-ერთი უნარი, გნებავთ — ნიჭია. ადამიანს კი, როგორც წესი, ყველა უნარი და ნიჭი ერთად არ ეძლევა. პირიქით, ერთი მიმართულებით განვითარება ხშირად სხვა მიმართულებების შეფერხებასაც კი გულისხმობს.

რა თქმა უნდა, ყოფილა და არის გამონაკლისებიც, მაგრამ ეს გამონაკლისები.

და გამონაკლისურად ცოტაა მწერალიც, რომელსაც მართლა კარგი იუმორის გრძნობა აქვს. სამაგიეროდ, ბევრია შემთხვევა, ლიტერატურულ ტექსტებში შემჩნეულ უმდარეს ღლაბუცს იუმორად რომ მოიხსენიებენ.

*
შეუძლებელი არ არის მკითხველის, აუდიტორიის, კრიტიკოსების ნამოკიდებობა მდარე ლიტერატურით, ლიტერატურული სისულელით; თანაც — დიდი ხნით, ერთი შეხედვით სამარადისოდაც კი.

აკი წინააღმდეგობრივ ზღაპრებს დაჰფუნდებია მრავალმილიონიანი რელიგიები, თავიანთი იერარქიებით, სტრუქტურა-ინფრასტრუქტურებით, მკვლევრებით, მეცნიერებით...

*
ლიტერატურაში ყველაზე მეტი სიმართლის თქმა შეიძლება.

იქნებ ამიტომაც არის, სულ უფრო ნაკლებად რომ სჭირდება ადამიანს ლიტერატურა.

*
თურმე, გაცილებით უფრო ჭკვიანად და სიმპათიურად გამოიყურება ერი, ვიდრე მასობრივად ალაპარაკდება პოეზიაზე.

*
ზოგჯერ მეჩვენება, რომ მეჩვენება, რომ „აღარ მაქვს სიტყვა თქვენი ყურისათვის“.

*
გახსენებების წერა ჩემი საქმე ვერ არის. ხოლო თუ როდისმე რამე მსგავსს მაინც ვმწერ, გზადაგზა მეცინება — „მეშინია“, თენგიზ ჩანტლაძის იმ კომიკურ გმირს არ დავემსგავსო, ვითომ სამსუნ ბარნაულს რომ იხსენებს და სინამდვილეში საკუთარ თავზე ლაპარაკობს. ამ „საფრთხეს“ კი ის მიქმნის, რომ სხვას კატეგორიულად ვერ ვაფასებ, ვერ ვკისრულობ სახელების დარქმევას, იარლიყების მინებებს. ის თუ შემო-

ძლია, საკუთარ განცდებს მივაყურადო და ბოლოს და ბოლოს, თუ რამეა, ხელიც მაგათ შევახოცო...

*
რა მჭირს ასეთი ტექსტების წერისას? რატომ ვანდობ მის თვეებს, რასაც სხვა ერთ საათში მოამთავრებდა?

თითქოს ველოდები, თავისით როდის ამოცვივდება თავიანთი სოროებიდან თუ ბუნაგებიდან განცდები, ფაქტები, ფრაზები. თითქოს არ მინდა, რომელიმე ფაქტი, განცდა და ფრაზა თავის სორობუნაგში ჩარჩეს. თითქოს მინდა, აბსოლუტურად ყველას, უდინაკარგოდ, მოვუყარო თავი, და თითოეული მათგანი იყოს ნამდვილი, თვითნაბადი... ოღონდ თან ისეთიც, როგორც მინდა, რომ იყოს.



საბოლოო ჯამში: თითქოს ეს ტექსტი აქამდეც არსებობდა, არსებობს, და მე ახლა ვიხსენებ. უფრო სწორად, საკუთარ თავს დროსა და საშუალებას ვაძლევ, თითოეული სიტყვა გაიხსენოს და თავის ადგილას ჩასვას...

*
რაც უნდა ბევრი ვწერო და ვილაპარაკო, რომ ძველი, თავმდაბლობის მონათესავე ღირებულებები, რომლებიც საზოგადოდ ადრეც დაუფასებელი იყო, მაგრამ ვიცოდით, რომ მათ გულში მაინც არც ისე ცოტა ვინმე თანაუგრძნობდა... ჰო, რაც უნდა ბევრი ვწერო და ვილაპარაკო, რომ ეს ღირებულებები დღეს, უბრალოდ, ჩამოფასებულია, აღარ არსებობს და ეს რეალობა უნდა მივიღოთ, ანუ დღევანდელი რეალობა მათ გარეშე უნდა ვიგულისხმოთ... ჰო, რამდენჯერაც უნდა გავიმეორო ეს, გულში იმდენჯერ ვენინალმდეგები საკუთარ თავს და ასე მოქცევა არასწორად მიმაჩნია, ისე, როგორც არასწორად მიმაჩნია მიღებული რეალობა.

ჰოდა, ეს უკვე შეცდომაა. ან ისევე შეცდომაა. გამოდის, რომ სულ ტყუილად ვწერ და ვლაპარაკობ იმას, რაც დასაწყისში ვთქვი.

*
ცხოვრობ და თანდათან იჯერებ, რომ სიმართლე ა(ღ)რ წერია ადამიანურ ვნებათა რიგში. მისთვის არ იბრძვიან, ის არ უყვართ, არ უნდათ. ის მხოლოდ საჯაროდ მოსატანი არგუმენტია, რომელიც ცვლის რეალურ „მინდა“-ს, „მანყობს“-ს.

ჰო, ბევრი-ბევრი, რალაც შეიფუთოს სიმართლედ. მაგალითად, ეს: — ბავშვი რომ მთხოვს, კამფეტი მიყიდეო, არ უნდა ვუყიდო?! ჰოდა, აბა, ამისთვის არ ვუტირო დედა სხვის ბავშვებს?!

როგორ გინდა უპასუხო, რომ — არა. ბავშვი, შვილი ხომ უკვე სიმართლეა. საკუთარი შვილი, რა თქმა უნდა.

*
სიმართლე კიბოა. რომელიც ოდესღაც, ადრეულ ბავშვობაში გაგიჩნდა. მას მერე ამოიყრის და ამოიყრის მეტასტაზებს. ვერ იტყვი, რომ არ ებრძვის ცხოვრების მედიცინა — ქირურგიით, ქიმიური თერაპიით, სხვა ხერხებით. მაგრამ რად გინდა — კიბო კიბოა — მოკვლით ხომ მოგკლავს და მანამდეც არ გაგახარებს.

თუმცა ამ კიბოზე გამარჯვებულებიც არსებობენ, რალა თქმა უნდა. რალა თქმა უნდა, მისგან მარად ჯანმრთელებთან ერთად.

*
მადლობა, რომ სხვა გზას არ მიტოვებთ, გარდა იმისა, ვიყო ნამდვილი ქრისტიანი — თქვენი სიხარულით გავიხარო, მხოლოდ თქვენი სიხარულით.

*
ჩემო მწერლებო და პოეტებო (სხვებს რომ თავი დაგანებოთ), ეს „მწერლები და პოეტები“ — რასაც წარამარა გაიძახით — რა უბედურებაა?! პოეტი არ წერს თუ რატომ ვერ არის მწერალი?! თუ თქვენ „პოეტებში“ სულით პოეტებს გულისხმობთ ხოლმე?



*
ვამბობ ხოლმე, კითხვა სჯობია წერას-მეთქი, მაგრამ კითხვისას ისეთ და იმდენ სისულელეს გადაეყრები, ასე გადაჭრითაც ველარ იტყვი...

*
ხან მგონია, რომ წერა-კითხვის გამავრცელებელი ახალი საზოგადოებაა საჭირო. ხან კი ვფიქრობ, კითხვისაც საკმარისია და სულ არ არის აუცილებელი, ყველამ იცოდეს წერა. მით უმეტეს, ბევრი ვერც სწავლობს და ბოლიალობს რალაცას.

*
ეჭვი მაქვს, რომ ამ სოციალურ ქსელებში უფრო წერენ... სისულელეებს კი არა, საერთოდ — უფრო წერენ, ვიდრე კითხულობენ. ზოგი მხოლოდ წერს.

*
სოციალური ქსელები გვიჩვენებს, რომ საკუთარი თავგადასავლის მოყოლის შანსს არ ვუშვებთ ხელიდან. პოეტი არა, ისა. ყველა ქართველი პროზაიკოსია!

*
დიდი ქართველი მეპოსტე და საზოგადო მოღვაწე.

თუ რა დაერქმევა იმ წერილობითი ფორმის (ყანრის) მიმდევარს, სოციალურ ქსელებში რომ გამოიყენება: მეპოსტე, მპოსტავი, მპოსტველი, პოსტმეისტერი, პოსტმეიქერი, პოსტისტი, პოსტერი, ...?

*
— რა ფოტოგენური ყოფილხარ! — ერთ-ერთი ყველაზე ცუდი კომპლიმენტია, რომელიც კი შეიძლება ადამიანს უთხრა რეალურად შეხვედრისას, ვირტუალური ნაცნობობის შემდეგ.

*
ვინც აქეთ წავიდეს — მალე დაბრუნდეს, ვინც აქეთ წავიდეს — გვიან დაბრუნდეს, ვინც აქეთ წავიდეს — აღარ დაბრუნდესო. ჭაბუკი მესამე გზას ირჩევს...

ველარ გაიგებ, ზღაპარს კითხულობ, თუ წარწერებს თბილისის აეროპორტის „გეითებზე“, განსაკუთრებით — ვიზალიზირებული ზაციის შემდეგ.

*
თბილისის მერობის კანდიდატებო, რეალურ რამეებს დაგვპირდით, მარშუტების მძღოლებს 40-გრადაუსიან სიცხეში

კონდიციონერებს ჩავართვევინებ და მგითი ზღაპრები არ გინდათ!

*
დედამინდიან ნაგვის გადაყრა. კოსმოსის დანაგვიანება. ნეტავ, ეს პრობლემა როდის დადგება.

მწვავედ და საჯაროდ, თორემ ვინ იცის, დგას კიდევ.

*
ზოგჯერ სულ ტყუილად გეჩვენება, რომ ენჯიომნიკური მოძრაობების ჯაჭვი თანდათან უპირისპირდება ყოველივე ადამიანურის გამოვლინებას. ამ დროს, აკი თვითონ ენჯიომების მიზანია ძალიან ადამიანური — იშოვონ ფული, რისგანაც კი შესაძლებელია და რისგანაც, ერთი შეხედვით, შეუძლებელიც კია.

*
ნაკრებიდან მივდივარო...

აი, ეს არის არასწორი. და არასწორად იქცევა ყველა, მსოფლიოს მასშტაბით, ვინც ასე იქცევა. რა თქმა უნდა, უფლება გაქვს, თამამს თავი მაშინ დაანებო, როცა გინდა; მაგრამ ნაკრებს სჭირდება თუ არა, ეს ნაკრების მწვრთნელმა უნდა გადაწყვიტოს. შენი ასეთი გადაწყვეტილება კი ნიშნავს, რომ შენ აღარ გჭირდება ნაკრები. სად უთმობ ახალგაზრდებს გზასა და ადგილს — ნაკრებში, რომლის ნახევარმა თუ იცის თამაში?!

მადლობა არა, ისა. მადლობას გეუბნებოდი მაშინ, როცა ნაკრებში (კარგად) თამაშობდი.

*
ძიუ-დოს სანახაობრიობას ყველაზე მეტად ის ზამთრის აბანოს შარვალ-ხალათი ვნებს, რის გახდა-ჩაცმასაც მიაქვს ნახევარი ტურნირი.

ასე რომ, თუ ძიუ-დოს როდისმე ოლიმპიური სახეობებიდან (და კიდევ სხვა რამეებიდანაც) ამოიღებენ, დიდნილად მაგ სამოსის ბრალი იქნება. ამიტომ ჯობია, მანამდე ეგ სამოსი ამოიღონ. როგორმე.

*
რა თქმა უნდა, აღმოჩნდა, რომ ისიც ყველამ ზუსტად ვიცით, რამდენი ტერორისტის დაკავებას რამდენი სპეცრაზმელი, იარაღი და დრო სჭირდება.

არა, ასეთი ნიჭიერებაც არ შეიძლება. თან, ზარმაცებიც რომ აღარ ვართ და აზრის გამოთქმა არ გვეზარება?

*
ეს არის კიდევ საინტერესო პოზიცია: ადრე ასე ვინ გალაპარაკებდაო?! ახლა ხომ გალაპარაკებენო?! ჰოდა, აბა, რალა გალაპარაკებსო?!

*
უმცირესობები, ყველა შემთხვევაში, უმრავლესობაზე ცუდ დღეში არიან. ჯერ ერთი, მათ უმრავლესობისგან თავის დაცვა, უფლებების დაცვა, თავის დამკვიდრებისთვის დამატებითი ძალისხმევის გამოვლენა და ა. შ. სჭირდებათ. მერე, გულში ისინიც ვერ იტანენ თავიანთგან განსხვავებულებს, ანუ უმრავლესობას. თან, მოგეხსენებათ, უმრავლესობა უფრო მეტია, ვიდრე უმცირესობა. ასე რომ, უმცირესობას გაცილებით მეტი ადამიანის ვერატანა უწევს, ვიდრე უმრავლესობას...

*
ეს ადრე ვიფიქრე. ახლა მაინც ჩავინერ:

მაგისტვის სულ ერთია, ვისთან დაწვებაო — სხვადასხვასთან ვინც წვევა, იმაზე ამბობენ ხოლმე. მაგრამ იქნებ სულ უკუღმა — სულ ერთთან ვინც წვევა, იმისთვის არის სულ ერთი, ვისთან დაწვება — ამიტომ აკმაყოფილებს ერთთან დაწვლა; თორემ იმას, ვინც სხვადასხვასთან წვევა, სხვადასხვა ემულამება და იმიტომ წვევა სხვადასხვასთან, თორემ სულ ერთი რომ იყოს მისთვის, ვისთან დაწვება, რალად გაირჯებოდა ზედმეტად — დაწვებოდა სულ ერთთან, დამატებითი დავიდარაბების გარეშე.



ელორიოზი ჩარჩინილი

სოსო მეშველიანი

ანუ, ახლა რაზეც ვნერ



ძველი ამბავია, მამლის წელმა გამახსენა. დურანგოში (ბასკეთში) რომ ვიყავი, როცა საბოლოოდ მოვრჩით სამუშაოებს, ბიჭები, ვინც მახლდნენ, ყველა სადღაც წავიდა — ზოგი სამშობლოში, ზოგიც სხვა ქალაქში გადავიდა საცხოვრებლად. ზუსტად არ მახსოვს, რატომ დავრჩი, ფულს ველოდი თუ რეზიდენციის გაგრძელებას. მოკლედ, დურანგოდან მოშორებით ერთ მივარდნილ, მაგრამ საოცრად მშვიდ და ლამაზ სოფელში ვიქირავე ოთახი. ეს სოფელი იყო ბისკაიას პროვინციის ავეტო-ბუსეის ბოლო გაჩერება. იქ გადავიდი, ელორიოში. პირველი, რაც თვალში მომხვდა, ის იყო, რომ იქ ერთმანეთში ესპანურად არავინ ლაპარაკობდა, ყველა ბისკაიელები ცხოვრობდნენ — კიდევ ის, რომ პატარა დაბალ კორპუსებს შორის რამდენიმე ადგილას დიდი საერთო ბოსტანი იყო. პირდაპირ ბოსტნის ბილიკიდან შეგეძლო თანამედროვე კაფე-ბარში შებიჯება. რამდენ ბარშიც შევიარე, ყველა უცნაური ცნობისმოყვარეობით მაშტერდებოდა (იმდენად ხვდებოდათ თვალში უცხო ადამიანი). ცხადია, უხერხულობის განცდა მქონდა, მაგრამ, ამავე დროს, ძალიან მემშობლიურა მათი რეაქცია — ჩემს სოფელშიც ხომ ასე ხდებოდა, თუ ვინმე უცხო (მანქანა თუ მგზავრი) ავილიდა სოფლის შარაზე, ყველა (მას) მათ აყოლებდა თვალს. ეგ არაფერი, ყველაზე მეტად ის მემშობლიურა, სოფლის დღესასწაულზე მამლების ორთაბრძოლას რომ დავესწარი, ელორიოს ცენტრში, ერთ ძველ სკვერში — აი, ის აზარტი, ის შეძახილები...

რომელიც ათი წელი ტიპური ესპანელის შთაბეჭდილებას ტოვებდა, უცებ, თვალის დახამხამებაში, ნამდვილ არაბად გადაიქცა. შემხედა, გაეცინა: „ხო, ასეა, თავზე რომ ჩაღმა შემოგვივიო, აეროპორტში არ შემოვივებენ...“ მე გუშინ, მან კი, ერთი დღით ადრე გამიცნო, ასევე, ათი წლის ნაცნობი... როცა გარეთ გადახედე: „აუ, ნახე, კრისტო, გარეთ რა ამინდია, ჩვენ კი...“ გაიხედა უზარმაზარი, ნახევრად დაორთქლილი ვიტრინიდან, იმ მხარეს დაიწყო ყურება, საითაც სან-სებასტიანის პლაჟი მოჩანს ზღვის ქარში ოდნავ მოქანავე პალმებით. მზე იყო, სითბო და თან ოდნავ ცრიდა. რაღაც ძალიან კარგი რამე თქვა. ვერ გავიგე, უბრალოდ ვიგრძენი — მომიტრიალდა:

— ეს მაჩალოა, ანტონიო მაჩალო, იყო ასეთი პოეტი, კარგი პოეტი!
— ვიცო, კაცო, ანტონიოც ვიცო და მანუელიც!
— ვაახ! შენ საიდან იცი? პოეზია გიყვარს?

— ეეე, კრისტო, კრისტო!.. — ვუთხარი და რადგან ასე გაუკვირდა, „გაკვირვებას ახლა განახებ“ — გავიფიქრე და მივყარე და მივყარე. გაშტერებული მიყურებდა. მოკლედ, იქამდე მოვიდა საქმე, სათქმელი გამიხდა, მეც რომ ვნერ, ნიგნებიც მაქვს გამოცემული, თან რაღაცები გავაბუქე აზარტში შესულმა. კაი ხანი გაშტერებულმა მიყურა, ცხადია დაეჭვებულმა:

— ნო მე ხოდას!..
— მართლა, კრისტო, მართლა (ვიცი-ნი)...

— ინტერნეტში არის რამე (ტელეფონის იმარჯვებს)?

— კი, იქნება...
— შენი გვარი გამიმეორე ნელა! დამარცვლით ვიმეორებ, თან ცოტა შორიდან დავყურებ (ხარაჩოვ ვარ). გამორჩნდა ჩემი ფოტოები, ჩემი ნიგნები-საც, ჩემი მოკლე ბიოგრაფია ინგლისურად, ვიდეოები — რა გინდა, სულო და გულო...

— ოსტია! შენ გიჟი ხარ, ჩამოეთრიე მაგ ხარაჩოდან და მოუხედე აქედან!
— რატომ, კაცო? მე ამ ყველაფერზეც ვნერ, ეს ჩემი ცხოვრებაა, ჩემი ბედისწერა, შეიძლება ოდესმე ამ შემთხვევაზეც დავწერო (ანუ, ახლა რაზეც ვნერ)...

შოთიაური

გლდანში, ღამით, სიგარეტის საყიდლად ჩავიდი. გვიანი იყო. უკან მობრუნებულმა „თონეს“ გამოვუარე, ერთი შოთი ვიყიდე, იქვე ნახევრად ბნელ, სკვერის მაგვარ ადგილას ჩამოვჯექი, მშვიდად რომ მომეწინა. ერთმა ჩემი ასაკის კაცმა ჩამიარა, თავჩაქინდრულმა, გამცდა, მობრუნდა, ისევ ჩამიარა, გაჩერდა, მომესალმა:

— ბოდიშით, რა... ეს პური ცხელია? დავიბენი.
— ხო... რავი... არა... აბა, საიდან ამ დროს ცხელი პური?..

თან ხელში შევათამაშე, უხერხულობისგან ვერც კი გაფუნოდე.

— ცოტას მოვატყუებ, რა?.. მოატყუა, ძალიან პატარა ნამცეცებს აცლიდა და ისე იყრიდა პირში, როგორც მზესუმზირის მარცვლებს.

— არ გაგიკვირდეს, რა, განა მშია, ან ასე მიჭირს, უბრალოდ... კიბოიანი დედა მყავს სახლში, ისე მანადგურებს იმისი კვნესა-გოდების მოსმენა, გიჟივით ნამოვზბები და გავრბივარ უმისამართოდ. ხან დაღვევა მინდა, ხან მინდა, ვინმეს დაველაპარაკო, სიგარეტს არ ვენევი და...

შევლონდი, ვერაფერი ვუთხარი, ან რა უნდა მეთქვა?

მერე გამომკითხა რაღაცები, მეც მოკლედ ვპასუხობდი, გულდამძიმებული. რომ ვუთხარი, რომ უცხოეთში დავდიოდი, მისი ისტორია მომიყვა, როგორ აიღო მალალპროცენტიანი სესხი, ვიღაც ქართველი შეპირებია უკრაინიდან გერმანიაში წაყვანას, ჩასულა კიევში და იმ გარენარს გადაუგდია. უკან ვერ დავბრუნდებოდი ჩემი ვალების გადასახადი, იქ ვიღაც შეპირებია უკრაინა-პოლონეთის საზღვარზე ფეხით გადაყვანას, სამი ღამე გაუთენებია უკრაინულ ზამთარში, ტყეში. გადასულა. პოლონეთში დაუჭერიათ. კაი ხანი აყურყურტეს თურმე. მერე რაღაცნაირად იქიდანაც გაულწევი... მერე კიდევ... მერე კიდევ... ბოლოს ისე დავშორდი, სახელებიც კი არ გვიკითხავს ერთმანეთისთვის.

მოკლედ, მე იმის თქმა მინდა, რომ ერთი უბრალო ადამიანის ცხოვრებაც ერთი დიდი დაუნერეელი რომანია.

საეპოპეო მითხარაბული

ჩვენს მხარეში ხომ უფრო ჯაგრცხილა ხარობს — რამდენიმე ცალს თუ წაანყდები სადმე ერთად ამოსულს, არც ისე ლამაზი ფორმის ხეა. ამიტომ ერთობ გაკვირვებული დავრჩი, მალლა, მოსასვენებელ ნიფლნარამდე არ მისული (ასე ვეუბნებოდით ტყეში ერთ ჩავარდნილ ადგილს, ტაფობს, სადაც ნიფლებს შორის პატარა მორლი იყო და მთაში მიმავლნი იქ ვისვენებდით ხოლმე), ჩვენი ქოხის გასწვრივ, სადაც ადრე საკარტოფილე ნაკვეთიც გვქონდა, უცებ წავანყდი ულამაზეს რცხილნარს — ასეთი მწყობრი, ერთი ზომის, ლამაზად ასვეტილი ამდენი რცხილა ერთდროულად არასდროს მენახა. საოცარი სანახაობა იყო. ხშირი, გარეული თხილის ბუჩქების იქით, პატარა ხრამს გადავვლები და ასე უცებ ასეთი სილამაზე იშლება თვალწინ. ისედაც მიმალული ადგილია, რაღაცნაირად მივარდნილიც. უბრალოდ მივხვდი, რომ შეცდომით ვეძებდი ამ ადგილებში ნახირს, შორი გზით შემოვლა დამეზარა. ისედაც დრო არ მქონდა, ასე პირდაპირ გადავწყვიტე, მომეჭრა გზა შიხულიანის მხარეს. ასე შემთხვევით წავანყდი. გაშტერებული ვუყურებდი და მაშინ მივხვდი, რომ ადამიანის შემდეგ არაფერი ისე არ მიყვარს, როგორც ხე — ზოგ შემთხვევაში

ადამიანზე მეტადაც. რადგან შეუძლებელია, ისეთი სიმშვიდე მომანიჭოს ზღამიანმა, როგორსაც ტყეების ყურება, ტყეში სიარული და მოქანავე ხეების მიყურება მანიჭებს. ზოგჯერ ხორცშესხმულიც კი მგონია. ალბათ ადამიანად ყოფნას რომ მოვრჩები, სადმე, მიუვალ ადგილას, ხედ ამოვალ. მეტის თქმა ახლა მეზედმეტება.

სიზმარ-ცხალი

მერამდენედ ვხედავ ამ სიზმარს — ისიც, ერთ სიზმარში. ერთი და იგივე კადრი მეორდება უსასრულოდ. ვიძაბები, ძილში კბილებს ვაკრატუნებ, ყბები მელდება. არადა, რა უბრალოა — დედის ხელებს ვხედავ ღამის მოციმციმე შუქზე, რაღაცნაირად ნათელ ხელებს, ასე გრაციოზულად და სწრაფად რომ მოძრაობენ და სულ რაღაც მილიმეტრებით სცდება საჩეჩელის მახათივით წვეტიან ლითონის კბილებს. ის კი დაბლა არც იხედება, ჩვენ გვიყურებს და რაღაც ძველებურ ამბებს გვიყვება, მე კი არ მესმის, ხელებს მივშტერებოვარ. ღამეა, სადღაც ალბათ ჭოტიც კივის, მაგრამ თოვლით ამოგმანულ ფანჯრებში ვერ აღწევს მისი ხმა.

ცისფერი

მე ასე ვიცი, სინამდვილეში ალბათ ასეც არის — პირუტყვი (ხარი, ძროხა, მოზვერი, უშობელი) შეიძლება იყოს შავი, ნითელი, თეთრი, მუქი, ჭრელი... მაგრამ დღემდე მე პირადად არ შემხვედრია ცისფერი. სწორედ ამან დამაბნია იმ დღეს.

სამდლიანი გადაბმული წვიმების შემდეგ, მთაში, როცა მინურის გარშემო ერთმანეთში აზელით ტალახს და ფუნას ისე ღრმად და მკვეთრად აჩნდა საქონლის ნაკვალევი, რომ რაღაც მარადიულობის განცდაც ტოვებდა, ხოლო ამ ქვეყნად თუ სადმე ნისლი იყო, თითქოს ყველა ამ ქედებშია ჩაზნექილ ადგილას დაუფუჭებია და ჩაუტკეპნია განცხებას, ისე, რომ ერთი მეტრის მანძილზე ვერს და თხას ვერ გაარჩევდი ერთმანეთისგან. სწორედ იმ დროს მინურის დაღრეჯილი კარი შემოალო ჩემმა მეგობარმა ბიჭმა. ფეხებზე დავხედე და რადგან ყველი ამომყავდა, შიგნით შემოსვლისგან თავის შეკავება ვურჩიე. კარს ჩამოეყრდნო და უცნაური რაღაც მითხრა:

— ბიჭო, გრიშას მოზვერი, მგონი, ცისფერია!

გაოცებულმა გადავხედე, მერე მეგობარსა და ბოლომდე გაღებულ კარს შორის დაინყე ყურება, თითქოს ის მოზვერი მის უკან ება.

— რას ბოდავ? რა ცისფერი, კაცო, ნაცრისფერია!

— აუ, შენ რა მიუხვედრელი ხარ, პიდარასტია, ბიჭო, პიდარასტია!

უცებ, გადახარხარება მინდოდა, მაგრამ თითქოს რაღაც გადამცდაო, ხველა ამივარდა, კინაღამ დავიხვრჩი.

— მართლა ასეა, — გაავრძელა სიცილით, — ძროხასავით არის, ბულები ახტებიან და არც მოგერიებას ცდილობს და არც გარბის, არადა, რა ჯანია ჩანს ეს სამგლე!

მთელი კვირა ვიციხობდი ამ ამბავზე, მთელ ხმაზე. მერე გავარკვიე და მართალს ამბობდა.

რატომღაც ახლა მომიხდა ამაზე დანერა, ამ სახალისო ამბავზე, რომელიც ჩვიდმეტი წლის წინ გამახსენდა ბარსელონაში, მეტროში, როცა ჩემ წინ მსხდომი ბიჭები გაცხარებული კოცნიდნენ ერთმანეთს, ჩემს გვერდით მდგარ ჩემს შეზარხოშებულ მეგობარს კი ძლივს ვაკავებდი — გინებით მათკენ ინევდა საცემად.

ხამთარი

სულების სტუმრობის კვირეულიც (ქუნარეში) დასრულდა. როგორც იქნა, გავაცილეთ. ჯერაც შერჩენია ჭიშკრის ბოდს სამფეხა სანთლის ნაღვენთები, რითაც დედაჩემი გაუძლვა სულებს. დამშვიდდა ქალი. ასე რაღაცნაირად დამაბული არასდროს მინახავს, ამოისუნთქა, რასაც ჰქვია. გარდა მინაგანი დაძაბულობისა, როგორც, მარტოხელა, ხანში შე-





სულმა ქალმა ყოველდღე დილა-სალამოს საგანგებოდ მორთოს და გაანყოს სუფრა — ერთი კვირის განმავლობაში სუფრა ყოველთვის ისე იწყობა, რასაც მაგიდაზე დილით დადებ, იმის დადება სალამოს არ შეიძლება — სუფრა სულ განახლებული უნდა იყოს. როგორია? დილა-სალამოს პურების დაცხობა ყოველდღე, მერე და ამდენის მჭამელიც ვინ არის, მართლა სულელები ხომ არ შეჭამენ?! მერე წინა დღის გამომცხვარ პურებს დედაჩემი თბილ შრატში ალბობს, ცოტა ფქვილს ამატებს და ძროხებთან მიაქვს. მოკლედ, პირუტყვიც დიდ პატივში გვყავს ამ დროს. უცნაური კი ის არის, რომ თუ ფიზიკურად არ ვმუშაობ, გონებაც მიდუნდება — რა ხანია, ვერც ვკითხულობ, ვერც ვწერ და ამას სულაც არ განვიცდი. ამ უმოძრაობისგან წონაშიც მოვიმატე, ამას წინდების ჩაცმის დროს მივხვდი ამ დილით. იმის თავი კი მაინც შემრჩა, აქაურ მარტოხელა, ხანშიშესულ ქალებზე ვიფიქრო — მიტოვებულ, დაცარიელებულ სახლებზე, გაუქმებულ სკოლაზე, საბავშვო ბაღის ნაშალზე ამოსულ თხილის ბუჩქებზე.

ჩემს უბანში (ეს პატარა სოფელიც დაყოფილია უბნებად და თემებად) თერთმეტი მოსახლიდან შვიდი სახლი ცარიელია, ორგან ორი ხანში შესული ქალი ცხოვრობს მარტო — დედაჩემი და ბებიაჩემი (ბაბუაჩემის ძმის ცოლი). ამაზე ფიქრს სულ მინდა გავექცე, მაგრამ ვერ ვახერხებ. ამ ზამთრის უცნაურობებმა კიდევ სულ ამირია ტვინი — ერთ დღეს თოვს, მეორე დღეს წვიმს, მესამე დღეს მზეა; ღამეები კი სულ ერთნაირია, ცივი და უნალექო. თოვლს საოცარი სიმშვიდე მოაქვს. რაღაც ხმები მაინც კვეთენ შუალამის გაყინულ სივრცეს. ვწევარ და არც ვიცი, რაზე ვიფიქრო, ასეთი უცნაური განცდა ცხოვრებაში არ დამუფლებია.

რაღაცას ვეძებდი, კიბე ავირბინე, აივანი სწრაფად გადავჭერი და უცებ გავჩერდი — დედაჩემს მოვკარი თვალი, უცნაურად გაშეშებულ-გაშტერებულს; სარეცხი გადმოედო, მკლავზე გადაეკიდა, ერთი ხელი მაღლა ჰქონდა აწეული, კიდევ ერთის მოხსნას აპირებდა და ასე გაშეშებულიყო. ირგვლივ არც არაფერი მოძრაობდა, დედაჩემს თავი მოებრუნებინა, ჩემგან გვერდულად კი იდგა, მაგრამ სახის პროფილი არ უჩანდა. ასეთ სიტუაციაში ხშირად მინახავს, მაგრამ მაინც მივაშტერდი, მივაშტერდი ასე უცნაურად გაშეშებულ-გაშტერებულ ქალს, ირგვლივაც არაფერი მოძრაობდა. აზრადაც არ მომსვლია, რამე მეკითხა. აქეთ დაიხყო, წასვლა რომ დაეპირე:

— ნახე ერთი! ეს პატარა მოედანიც აბალახდა, ამწვანდა. რას წარმოვიდგენდი, რაც აქ ამბავი იყო, ქვებსაც კი ცვეთდით, ისეთ ამბავში იყავით. დატკეპნილი მინა ბეტონით იყო, ამდენი ნარბენი, რამდენჯერ ფეხები დაგტყავებიათ. ახლა კი აბალახდა, რას წარმოვიდგენდი!.. მერე ის ხმები, როგორ მენატრება ის ხმები, ეს ამდენი ნაცნობი ხმა, როგორ ერთბაშად გაქრა... რამდენი წელია, იმ ხმების გაგონება მინდა. ამ მარტოობაში სულ სხვანაირად მინდა. ზოგი კიდევ რა ადრე გაქრა სამუდამოდ!..

მამინ იმდენად არ უმოქმედია ჩემზე დედის ამ გულის-შემძვრელ ნათქვამს, მაგრამ ოთახში რომ შევედი და კარი გავიხურე, ისე სასწაულად და ცოცხლად ვიგრძენი ყველაფერი, მთელი ღამე, იმ პატარა მოედნის გვერდით რომ ხევი, რომელიც ვეება ნიფლების გაყოლებზე სულ უფრო ღრმავდება, სწორედ იქიდან აღწევდა და ჩამესმოდა ის ხმები — თითქოს ყველა ხმა იქ იყო ჩაგუბებული.



ამირ ორი

სწორი ხელი

და რომ დამეწყო თქვენთვის აღწერა ამ რბილი შუქის მოლურჯოსი წყალში ალვის ხის ანარეკლის ათრთოლებულის როცა იხვევის იკვეთება მწკრივით გუბურა და მორკალული ხაზის იქით სანაპიროსი ჩირგვთა და უბის და მწვანე მთათა წვიმისგან ზეცის ღრუბელსავით გაბაცებულთა —

არ დამინყებდით განა თვალში მცდელი ფარნების ჩანათებას არ გაგმირავდით სტრიქონებში ერთ-ორ იხვს მაინც და არ შესთხოვდით გველეშაპს რომ ზღვიდან ხახადაღებული ამომდგარიყო რათა ეხსენით ამ ღვთიური მოწყენისაგან?

წუ გაირჯებით. აი, მზად მაქვს ნუსხა სათქვენო — სამსჭვალნი, ჯვარი, კრუნჩხვა, ტკივილი პეპლის ფარფატი წამოშლილი ტალღა ტალღაზე — თქვენი თვალები ანთებული ამ პეიზაჟში და ბოლოს ამოგმინვა მისი საკვირველი გაღვრა თქვენს ხორცში სიტკბოების ჟრუანტელი —

კიდევ წუთიც, მოითმინეთ. უკვე ვასრულებ.

გაღამითელი

ის მწველ ქვიშაზე იღვიძებს კედელს და მოედანს შორის. ბადრაგი უდგას, როგორც დაეინყებულ მოგონებას:

წუთუ ის მხოლოდ ნიშანია გზაზე, აბრა, წარწერილობა? წუთით დატოვებს გზაბოძალზე თუ სამუდამოდ?

არ მოჰკვდომია გათომილი სხეული; დახე, იგი მარტო არაა. უანარეკლო, უწრდილო არსებს

მიჰყავთ იგი შეშის ხეაზე და ნაკელზე და ცხებულ ზეთზე ყვავილთ გროვის ქვეშ დასანველად.

კაცია თუ თევზი? შერჩება სული თუ საფლავისკენ გაუყვება მზიდველთა მხრებზე?

ხელ-ფეხ-კისერი იმ ერთადერთ ბიჯში გაშეშებია, რომლის გადადგმით მხედველობის გაქრა არიდან და ჩაიკარგა საკუთარ ჩრდილში.

ლაყურებით ბოლო ამოსუნთქვას შეჰყინვია, ყვითელი ჩრდილი გაძრობილი სამონაზვნო სამოსელივით, შიგთავისისაგან დაცლილივით, უკან დაურჩა,

რათა ყოველმა გამვლელმა ქელოს იგი დაკვალულ გზაზე,

ქობახობასა და სავაჭრო დუქნებს შორის მიმავალზე.

ჩრდილი, ხატება, სამოსელი მყვარებელ თვალეში ამომწვარ ანარეკლად აღბეჭდილა,

ოთახის კედელზე სარკის სამყაროდან მომზერლად, წვიმისას შუქში გუბეთა მზონინავ ჭავლში მჩინარად.

ან ის გონს მოდის, უსხეულო ხატება, სამუდამო მესაფლავეთა მიერ ზიდული ალაფივით. სამგლოვიარო პროცესია

წინ მიინეცს ნელ სიჩუმეში, ვით სითხეში შესქელებულში; არ ჩანან ქალნი მოზარენი, მაგრამ ისმის მათი გოდება: ია-ჰოი! ია-ჰოი! ია-ჰოი!

შეკრებილები გაცრეცილან, ბნელიდან სრულად არ არიან გამოჭრილები, ასდევნებიან კუბოს მზიდველთ ჩრდილის გრძელი შლეიფის მსგავსად,

ანდა ქაფივით, კიბორჩხალს რომ ნაპირზე მოსდევს. გონზე მოსული,

ის ტერფებით ადგება მინას, რომელსაც ადრე არასოდეს არ აფასებდა და არც ამჯერად არ იხსენებს,

ხბოსავითაა, წამომდგარსავით ფეხზე პირველად.

უკან ინევენ მზიდველები უკვე; თუმცა ზერეღე მზერისათვის უჩინარია მოძრაობა, მაგრამ ნელ-ნელა კიდურებში ეზრდება რტოსებრ.

ქვიშაზე ეგდო, მოედანზე, კედელთან, მარტო, და გადის მთელი საუკუნე, სანამ დგება ბოლოს და ბოლოს;

ჩრდილი იმატებს მისი კედელზე და, ხახასავით დაღებული და უკიდურო, სწვდება მოედანს და ეტანება ყოველივეს, რაც იქითაა.

ახლა, როდესაც გაიხსენა, ის ყოყმანშია, მიეკაროს თუ არა იმას, რამაც აქ მოიყვანა, დიდებულებას, ნაფიქრივით რომ მოვარდნია.

ნელნელობით ის თავს აღწევს სიკვდილის კრუნჩხვას, ნელა თვალს აპყრობს ჩრდილს და ანარეკლს, რაც მოიტოვა უკან:

ცოლსა და ორ ქალს მათსას, ვაჟს ხუთი წლისას, ბერ დედას, ხმაში შებრუნებულ ექოსავით ჯერ ისევ რომ დგას

მდინარის პირას, სადაც ფერფლი მიმოაბნის.

მწერალი

ლუკა ბაკანიძე

ლუკა ბაკანიძის პირველი წიგნი, ლექსების კრებული, „ღმერთი ჩემი, მოხეტიალე“, 2011 წელს „კავკასიურმა სახლმა“ გამოსცა. ეს წიგნი ლიტერატურულ კონკურსზე „საბა“ ფინალამდე მივიდა, როგორც წლის საუკეთესო დებიუტი. მეორე წიგნი, „მესამე ნაპირი“ — ერთ-ერთი საუკეთესო რომანი თანამედროვე ქართულ ლიტერატურაში — „პალიტრა L“-მა 2014-ში გამოსცა და „საბას“ ფინალისტი გახდა. ლაურეატობა კი, მწერალს, ელექტრონულმა წიგნმა, მოთხრობების კრებულმა „სად ხარ, ლაზარეთი“ მოუტანა.

ლუკა ბაკანიძე რასაც უნდა წერდეს, თუნდაც — პასუხებს ინტერვიუსთვის, ყოველთვის საინტერესო მოთხრობელია. და რადგან მისთვის, როგორც ალბათ ბევრი მწერლისთვის, ტექსტის სული, მუსიკა, სუნი, ხასიათი დიდად მნიშვნელოვანია, ამ ყველაფერს კი სიტყვები ქმნიან — უცვლელად ვტოვებ იმ სიტყვებს, რომელთაც მწერალი განვებ წერს ასე, მიუხედავად იმისა, რომ ორთოგრაფიაც და მართლწერაც მშვენივრად იცის — „კიბატონო, სხვათაშორის, რათქმუნდა, აესეთი, ერთერთი“ და კიდევ სხვა მწერლური ამბები — ინტერვიუში ლუკა ბაკანიძესთან:

— ბავშვობიდან წერ. ლექსებით დაიწყე, როგორც ვიცი. ერთ ინტერვიუში შენი მწერლობის მერკანტილურ საწყისებზეც ხუმრობდი — მამა თითო ლექსში გარკვეულ თანხას მაძლევდაო. ზოგადად, ძალიან მნიშვნელოვანია, მწერალს ტექსტებმა შემოსავალი მოუტანოს, ამ შემოსავლით იცხოვროს, თუმცა ჩვენთან ეს ძალიან რთული საკითხია. მაინც წერენ, ბევრს მუშაობენ, გამოსცემენ. რა ანერჯის ადამიანს, რა მოშურნეობა ასეთი?

— მერკანტილური საწყისით წერას ამჟამად შევეშვი. ახლა იმიტომ ვწერ, რომ უბრალოდ, გადავრჩე... მაგრამ, გამოქვეყნებას რაც შეეხება, სწორედ რომ მერკანტილური მიზანია მთავარი ამძრავი. შესაძლოა, იმიტომ აქვს ამ პროცესს გამოცლილი ყოველგვარი იდეოლოგიური თუ მორალური საფუძველი, რომ ჩემი ძირითადი შემოსავლის წყარო წერა ვახლავთ, სამწუხაროდ. და „სამწუხაროდ“ იმიტომ, რომ ზოგადად, წერა, მწერლობა, როგორც ასეთი, მიმანია წყველად და სულაც არ მემამყვება, ზოგიერთებისგან განსხვავებით, ეს პროფესია, უფრო კი ბედისწერა, რამეთუ, ადრეც მითქვამს და გავიმეორებ: ძალიან მურტალი შეგრძნებაა, როდესაც გრძნობ, რომ ინსტრუმენტი ხარ ვიღაცის ხელში და შენი ნებელობა შენ არ გექვემდებარება. სწორედ ასეთი დამოკიდებულება ჩამომიყალიბდა ჩემს საქმიანობასთან. თუმცა, ვინაიდან საბედნიეროდ იმის უნარიც გამომიმუშავდა, რომ საკუთარ თავს და ტექსტებს გვერდიდან შევხედო და, ასე თუ ისე, ობიექტურად შევაფასო — უბრალოდ, მკაცრად და აფიტირების გარეშე, იმასაც ვხვდები, რომ სწორედ ასეთი დამოკიდებულება მაშორებს ყოველგვარ ლიტერატურულ კეკლუცობას თუ თვითტკობას, და მეხმარება ხარისხიანი ნაწარმოებების შექმნაში. სხვა დანარჩენი, გვულისხმობ სტილისტურ თუ კომპოზიციურ სრულყოფას და განვითარებას, ეს უკვე მომავლის — დროის და გამოცდილების ამბავია.

— რაკი მწერლობის მატერიალური მხარე მნიშვნელოვანი და მტკიცე საკითხია ჩვენში, ლიტერატურულ კონკურსებზეც გკითხავ. ეს არის, ვფიქრობ, არაჩვეულებრივი საშუალება, წაახალისო ავტორები, დაეხმარო მათ. და ისედაც, ალბათ ყველას უხარია და აბედნიერებს გამარჯვება. შენ, როგორც არაერთგზის გამარჯვებულს, როგორც „საბას“ ლაურეატს, რა დამოკიდებულება გაქვს კონკურსებთან?

— დრო იყო, როცა კონკურსებს ჰქონდა ლამის სასიცოცხლო დატვირთვა, იმდენად მნიშვნელოვანი იყო ჩემთვის ლიტერატურულ სივრცეში დაფიქსირება. ნამიგა კიდევ ბევრჯერ და ნაგება განსაკუთრებით დამთრგუნველი იყო იმ ფონზე, როცა თავი ჰქმინგუე თუ ვიღაც ეგეთი მეგონა — იცის მწერლობა ყმანვილობაში აესეთი დაფნის გვირგვინის ჰალუცინაციები. მახსოვს, რა მძიმედ გადავიტანე 2011 წელს „საბას“ ნაგება — ამ გადმოსახედიდან, ობიექტური ნაგება, როდესაც წყალწყალა პოეზიის მთავარი კონკურენტი გახლდათ ამჟამად ჩემი ერთერთი საყვარელი მწერალი თამთა მელაშვილი, თავისი „გათვლით“, რომელიც ახლა ბოლო ოცნლელის ერთერთ საუკეთესო რომანად მიმანია რევიონალური მასშტაბით. მაშინ კიდევ, კარგად მახსოვს, როგორ დასანახავად ვერ ვიტანდი ამ გოგოს. მოკლედ, პირველმა ნაგებამ ისე იმოქმედა, რომ მას შემდეგ აღარც გამიხედა პოეზიისკენ. მერე იყო „მესამე ნაპირი“, როდესაც უკვე საკმაო მებადა

გამოცდილება და სარდონიკული შტრიხებიც ხასიათში, ასე რომ, „საბაზე“ ნაგებას მისხალი არ მოუკლია ჩემი თვითშეფასების სკალისთვის. უბრალოდ, გული ჩამწყდა, რადგან იმ პერიოდში ძალიან მჭირდებოდა 4000 ლარი და „მესამე ნაპირს“ კიდევ, ობიექტურად და აბსოლუ-



ტური ასპროცენტიანი სიმტკიცით და უყრყმანოდ — ეკუთვნოდა პრემია, თუმცა ნავაგე. სამაგიეროდ, ამასობაში იმასაც კარგად მივხვდი, რომ ნაგება უფრო მრგებს, ვიდრე მოგება, და სულ არ მომსვლია გული ჟიურის წევრებზე, პირიქით, ახლაც ძალიან ვაფასებ და მიყვარს ისინი. მოკლედ, მესამე „საბას“ და ჩემს გამარჯვებას „სად ხარ, ლაზარეთი“ უკვე ისეთი განწყობით დავხვდი, რომ სიცილს ძლივს ვიკავებდი ამ ტაშზე და აურზაურზე — აესე, ფილოსოფიურად. თუმცა ჟიურის წევრების უღრმესი მადლობელი ვარ, რათქმუნდა, რამეთუ, როგორც ყოველთვის, სასიცოცხლოდ მჭირდებოდა საპრიზო თანხა.

— პოეზიით დაიწყე. პოეტური კრებულები — „ღმერთი ჩემი, მოხეტიალე“ — 2011 წელს გამოსცა „კავკასიურმა სახლმა“. დიდხანს წერდი ლექსებს?

— სიმართლე გითხრა, ვერც წარმოვიდგენდი, თუ ოდესმე პოეზიიდან პროზაში გადმოვიწაცვლებდი, იმდენად კომფორტულად ვგრძნობდი თავს პოეტის ამპლუაში და კაიხანსაც მივყოფდი ხელს ლექსების წერას, ბოლოს რომ არ მივმხვდარიყვი, რომ სწორედ კომფორტის სანინააღმდეგო პოლუსს ენოდება პოეზია. ამავდროულად, იმასაც ვგრძნობდი, რომ სულიერად კარგად ვექვემდებარებოდი განვითარებას ამ სფეროში, ვუახლოვდებოდი რაღაც ნაღდს და დიდს და შევშინდი. დავფრთხი, როცა მივხვდი, რომ თუ გინდა ნაღდი ლექსები წერო, უნდა იცხოვრო კიდევ როგორც პოეტმა, რომ უნდა მიაღწიო და შეინარჩუნო გარკვეული სულიერი რანგი და დამოკიდებულება სამყაროსადმი და ადამიანებისადმი ჰოდა, ამ ყველაფერმა, ამ მსხვერპლის მოთხოვნამ და გაღებამ დამაფრთხო. პროზაში შედარებით იოლადაა საქმე, მასალების მოძიება და ფორმაცია იმდენ სულიერ ძალას და მსხვერპლს არ მოითხოვს, რამდენსაც პოეზია. თუმცა, მე ყოველთვის და ყველგან შევეცდები, ავარიდო ჩემთვის ძვირფასი ადამიანები მწერლობას და პოეტობას, რადგან წყველა-მეთქი ორივე, რომლის არიდებაც შესაძლებელია, სანამ ამის მიხვედრის კონდიციამდე მივა კაცი. მერმე კი უკვე პიზუდე: ვეღარ აღწევ თავს. უკვე მარტო შენ აღარ გეკუთვნის შენი თავი და ნებელობა, და ვისაც ეკუთვნის, იქ, ზემოთ, კეთილთა ერთად, ჩათლახი

ვინმეა, და ჯილდო უფრო ენანება შენთვის, ვიდრე სასჯელი. ასე რომ, ლიტერატურისკენ მიდრეკილ თინეიჯერებს იმავს მოვახსენებ დაფინებით, რასაც საკუთარ თავს ვამუნათებ: ჯობია, პროფესიონალი მკითხველი იყო, ვიდრე პროფესიონალი მწერალი.

— ნუთუ იმდენად იოლადაა პროზაში საქმე, როგორც ამბობ, რომ „ეს ქვეყანა სამოთხეა პროზაიკოსებისთვის“?

— ჩვენს დროებს, ვითარებას, გარემოს თუ ასე მშრალად, პროფესიული კუთხით მივუდგებით — სწორედ რომ სამოთხეა. ყოველდღე ვხვდები და ვისმენ ისეთებს, ყოველდღე ვაწყდები ისეთ მოვლენებს თუ ხალხს, საიდანაც კარგი პროზაიკოსი მთელი ცხოვრების სამყოფ ზღვა მასალას გამოწურავდა. მაგრამ, რატომღაც, დაკვირვებული ვარ, რომ მიუხედავად ამისა, ქართული მწერლობა მაინც წარსულისკენაა მიდრეკილი. თითქმის არ შემხვედრია დროის და ვითარების ადეკვატური ტექსტი, გნებავთ სტილისტურად და გნებავთ კომპოზიციურად, და ამაში

ველმა, და მგონი, კომპეტენტურმა ლიტერატორმა. ძალიან კარგად ვხვდები ამ გადმოსახედიდან უამრავ მინუსს, მაგრამ იმასაც ნათლად ვხედავ, რომ ერთერთი საუკეთესო კომპოზიციის შექმნა მოვახერხებ ბოლო წლების რევიონალურ პროზაში, და მის ერთერთ მთავარ ღირსებად სწორედ ინტერნაციონალურობა მიმანია, თემატურადაც და სტილისტურადაც. აქედან გამომდინარე, მშვენივრად ვხედავ „მესამე ნაპირს“ მსოფლიოს ნებისმიერი ქვეყნის მკითხველის ხელში. მთავარია, მთარგმნელი სწორად გაუმკლავდეს მის სტილისტურ სპეციფიკას და მორჩა. „მესამე ნაპირის“ გერმანულენოვანი თარგმანის შემთხვევაში, რომლის პრეზენტაციაც ახლა, მარტში, მაქვს, ძალიან გამიმაართლა, რადგან უკვე მოაღწია ჩემამდე სერიოზული მასშტაბის გერმანული ლიტერატორების ქება, და დიდი მადლობელი ვარ ჩემი მთარგმნელის და მეგობრის, კატია ვოლტერის. თუმცა, მაინც მგონია, რომ მთავარი სივრცე ამ რომანს მაინც ინგლისურენოვანი თარგმანით გაეხსნება, და მოუთმენლად ველი შემოთავაზებებს.

— მგონია, შენი პროზის განსაკუთრებულობა არის ენაში (არ ვიცი, როგორ შეიძლება მოახერხოს მწერალმა, სკაბრეზულ, თითქოს ძალიან ვულგარულ მეტყველებას შეუნარჩუნოს ბუნებრიობა და იმავე დროს, აქციოს მხატვრულ, ლირებულ ტექსტად). ასევე ძალიან მნიშვნელოვანი მგონია მისი თემატიკა, ამბები, რომელსაც ყველა და დიდი ნაწარმოების, დიდი რომანის კომპოზიციის, შეკვრის უნარი.



— ბევრს შევეუქვიარ ამ რომანის დინამიკაზე და მოსახერხებელ და თავისუფალ მედინობაზე, და ძალიანაც მომწონს კომპლიმენტები, რომ არ მოვიტყუო, მაგრამ ალბათ პროფესიონალი ლიტერატორი თუ მიმიხვდება, რა ძალისხმევა დავხარჯე, რა ბენვის ხიდეზე ვიარე, რომ ამ ნაწარმოების მთელი ჭუჭყი, ვულგარულობით და სკაბრეზით დანწყობილი, ბარბარიზმებით თუ ნეოლოგიზმებით დამთავრებული, მხატვრულად ღირებულ ფრაზეოლოგიად ამეწყო და შემდგომი, გამოქვეყნებისწინა დაგეგმვებისას ცუდ გემოდ არ დამრჩენოდა პირში — პირველ რიგში, მე, ავტორს, და მერმე მკითხველს, რადგან მკითხველზე მეტად საკუთარი აზრი მაინტერესებს, რომ არ დავმლო, რამეთუ მწერალი ჯერ საკუთარი თავისთვის უნდა წერდეს. რამდენდაც მეტადაა გათვალისწინებული ტექსტში მკითხველი, იმდენად ნაკლები ხარისხის გამოდის ნაწარმოები. მიზანთროპი და მორალისტი მწერალი წყალსაც წაუღია ათასი წელი.

— ვილაპარაკოთ პერსონაჟებზე, სახეებზე, არა მარტო რომანის გმირებზე, არამედ ზოგადად, შენს მოთხრობაში რომ გვხვდება, იმ ხალხზე. რა ტიპაჟებისგან საზრდობენ ისინი, ვინ არიან, როგორ შეიქმნენ?

— არ მწამს ბუხრის პირას მოგონილი ამბების, თუმცა არც ამ ტიპის მწერლებს ვერჩი, რადგან ვიცი მხოლოდ წარმოსახვის მეოხებით შექმნილი ნაწარმოებები და გარკვეულწილად, მომწონს და პატივს ცემ ზოგი ასეთი მწერლის შრომას. მაგრამ, მე პირადად, დიდად და ჭეშმარიტად ის ლიტერატურა მიმანია, სადაც,

„სწორედ ასე მსურს წერა“

ვხვდა არა უნიჭობას, არამედ უფრო უძალობას, რაღაც გაურკვეველ ქვეცნობიერ შიშს რეალობის და დროის მოცემული მედინობის მიმართ, ზოგადეროვნულ შიშს, როგორც თვისებას... სწორედ ამიტომ ვთვლი და ვიმეორებ ყველა ინტერვიუში, რომ „თანამედროვე ქართული ლიტერატურა“, როგორც ასეთი, როგორც მოვლენა, ჯერ მხოლოდ ტერმინის სახით თუ არსებობს და მიუხედავად შიგადაშიგ საზღვარგარეთ გაჭრისა, მაინც ლოკალურ და პროვინციულ ხასიათს ატარებს. ეს, რათქმუნდა, მთლიანობაში, ზოგადად ვთქვი. მეგულება ერთ-ორი უფრო დიდი მასშტაბის თანამედროვე ქართველი მწერალი, მაგრამ ეს მთლიან სურათს არ აუმჯობესებს ჯერჯერობით.



ტექნიკურ და სტილისტურ სრულყოფილებაზე მეტად, ვგონებ სულს, ნაწარმის სულს, მის მუსიკას, სისხლს, სუნს, მთლიან ორგანიზმს. ასეთი სავსე და მთლიანი კომპოზიციით ვცნობ მწერალს, რომელმაც ზედმიწევნით იცის, რასაც წერს, და სწორედ ასეთ ლიტერატურას ვაფასებ, სწორედ ასე მსურს წერა მეც, მიუხედავად იმისა, რომ დიდ ლიტერატურამდე ჯერ ბევრი მიკლია და ჯერ მხოლოდ მწერლად შედგომის პროცესში ვარ, მაინც ვცდილობ, ასე თუ ისე, ნატურალისტი ვიყო, რაშიც, საბედნიეროდ, დიდი ცხოვრებისეული გამოცდილება და ზღვა მასალა მინდობს ხელს, მიუხედავად ჩემი არცთუ ისე ხანმოკლე სწავლისა.

— შენს ფეისბუქგვერდზე წავიკითხე ძალიან საინტერესო რეპლიკა, რომელსაც „ალკოჰოლური სიბრძნე“ დაარქვი — სათაურებს და პერსონაჟის სახელებს თავიანთი მაგია აქვთ ლიტერატურაში.

— კიბატონო. სხვათაშორის, ცხოვრებაშიც ასეა. იმიტომ მიმჩნია დიდ შეცდომად, წინაპრების სახელებს რომ არქმევდნენ შვილებს. ვილაცი ცხოვრებას და ბედისწერას რომ აკვიდებენ ხოლმე ახლადბადებულ ბავშვს, და ამით უკვე წინასწარ საზღვრავენ, მიმართულებას აძლევენ თითქოს მის ცხოვრებას. ვიცი, ასეთი მსოფლმხედველობით 21-ე საუკუნეში ბევრს სულელი ვეგონები, მაგრამ ასეა — მჯერა მე ბედისწერის და იმის, რომ ჩვენს გარშემო უამრავი ნიშანია. ალბათ ჩემი ასეთი ხედვა იმანაც განაპირობა, რომ ბევრი წელი გამიტარებია ტყეში, ბუნებაში, სადაც არ არსებობს ბარიერი ადამიანს და სამყაროს შორის, და ყველაფერი უფრო თვალსაჩინოდ და ნამდვილად ჩანს და აღიქმება, ვიდრე ამ გაყრუებულ და დახშულ ურბანულ გარემოში. თუმცა იმასაც ვაღიარებ, რომ ვერც ამ თავის მოტყუების გარეშე ვძლებ დიდხანს, რასაც ქალაქი და საზოგადოება წარმოადგენს, თავისი არსით. მოკლედ, ლიტერატურაშიც რაღაც მსგავსი ხდება სახელწოდებებთან დაკავშირებით. უფრო კონკრეტულად ვერ ავხსნი, რამეთუ ამ საკითხში მეც მხოლოდ და მხოლოდ ალღოს ანაბარა გახლავართ.

— კიდევ ერთი სიბრძნე ასეთი იყო: „სტილილურს არც ტექსტს ვენდობი და არც მწერალს“. როგორია სტილილური ტექსტები?

— აქაც იმავე პრობლემასთან გვაქვს საქმე, რაც წელან ვახსენე. იყო ქართულ მწერლობაში ხანა, როდესაც ენის ეტიკურ ქსოვილს იმდენ ყურადღებას აქცევდნენ, რომ ხშირად, საკუთარივე სიტყვის ოსტატობით ტკბობისას, სათქმელი, ამბავი, მთლიანი კომპოზიცია რჩებოდა განზე. მაშინ დროება იძლეოდა საშუალებას, რომ მკითხველიც მწერალთან ერთად დამტკბარიყო, მართლაც რომ უნაკლოდ აგებულ ნინადადებებით და ფრაზებით. ბევრ შემთხვევაში, სახეზე გვექონდა მართლაც შესანიშნავი ნიჭი თხრობისა, მაგრამ, უმეტესად, მდარე და მოსაწყენი, ბანალური ამბავი, ნყალწყალა კომპოზიცია. კონკრეტულად მწერლებს არ დავასახელებ. შორს წაგვიყვანსდა ბევრსაც გულს ვატყენ ალბათ, რადგან ქართველებისთვის ძვირფას და საამაყო მწერლებსაც მოვიზარებ. სწორედ ასეთ ლიტერატურაზეა გაჩვეული თანამედროვე მკითხველიც და ლიტერატორიც, იმდენად, რომ თანამედროვე კრიტიკოსი ხშირად, ისევე და ისევე, წარსულის ტექსტებზე ახდენს კონცენტრირებას და თანამედროვე ტექსტზე დუმს, რამეთუ უბრალოდ არ იცის, რა თქვას. არ იცნობს და ჯიუტად გაურბის, არც უნდა გაიგოს ის მოცემულობა, რასაც თანამედროვე ტექსტი ჰქვია და ის სპეციფიკა, რასაც ეს უკანასკნელი მოითხოვს, რომ არ ჩანდეს ანაქრონიზმად და ბუნებრივად ლავირებდეს თანამედვე სამყაროსთან, ეპოქასთან. ეპოქა კიდევ, სამწუხაროდ, მთელი კაცობრიობის ისტორიაში, ყველაზე ჭუჭყიანი სწორედ ახლაა, და სწორედ რომ ჭეშმარიტად დიდი ნიჭია საჭირო, რომ დროების მოთხოვნებსაც უპასუხო და ამავდროულად, ენის, სიტყვის, წინადადების მოქნილობაც არ დაკარგო. ეს მოთხოვნები დგას ახლა მწერლის წინაშე და ესე ყოველი, სამწუხაროდ, ხშირად გამოირიცხავს ეტიკურ თუ ცენზურულ ნორმებს. სწორედ ამ ჭუჭყის და ნაგვის მაღალმატრული ღირებულების მქონე ტექსტად ქცევაა თანამედროვე მწერლის უძნელესი ფუნქცია,

ჩემი აზრით, რაც, კიდევ ვიმეორებ, უმეტეს შემთხვევაში, გამორიცხავს სტილილურობას, მწერლისაც და ტექსტისაც, რადგან მწერალმა თუ არ იცის, რა არის ჭუჭყი, ის მასზე ვერ დაწერს უბრალოდ და მშვიდად. სწორედ „ბინძური“ თემებისადმი ისტერიული დამოკიდებულებით, ისტერიული დეტალიზაციით — წერის მანერით თუ ლექსიკით იცნობა ტექსტში არაკომპეტენტური მწერალი. ანუ, რაც არ იცი, ჯობს, შეეშვა, მოკლედ რომ ვთქვა.

— ელექტრონული წიგნი „სად ხარ, ლაზარე“, რომელმაც მორიგი წარმატება მოგიტანა, მოთხრობების კრებულია. მოთხრობების წერა და რომანზე მუშაობა რამდენად განსხვავებული საქმეა და რატომ გადახვედი რომანის შემდეგ მოთხრობებზე?

— მარტივი პასუხი მაქვს: რომანიდან რომანამდე ალბათ, ძალიან გამიჭირდება მატერიალურად, თუმცა არც რომანებში მიხდებიან მილიონებს, ამიტომ ვწერ დროდადრო მოკლე პროზას, ხშირ-ხშირი ჰონორარის ეშხით. ბევრ ჩემს მოთხრობაზე მაინცდამაინც დიდი ძალისხმევა არ დამჭირებია, რადგან ძველ ლექსებს გადავხედე, რომელთა ერთერთი მახასიათებელი სწორედ მეტიმეტრი პროზაულობა გახლდათ და მშვენივრადაც ვისარგებლე ამით — გადავაკეთე პროზად, და კარგიც ვქენი — უფრო მოუხდა. ამას გარდა, ზოგიერთმა რამდენიმე ლიტერატურული კონკურსიც მოიგო და შემეხიდა ძალიან. „საბას“ კონკურსზე განაცხადების მიღების დამთავრებამდე სულ რაღაც ორიოდე საათით ადრე გამიელვა თავში, რომ შეიძლებოდა ეს ყველაფერი ელ-წიგნად შემეკრა და ასეც მოვიქცევი: შევკარი და დავაფიქსირე მოთხრობების კრებული და წამებში მოვასწარი კონკურსზე შეტანა. საბედნიეროდ, გამიმართლა და მოვიგე „საბა“. თან, ერთგვარი ვარჯიში და მოთელვაც არის ჩემთვის მოკლე პროზა, რომანამდე რომ არ მოვდუნდე, სტილისტიკაც დავხვეწო გზადაგზა. ახალ რომანს კიდევ შევუდგები ალბათ მალე.

— წავიკითხე, რილკეს „სონეტები ორფეუსისადმი“ ერთ-ერთ სონეტზე წერდი — ამ ლექსმა ბევრი თავზეხელაღებული და მშვენიერი ამბავი ჩამადენინაო. ასეთი მკითხველი ხარ? ასე მოქმედებს სიტყვები? კიდევ რა ნაწარმიგებები, ან რომელი ავტორები გიყვარს შემოქმედების ამ დიდი უნარის გამო?

— აბსოლუტურად ყველა ხარისხის ტექსტს, რასაც ქვია, ვჭამ, რაც ხელში ჩამიგარდება. რადგან, ზოგადად, კითხვის პროცესია ჩემი სულიერი მოთხოვნილება. დროდადრო ჩამიგარდება ხოლმე ხელში კარგი წიგნიც და განვიცდი ლიტერატურულ ორგაზმებს. უამრავი კარგი ავტორი მეგულება, ვერ ჩამოვთვლი. ძალიან მიყვარს იაპონური, სკანდინავიური პროზა. ამერიკულმა პროზამაც დიდი როლი ითამაშა ჩემს მწერლად ჩამოყალიბებაში — სტილისტიკა განაპირობა გარკვეულწილად. ქართველებშიც მყავს საყვარელი ავტორები, კარგი ავტორები და მოუთმენლად ველი მათ კიდევ უფრო წინსვლას და განვითარებას, რადგან კარგ მწერლებზე მეტად კარგად განვითარებად მწერლებს ვცემ პატივს, ასეთები კი ქართველებს გვყავს ერთი ხელის თითებზე ჩამოსათვლელი. უმეტესი კარგი მწერალი, ვინც ვიცი, როგორც წესი, ერთ გარკვეულ კონდიციას და კონსერვირებას სჯერდება, და ასეთებს, რაც უნდა ძლიერი ტექსტებით იყვნენ წარმოდგენილი, არ ვთვლი მწერლებად. ბევრ ჩვენთვის საყვარელ ავტორს ეხება ეს. უმეტესად, ახალგაზრდა ავტორების იმედი მაქვს და ვეძებ და შეძლებისდაგვარად, ვეხმარები, თუ დაგჭირდი რამეში.

— ლუკრეციო ბაქანიძეზე, „დიდ ქვეითზე“, კოცონების მოყვარულ მოლაშქრეზე, მეთევზეზე მომიყვები. მის ცხოვრებაზე, ტექსტების გარეთ.

— რა გითხრა, აბა. ისევე ისე დავბოდი-ალე ვეღვან მთვრალი, სადაც გამეხედება და ვცდილობ, რომ შინაგანი სილაღე არ დაკარგო და მოვუფრთხილდე, როგორც ჩემს მთავარ განძს. ჯერ-ჯერობით გამომდის, მიუხედავად უამრავი, ერთი შეხედვით, გადაულახავი წინააღობების და პრობლემებისა. ადამიანად ყოფნას ვცდილობ, მოკლედ.

ესაუბრა თამარ ჟურული



ზაზა ბიბილაშვილი

პოეზია, დანარჩენი ლიტერატურა, და დანარჩენი 2017

* სქესი ხომ სიცოცხლის გაგრძელებას ემსახურება. ამიტომ ვიზიდავთ ერთმანეთს ქალები და კაცები. მაგრამ თუ ეს ასეა (და ალბათ ეს ასეა), რატომ არის დახვეწილი სხეული იშვიათი, რატომ არის კარგი ცოტა, ანუ რატომ არის ცოტა ისეთი, როგორც მოგვწონს, გვიყვარს, ყველაზე მეტად გვიზიდავს და ალგავა ვნებს?

* ისე ძალიან მიყვარხარ, რომ ზოგჯერ მგონია, მართლა მიყვარხარ.

* „მეც მიყვარხარ“. სამწუხაროდ, შესაძლებელია, შენ მიერ წარმოთქმული ეს ფრაზა იმას კი არ გულისხმობდეს, რომ მასაც უყვარხარ, არამედ იმას, რომ, შენს გარდა, სხვასაც უყვარს.

* უძილობამ ან ცუდმა ძილმა იცის: თითქოს თავში რაღაც არსებები ფუთფუთებენ, თითქოს უხმო ბეგრებით გამოთქმული შორისდებულები, დაუმთავრებელი სიტყვები და წყვეტილი ფრაზებიც ენაცვლება ერთმანეთს, თითქოს უსასრულო აყალმაყალის სცენაა, რომელსაც ხმა იმ ზღვრამდე ჩაუნიეს, რომ ზუსტად ვეღარც ხვდები, მისი ხმოვანი ფრაგმენტები გესმის თუ გეჩვენება (სისხლძარღვებისა და გადაღლილი ნერიონების ბუჩული კიდევ სხვა რამეა, ალბათ)...

* მგონი, იმ სიზმრებზე ვლაპარაკობ, რომლებიც ვერ განხორციელდნენ, ვერ გაიმალნენ, ვერ განვითარდნენ და ახლა თავში გამომწყვდეულები ფუთფუთებენ, ჯუჯღუნებენ, ხმიანობენ და ვერც ხმიანობენ...

* კარგია, რომ ადამიანი სხვას იმაზე მეტს სთხოვს, ვიდრე — საკუთარ თავს, სხვას მაინც არ პატიობს იმას, რასაც საკუთარ თავს აპატიებდა.

* სხვანაირად ხომ თითქმის ყველა ცოცხალი და დანაშაული საყოველთაოდ ნებადართული იქნებოდა.

* ვინც მეტყვის, რომ მთანმინდაზე დაუმსახურებელი დაკრძალვის გაქილიკება არ შეიძლება, მე ვუპასუხებ, რომ მისთვის წმინდა არაფერი არსებობს.

* უამრავ რამეს სწავლობ ამ კრეატიულ სამსახურებში; ყველაზე ბოლოს იმასაც კი, რომ დაუფიქრებლად გააკეთო ზუსტად ისე, როგორც უფროსს უნდა.

* ასეთების დახასიათებისას არ ღირს, მოცდე ისეთი ტერმინების გახსენება-მერჩევაზე, როგორებიცაა ცალმხრივი მეგობრობა, ცალმხრივი სიყვარული, ცალმხრივი შეფასება, ცალმხრივი კრიტიკა და ა. შ. უბრალოდ, თქვი: ცალმხრივი ადამიანი.

* ნონკონფორმიზმი — წინდახედული კონფორმიზმი.

* არ ვცდილობთ, მართლები ვიყოთ. მართლები ხომ ისედაც ვართ.

* არაფერზე მაღლა დადგომა არ გინდათ. ისე გინდათ, მაღლიდან გვიყუროთ.

* ჭკუის დარიგება: ნურავის დაარიგებ ჭკუას.

* ზოგი თავლის ბუზია, ზოგი — განავლის, ზოგიც — სულ სხვა — ჭრილობის.

* კომიკური მდგომარეობაა: ყოვლის-შემძლეა და ყოვლის განმგებელი, მის გარეშე თმის ლერიც არავის ჩამოუვარდება თავიდან... მხოლოდ ერთი რამეა ბუნდოვანი: არსებობს თუ არა.

* ასეთი სიტუაციაა: არსებობსთვის საკმარისია, აზროვნებდე; მაგრამ საკმარისი არ არის, ღმერთი იყო.

* რწმენასაც ექნება თავისი პლუსები. მაგრამ მაინც მგონია, რომ არასდროს უნდა თქვა უარი აზროვნებაზე, თუ რა თქმა უნდა, საშუალება გაქვს, თანხმობა თქვა.

* მე მგონი, სრულფასოვნების კომპლექსი უფრო არსებობს, ვიდრე არასრულფასოვნებისა. არასრულფასოვნების განცდას რა დიდი კომპლექსები სჭირდება. განავინ არის სრულფასოვანი. ან თუნდაც, რა არის სრულფასოვნება.

* აბსოლუტური მართობა იმდენად ძნელი არ არის, რამდენადაც — შეუძლებელი.

* გამოქვაბულში შეყუყუა კარგია, მაგრამ ჯერ იქიდან შიმშილი, სიცივე, პატივმოყვარეობა და კიდევ ათასი დოზანა უნდა გამოდევნო.

* უთქმელი იყო. არაფერს ამბობდაო. ვინ უსმენს ხოლმე, თორემ იქნებ ამბობენ კიდევ.

* ახალგაზრდობაში ლამის შესაძლებელია, ბედნიერი იყო. სიბერეში ლამის შეუძლებელია, უბედური იყო.

* ადამიანის ცხოვრებას ისე არაფერი ცვლის, როგორც სიკვდილი.

* ჯობია, ყველაფერს იუმორით შეხედო; მათ შორის, იუმორსაც.

* აქ რომ მედგა მარგალიტის გორები, ხომ არ იცით, ვინ შეტყამდა?



ამირ ორი

და კიდევ ერთი აიჭრება მაღლა სტრიქონი, ხატს რომ შევხვას, მაგრამ არც იქ არა ხარ შენ ჯერ.

ჩვენ ერთმანეთს არ ვიცნობთ. ჩვენ ჯერ

ბედნიერების ფასი ვიცით. რაა ბედნიერება! ჩუმი სამსხვერპლო ცეცხლი, დამწველი ჩვენი სახეების, და სიცხოველე,

ალმესები ჩვენი შიგნეულის. ჯერჯერობით შენ მხოლოდ „გარეთ სიბნელე ყინავს“ გახსოვს. მერე კი

ცხება. კვამლია, რალაც იწვის, და დავივსებით, თუ არ შევწყვეტთ. ნაცვლად ამისა ჩვენ შორიდან ოფლი გადაგვდის,

მაგრამ არა მღელვარებისგან. ვიქნევთ გაზეთს, წერილს, ჰაერის მსუბუქ დაქროლას ვქმნით და სარკმელს ვაღებთ

ლამის სიცივის შესასუნთქავად. გვიანია. შინ დაბრუნდეს უნდა ერთ-ერთი, და უკნიდან კვლავ მოისმის „მოდი!“, „ნუ მოხვალ!“,

და ვხვდებით: მოდი, როცა არ მოხვალ. ხვალ ტკივილი დაინახება სილაში, სადაც დამბრუნებლის ნატერფალია.

ვხვამ ვოველივე ამის ნაცვლად კარს და ვხსნი კედელს და ვწერ ჩემს კარზე: არ მოხვიდე ხოლმე აქედან, მუდამ იქიდან მოდი ხოლმე.

მონის ჩვენება

რვა წლის ბიჭის (რომელიც არ ჩანს) ორმოცდაათოდე წლის მამა, სიტყვებისაგან ლექსების შემდგენი,

ყვარებული, შეჯავრებული (რაც არა ჩანს), მთლიანობაში საკმაოდ ველური არსება, აი სულის წყლულები, ურჩობა, ტურები

მეტად მგრძობიარე, თვალები დაკვირვებული (რაც ჩანს), და არსებითად სარკეში იმაზე არალრმად ჩაკეტილი ანარეკლი, რაც შიგ არ არის.

ეს ორგანოზომილებიანი საბუთია, ძებნილის გამოსახულების ჩარჩო. რალაც პორტრეტი ნუთით გამოკრთის აქ სულის სიღრმიდან;

საკუთრივ სული? რა შემოძლია გითხრათ მის თაობაზე, რაც ჯერ არ იცით? აი პატარა ხორბლის ღერო, არარადან ამოზრდილი, აი დანა, ერთიანიდან ის რომ ამოჭრა.

ზოგნი ამბობენ

ზოგნი ამბობენ, რომ, მიუხედავად სხვა რამის შეძლების, ცხოვრება გრძელდება; დაპყრობააო ის, ამის მთქმელებიც არსებობენ; აგრეთვე — ისინი,

ვინც აიგივებს მას არყოფნასთან; და ისეთებიც, ვისი თქმითაც ცხოვრება გვეძლევა იმათ სამსახურში დგომისთვის,

ვისი ცხოვრებაც — ცხოვრება არაა. მე ვამბობ: შენ. და ეს ადვილად ახსნადია: ღამე კვლავაც ბურავს

სარკეებს. სახლში ლამპრები ანთია. სინათლეზეც კი არც რამ მზერა, გარდა სარკიდან მომდინარე ერთადერთისა, მაგრამ ჩემი, მისი მაცქერლის,

არავინაა მაცქერალი; და არ შეიცავს იგი შვებას უსინანულოს, და სიცოცხლეა მასში, არა სიკვდილი. და მე გავდივარ სიციხიდან, სუსხიდან, ღამე მეხვევა,

და მენატრება, ვინც საკუთარი თავის მხედავს შემხებელს. სხვა არაფერი — მხოლოდ ეს მახსოვს.

თარგმანი ნიკა ჯორჯანიძე

წინასწარმეტყველება განკრთობილის

1 ამენ გეტყვით მე თქვენ, ყოველთა მათ რომელი არა განისყიდა და სხვა რამ სესხი არა არს ვისი სულისათვის განრნა სიყმილის მომტანისა. ყოველთ მჭმუნვარეთ ამისთვის რამეთუ განსუქნა ქვეყანა და ენა წაუხდა ესდენ რომელ აღარ შესწევთ მისთა მკვიდრთა ავ-კარგის ცნობა.

ამენ გეტყვით მე თქვენ, რომელნი მოუწოდებთ მამათა და წინაპართა ღმრთეებათ წინგნის სახლიდან უწინგოდან, სპიდან, საგუშაგოდან, შესაკრებლიდან, ზარაფხანიდან, სასვენებლიდან და გულიდან ამოქმნილიდან და მოპასუხე არავინაა.

ამენ გეტყვით მე თქვენ, ვინც მოთავისედ აქციეთ კაცი: ხორცი ხორცისთვის, მძორი მძორთან. რამეთუ რასაცა მოიღებთ ხელითა, არა განუტევეთ, ფუცხვით აღებულს, ანუ ხილულს სახედველთაგან, გინა მოყვასის ხორცი იყოს ნთქამთ განხეთქამდე, და თქვენს მზერაში განყინულში უძღებება. და განძარცვავენ და დაიპყრობენ

თქვენს სახლ-კარს ავაზაკნი, ღმერთის შესხმა მათ ბაგეზე და ერის დიდება და სისხლი მათ მარჯვენაზე. ამიერ ქვეყნის დიდ-დიდთ ვინც მიეყიდეთ, რომელთ დაუბრმნეს თვალნი ძეთ თქვენთა რათა თაყვანის-სცემდნენ ოქროს და განიძღონ ამაოებით გულნი, არა დააგდონ ვიდრე ავ-კარგის ცნობა ვითარ პირუტყვმა, ბაგაზედ ბმულმა.

რომელთ ომნი ალაგზნეს და ძენი თქვენნი სიკვდიდ წარგზავნეს, რომელთ ბეგარი დაგადეს და დაშვრომა გაიძულეს კეთილისა თვისისათვის, რომელთ მოიძულეს ახალმოშენნი, რომელთ პირიდან მოწყალეების თაფლი გარდამოსდით და შეცოდებანი თვისნი პირისაგან ნათელისა დაუფარავთ, რომელნი სინმიდემი იბანენ ხელთა თვისთა ხოლო გულსა შინა მათსა მძრომელნი ჰგიან.

2 ამენ გეტყვით მე თქვენ, ამენ რღვევას და მსჯავრს. ხელთა თქვენით რღვევა ესე, გულისა თქვენის ესე მსჯავრს რომელი სულსა თქვენსა ზედა აღგიბეჭდავთ, რომელს ელოდით მარადლე და რომელ მოდგება: ნელიად იგი მოიწვევა ნაპრალთ შემსჭვალვით, ჩრდილოთ შორის, კიდეთა შიდა სახედველთა, ჩასწვრივ ნახეთქთა გულისათა და წუხილშია მისი დასაბამი და ცოდვის კითხვაა მისი ბოლო.

ამენ გეტყვით მე თქვენ სულს ჰრქვა ვინცა თვისას ვითარმედ შესწევს ჯერეთ თქვენს ხელთ ძალი

გულთა თქვენთა ზღუდისა დასარღვევად ნაღვარევისთვის თუნდა სისხლისა.

ამენ-მეთქი გეტყვით თქვენ, აუმღვრეველ არს ვისი გამოღვიძება. ვინცა საკუთარ სულს ეტყვის ამენ, ვინცა შუბლიდან წარიხოცავს, დაბეჭდილს მასზედ, სადაურობის, სამკვიდრებლის, გარდახდის ძლების და საფლავის ყოველსავე დამამტკიცებელს დაე, ჰქონოდეს ხელში ამისთვის ძალი და სახელ-ედვას კვალად ადამეანი.

3 ამენ, ამენ-მეთქი გეტყვით თქვენ, მე ვარ სახლი, მე ვარ სხეული და სოფელი. რამეთუ პირველ ხორცი გემოსათ, და თქვენი თქმული ემოსა სოფელს. და ხორცსა ზედა თქვენსა სამოსი მოიყვანეთ, მიწაზე სახლი, და სახლსა შინა მყოფი დაივიწყეთ და ბნელსა სხედით.

ამენ-მეთქი გეტყვით, და არა სდუმდეთ: გადაიგორეთ ქვა ბაგიდან და განაცხადეთ გული, ცოცხალ არს ვიდრე. რამეთუ სულმოკლეს ნაქონიც მოაკლდება, ხოლო სულმაღალს შეემატება უფროსი.

არ მოხვიდე აქედან

მოხვალ კი ჩემთან? გავიხარებ შენთან შეხვედრით? იქცევა კარბი სამოთხის კარად? ეტყვის კი კვლავაც სამი ცეცხლი შენს სახეს სალამს,

გაირჩევა კი სახელები მათი ჯერ კიდევ? ცეცხლი-გული, ცეცხლი-თავი, ფეხებშუა ცეცხლი? შენი სახე

არის კი შეშა ახლა მათთვის, უკვდავია ნეტავ მათსავით? ნეტავ მარადის ენთებიან ცეცხლნი მარადნი?

არ დამწვარან კი ფარვანები? ნუთუ არიან სუნთქვასავით გახურებულნი, ჰურის დამნთქმელი

ცეცხლივით მუცლის? ნუთუ გნახავ ჩემ წინ მჯდომარეს? ჩემო ნანატრო, საყვარელო, კითხვის ნიშანი ჩემო! ცის დასავლიდან

ცის დასავლამდე საიქიოთი აღსავსეა ჩემი მუცელი. გზა სად იწყება, მიმართულების უქონელი, თოკი სად ბოლოვდება,

თვით რომ არის მთლიანად ბოლო? და იქ ვინ მიდის, მაშინაც კი როდესაც ვრჩები? ორი კამარის გარდა, გარდა მათ შორის ჩალრმავების, ლავინს ზემოთ

ფერდობის გარდა, რას ამოაქვს გაბმით ძახილი გულმკერდიდან: მოდი! ნუ მოხვალ!

ლიტერატურული გაზეთი
საქართველოს კულტურისა და სპორტის სამინისტრო
საქართველოს მწერალთა სახლი
რედაქტორი ირაკლი ჯავახიძე
რედაქტორის მოადგილე უჩა შერაზადიშვილი
ფურნალისტი თამარ ყურული
მობ. ტელ.: (577)742277; (599)269852; e-mail: litgazeti@yahoo.com
ISSN 2346-7940
9 772346 794004